

**BIBLE DUNGJUIA
CHRSTA BEKRUP
INLOIKHÔMNA
(KOM)**

JIM MASSEY

**Published by:
World Literature Publications
Winona, Mississippi**

© 2001, copyright, World Evangelism Publications

This printing - 5,000 copies - 2024 – **Kom**

Indesign Layout: Shane Fisher

Translated by: L. Amlal Kom

Proofreaded by: L. Khullen Kom

Whatsapp nōmber: (+91) 9862848837

Phone nōmber: (+91) 9862848837

Email: amlalkom@gmail.com

Websites:

www.worldevangelismlibrary.org

www.gospelgazette.com

www.worldevangelism.org

www.worldevangelismmedia.com

Printed by:

World Evangelism Publications

Winona, MS 38967

ṬONGHLAMSÂṬ

Bible dungjuia Christa bekrup inloikhômna inchuna hin salam kanpek che. Ama hi akahlu tak them inchukna kae. Hiva sika Bible mentheina hinga ya nimu.

Lesson rakip a part 3 sasam kaom sik. 1. Lesson aṭongpui mantlukna or mantoina (short summary) 2. Ṭongpum or ṭongpui mandonsômna-inhri intona, 3. Achaina ṭongder.

Mi intheipan (oyapu) drill method of teaching hi amang sik kae (tina chu oja khan tekak man enna, mandon dân khana problem hei kha ṭlodân hridân kanai tak a vea vea tlo khan hri nōk sik kae). Aṭongpui mantlukna point katloi hei kha inkhat sasam aban banna nihri manchen tor sik. Class anphut mak hma, aṭongpum or ṭongpui mandonsômna kha kaṭha ah manhret manchen arangei. Lesson aṭongpui mantlukna (outline) hei kha kaṭha ah discusion antlo so pha, outline point hei kha class ankheng in achang mak leh ashung

kaom milip rakip in ave vea antatlo sik khana anta hri nōk sik kae (drill or repeat). Outline ave ave inthemchukna khan pha kasōt tak nimandonsōt tor sik.

Achaina tongders hei kha ahlam hingya nider thei; 1. Class anhong mak hma ah student rakip in tongder anbi bing et a anma son thei. 2. Student hei khan lesson kha kaṭha a anthemchuk hei mo ti manhret theina sik class anchai hlim leh ojan tongder ader thei hei. 3. Class anchai limle ojan students hei hneng tongder hei kha lekha sunna (writen) vâng masōnna sik ader thei hei. Ojan ama sik kahui det method kha ahmang thei sik.

Bible arup le chang anpek rakip manhret sōt nasik student rakip in anbi bing et a Bible anta mang sik kae. Christa bekrup inloikhōmna ah Bible hi raṭha kaneipen kae tihi mandon sōt roh. Hiva mantheina lekhabu hin thena lei kaom thei, achang ravâng Bible chu heite thena neimak a kae. Hiva lekhabu pek ti hi Bible ah bekrup inrōndân (chōndân) tongpui ah ani kathui nam kha kae.

Hiva lekhabu hi class sik a achang mak leh mihring inkhat in abi bing ah them inchu nasik amang thei a kae. Christa bekrup milip kachang khana kachang mak mi rakip in anhmang thei sik. Pathen singna anhmua theina sik lekha hi anteimak ma, Pathen hneng vângthat derhei rasoh. “khana nangnin akadik kha nanman hret sik a kha, akadik khân nangni naning nanhnōmma amasō sik chei kae ati” (John 8:32).

Jim Massey inti pa hi phât khasōt taka inphut kên kalei manhret a kae. Alabama Christian College Montgomery, Alabama USA ah kalei inchu lai, ama hi Greek kan ojapu kae. Khana inphut Nigeria leh Trinidad inti ramma mihei kanek a ahlopdet Pathen tōn katlo alei inphut a kae. Khang a Pathen tōn ahei tlo puma Lubbock christian college USA khana Sunset School Of Preaching Lubbock, Texas USA oja inkhat ah lei inṭhang nōk a kae. Khana atun tuna ama hi International Bible College Of Florence, Alabama USA ah oja inṭanga kaom.

Mission fields hingya ah tōn ahei tlon chung, teaching tlo nasik subject, literature hi arangei her ti hi ahei hmu phak, khana aman malung kahlut taka lekha hingya ahei son inphut jo a kae. Khava jâr, raleichung pum-pui a ama tasun lekha hingya pui katluk taka anhei hmang jo. Massey author changna, India ramma ahma inkei penna print alei intlo lekha kha hiva lekhabu hi kae, khana mi lak hei innum ama kahnung ahei jui sik tia inhor eng. Hiva lekha hi, einin nihmu tor jâr ama chung kan inpakna kanphong, khana hiva lekha hin hnunga tōn kaṭha tak leh kadik inkhat ahei tlosōt nasik intepna kalentak kannei a kae.

India ram shunga bekrup hi hong inphunsōtpek, khana rathla hlang-tinga pui tlukna sik hong kakhang pek achang jârra, hiva lekha hin bekrup inloikhômna (inrônna) chungchânga Bible kakhe det a inthemchuk na sik mathokna apek hei jârra, tōn kaṭha hingya ahei tlo sōt sik. Tōng matamna (emphasis) hi mihring tasyem sedân chōndân e mak, tâkkha rōngpua inphut kahong kha kae. Christa bekrup inkhat changna sik Bible manhmuna khan nijui sik kae. Ringnun (dharmo) tinga niloi hei sik hiva lekha hi kaṭhatak inkhat kachang sik, Bible dungjuia bekrup inloikhômna or chōndân kha anta manhret sōt ruk chang loa, Bible mantheina dungjuia akachôn mak bekrup inloikhômna or chōndân kham anmahret sa de sik a kae. Mi inkhat in an ink-hena hei kha ahmu sōt kahnunga, mihring mantheina kaneka Pathen lungdo dungjuia anvairôn bekrup kha ahei madu det sik a kae.

Hiva lekha inchuna shunga anpek chapter rakip hei hi kaṭhataka Bible le inthoya tei sōm nasik ngekna kahong nei che. Lekha kasun pan Pathen tōng hlang ting thui manhlut nasik khana hiva mantheina tōngpui karôn kha anmanhret sōt nasik rahnak a tak intlo a kae. Kakhe det a kahlu det tōng inthup manhret manchen nasik ah tōngpui chaina rakip a tōngder hei hi hong anhapa de hei kae. Bible school kapōa achang mak le correspondence course ae innum hiva lekha hin class a manchak inkhat hong kachang sik tia inhōrna kanei.

Khava jârra, malung inpâk tak a, kên, hiva lekhabu hi ahmun rakip a hmang nasik derna le inthua nangni hei sik hri manthengna hong innei jo kha kae. Khanga nihmang achang inchu hnunga kara kanei inkhat hong kachang nger sik.

J. C. Choate
New Delhi
Feb. 29, 1980

ASHUNGA KAOM HEI:

Lesson 1	7
Bekrup Inloikhômna A Eini Raṭha Neina Kha Hei Mo?	
Lesson 2	10
Bekrup Inloikhômna Hi Hei Jarra Mo Anthemchuk Sik Me?	
Lesson 3	12
Bekrup Inloikhômna Ahong Inphutna Chunga Tongkadik	
Lesson 4	14
Bekrup Hi Hei Mo?	
Lesson 5	17
Bekrup Pumkha Hei Mo Kae?	
Lesson 6	19
Bekrup Pum Khan Heikhong Mo Anloikhôm?	
Lesson 7	21
Raleichunga Bekrup Hi Heikhong Mo Organized Antlo (Anloikhôm)?	
Lesson 8	24
Sonle Hei Khana Sânkathem Hei Kha Tuhei Mo?	
Lesson 9	27
Omhmun Inkhata Kaom Bekrup (Local Church) Hei Kha Heikhong Mo Anloi Khôm Hei?	
Lesson 10	29
Hei Khong Mo Omhmun Inkhata Kaom Bekrup (Local Church) Hen Ning Le Hnôm Ma Kaom Hei (Binga Invairônna)?	
Lesson 11	32
Intûpkhômna Hei Khan An Bi Binga Invairôn Sik Hei Hi Pathen In Hei Jarra Mo Amadu?	
Lesson 12	35
Heikhong Mo Bekrup Leh Micham Sarkar (Civil Government) Nimankhe Thei Sik?	
Lesson 13	37
Mihring Hen Hei Jârra Mo Hlam Ma Kakei Hei Kahnung Anta Jui?	
Lesson 14	40
Hei Jârra Mo Enmantokna (Exampleship) Hi Bekrup Shunga Darkar Kachang	
Lesson 15	42
Bekrup Shunga Enmanton Thei Kachang Hei Kha Tuhei Mo?	

Lesson 16.....	45
Bekrup Tōntlonā Hei Kha Hei Rahlam Hei Mo?	
Lesson 17.....	48
Bekrup Hlam Kakei (Elders) Hei Raming Hei Kha Hei Rahlam Hei Mo?	
Lesson 18.....	51
Ave Vea Elders (Bekrup Hlam Kakei) Hi Hei Khong Mo Nimanhret The Hei?	
Lesson 19.....	53
Bekrup Vairōnna Hi Heikhong Denōmination In Amanthengmak (Corrup) ?	
Lesson 20.....	55
Christa Bekrup In Bekrup Inrōnna Kha Hei Khong Mo Asōk Manhmanḡ Thei Sik?	
Lesson 21.....	58
An Chōndān Dungjuia Kakhangsot Intupkhōmna (Congregations) Hei Kha Hei Rahlam Hei Mo?	
Lesson 22.....	61
Hlam Kakei (Elders) Hei Themna leh Tlotheina (Qualifications) - (I)	
Lesson 23.....	64
Hlam Kakei (Elders) Hei Themna leh Tlotheina (Qualifications) (II)	
Lesson 24.....	67
Hlam Kakei (Elders) Hei Themna leh Tlotheina (Qualifications) (III)	
Lesson 25.....	70
Hlam Kakei (Elders) Hei Themna leh Tlotheina (Qualifications) (IV)	
Lesson 26.....	74
Bekrup Inthōpui Hei (Deacons) Themna Le Tlotheina	
Lesson 27.....	76
Hei Khongmo Hlamkakei Hei Anta Kadei Sik Hei?	
Lesson 28.....	79
Mo Rathla Intheng in Hei Khong Bekrup Hlam Kakei Hei Asem Hei	
Lesson 29.....	82
Bekrup Hlam Kakei Hei Hneng Pathen Nganse Na	
Lesson 30.....	86
Bekrup Inloikhōmna (Vaihomna) Ah Tit Kaom Tak Merchikna	
Lesson 31.....	91
Ahma Inkei Penna Bekrup Inrōnna Kha Hei Khong Mo Anta Sōk Set	
Lesson 32.....	94
Hei Khong Mo Business Meeting Nitlo Sik	

LESSON 1

BEKRUP INLOIKHÔMNA A EINI RAṬHA NEINA KHA HEI MO? OUTLINE (AṬONGPUI MANTLOINA)

1. Akāṭha pen kapō kha kaṭha pen leichang mak.
2. Milak hei tatlo kha e mak.
3. Ṭongtepṭhar ruk ah.

Mandonsōmna

1. Akāṭha pen kapō kha kaṭha pen leichang mak (not what seems best): Inthemchukna` rakip hi raṭha neina thōiya kachang sik kae (standard of authority). Ṭongder rakip in taksenthei sik kachang ṭong masōnna kung kaom nger sik kae. Nikhenga nidikthei eat nasik akadikkhet raṭha neina inkhat thōiya kaom sik me kae. Ni mandon sik ṭonghlam hi ringnun (dharmo) ṭongpui chungchânga achang jârra ṭongder inkhat der hri, bekrup inloikhômna a eini raṭha neina kha hei mo? Ṭongder hei kha kadik tak a masōnna sik khang khava merchikna (standard) mo nihmang sik? Mi ṭhahrep hen anti sik, aman kadik ati dharmo kha aju nasik raṭha anei. Kaṭhapen nati kha tlo roh tia mi ṭharep hen anti sik. Mi rakip in anbi binga manṭhatna anei. Kaṭha nati mantlukna kha intlo ro.”

Pathenh hlangthinga mihring mandonna hi Pathen manṭhatna lei chang mak a kae. Rōngpu, mi inkhat bek hi abing hringkhō tlunghmun kaintâ om mak ti hi kên kamanhret jo; tûte inkhatbek in abing hringkhō hi inkhimtor mak (Jeremiah 10:23). Hlam kadik tia namandon khan thina hlam a athōithe che (Proverbs 14:12). Jesun ati, anta kamuk eng hi anmani sik a ahnemna ommak, ajarchu anmanin mihring dân kha kei dân kapōtak a mi anmanthei heia kae” (Matthew 15:9). Khava jârra mihring hei mandonna (dân) hin dharmo chung châng raṭha neitor mak ning. Bekrup inloikhômna a mihring hingya hen anmani mandonna kha kaṭha pen anti sik. Alak hen anmani method khan kaṭhadet anti nōk sik. Tâkkha mihring hei mamdonna khan in-nga-nathe e mak (berthei). Nibi bing a khômo kaṭha pen ti inderna hin akadik kha nimanhret tor sik chang mak.

2. Milak hei tatlo kha e mak: Inhni tlukna a, dharmo raṭha neina chunga mihring hei taksenna hi mi katam hlang hei tatlo or tajui khan akadik kachang sik kae anti. Mihring hei tasyem bekrup inrônna dân kataksen kajui, khan akatlo mi hingya kaom heiya kae. Ama hi dharmo ratha neina kadōi khana mandonna kadik mak inkhat kae. Mihring inkhat mandonna kanek a mi hingya hei mandonna khan kakhedet a kadik thei bat chang mak. Jesun ati, mi katam hlang hen keini kadik ung tia amandon, tâkkha anmani kha

tuhei mo aman manhret mak hei (Matthew 7:22). Akadik mak jonna hlam kajui katam hei, tâkkha hlam kadik kajonna kase mi katlom hei (Matthew 7:13,14). Isreal mi hen ansir anpang a kaom ram ralak hei (nations) kapōa reng anneithe nasik anlei madu. Ram ralak hei kapōa tōn tlo nasik mandonna khan Pathen mi hei chung a voirōnna sik Pathen mantlukna kadōi a tōn sehingya anlei tlo sōt a kae (1 Samuel 8:5-7). Bekrup in asir apang a kaom mi hei kapōa tōn tlo nasik antluk mak sik kae. Bekrup hi bekhlop kachang mi hei kha kae (2 Corinthians 6:17). Anmani hi milak hei le an-ang mak inlakving mi hei kha kae (1 Peter 2:9). Rathla kasin bekrup milip hen ansir anpanga kaom denominations kapōa tōn tlo nasik anhong intluk pha, bekrup shunga thatmak, kadikmak, porche hi hong inphutsōt kae. Mi katam hlang hei tōn mantlukna khana tlođân kha anmadu jok a kae. Tâkkha mihring hei tōn tlo hei kha Pathen tamadu akadik kha chu chang thei mak.

3. Tongtept̃har hi raṭha kanei kachang sik kae: Rathla hlangting akadiktak a raṭha kanei hi tongtept̃har hi kae. Catechism (roman catholic hei insena dân, tongder le tong masōnna sik insem tongpek rabu), mi rakip hei derna lekhabu, creet (taksendân) hei dharmo chung a raṭha neitor mak hei. Jesun anhnenga ati, “marvân chung leh raleichunga raṭha neina rakip anipek jo” (Matthew 28:18). Akadik rakip a hlam akei nasik hei aman asonle hei hneng rathla intheng alei pek hei (John 16:13). Khana tong intheng rakip hi Pathen kaphûk masakhum kae, Pathen tōn katlo mi kha tōn kaṭha rakip tlo nasik pui katluk a rahōi kasōk kha kae (2 Timothy 3:16,17). Pathen tong intheng hi, mi hring hen anta losōt mak sik khana hap um anta hapsa mak sik kae (Revelation 22:18,19). Mi rakip in Christa mantheina a akaom sik hei kae, khana akakhea akase mak sik hei kae (2 John 9,19). Tûtê inkhat bek in tongkaṭha (gospel) kha ahlop inkhat vâng thleng mak hei raso (Galatians 1:7-9). Christian hei sik old Testament hi raṭha kanei chang mak ti hi nimanhret sik kasōk. Christa a taksenna vâng ayōng mak kârseng, dân kha mi’n theiya alei kaom nam kae. Khava jârra taksenna vâng eini Pathen leh inthōiya kadika omsap thei nasik Christa ayōng mak kârseng, dân kha mi’n theiya alei kaom kae (Galatians 3:23,24). Dân kha asōk man hmang jo khana cross ah thir kirvâng kir mankop sō kachang joa kae (Colossians 2:14). Christian hei hi akaṭhadet intepna ṭhar, Jesu Christa tongtept̃har hnōiya kaom hei kae (Hebrews 8:6-13). Khava jârra dân marō ah lenpek tongpek hei, kha chu, bumankhômna inpâk malârna inkhômna hei kapō hi tuning um nihla tlo sik kae tia raṭha neina hi bekrup shung ommak jo. Bekrup invairōnna inthemchukna ah hin tongtept̃har hi Pathen kaphûk masakhum, Pathen raṭha neina tong kha kae tia kajana kanpek. Bible in kadik ati kha keini nôm kadik kanti a kae. Eini

vaipuiyin nichen hukhman hringna chung châng, vōikhat rōk inchai herra Pathen in amihei apek jo hei taksen sik chung a hin rahnak nata tlo manzom sik hi hei mazet sik chei arangei ti kaman hret pha tun nan mathokna kator chenna kahei mazet chei kae (Jude 3). Pathen tōng kahri mi khan Pathen tōng tak tâkkha hri raso (1 Peter 4:11). Ajarchu Pathenin eini anhmak bunbun sik a abek me chang mak, malung kadai nenga sik a abek me kae (1 Corinthians 14:33). Pathen tīt leh kajana kape mi rakip in araṭha neina tōng intheng khan mi amanthei sik hei khan tōng alak lak hri mak hei ning. Pathen mihen Bible tahri na khan anta hri sik, khana Bible tahri mak kha anta hri mak sik kae. Heirakip Bible leh intuk a tōn anta tlo sik, Bible le antuk rahming anta bek sik hei kae. Pathen raṭha neina aṭong intheng hi kajana leh inthōiya, hiva lesson hi anthemchuk roh. Hinna apek Bible arup leh chang rakip hei hi, naBible le inthōiya kaṭha ah teisōt roh. Ama hi Pathen tōng intheng khana tōng kadik kha kae (2 Timothy 2:15).

Tōngder hei:

1. Ni mandon sikbekrup inloi-khōmna a eini raṭha neina kha hei mo?
2. Mi hring hei mandonna kadoiya bible arup leh chang 3 pek roh.....
3. Tūtê inkhat bek in thleng mak hei raso.
4. Hlam kadik tia a athōithei che.
5. Mi hei tathe pen chung châng bible arup leh chang 2 sun roh.....
6. The Israelites hen khang khava reng mo anta lei madu?.....
7. Bekrup hi ahlop a inthen khui kae tia arup leh chang inhni sun roh.....
8. Pathen ratha neina kha mihring hei hneng kaom mo?.....
9. Hei rakip hi bible ah nita enmansin sik kae tia bible arup leh chang 2 pek roh.....
10. Dharmo a standard of authority chung châng bible arup leh chang 8 sun roh.

LESSON 2

BEKRUP INLOIKHÔMNA HI HEI JARRA MO ANTHEMCHUK SIK ME?

ATONGPUIMANTLUKNA OR MANTOINA

1. Hma ah antaksenna kada lhon mi hei kha inloikhômna inphut a kae.
2. Mihring hei inlen sakna hin kabei tlek a hlam kakei inkhat lungria that mak amasō.
3. An hlam kakei hei kapōa intupkhômna (congregations) hei khan mi kaṭha or kaṭha mak kachang hei.

ATONGPUI MANDONSÔMNA

1. Hma ah antaksenna kada lhon mi hei kha inloikhômna inphut a kae: Pha hnung inṭong ting antaksenna kha anda hlon sik tia Bible in alei phongsōt (1 Timothy 4:1). Mi ṭharep hen Pathen ṭong kadik kha anthleng sik khana hlamlea ting anthōi sik hei (pervert) (Galatians 1:6-9). Asapa thina vânga ama sik a ansyem abekrup kha akakhem anchang nasik sonle Paul in Ephesus a kaom bekrup hlam kakei hei hneng mansena ṭong alei hri pek hei (Acts 20:28). Mantheina kadik mak ankhong achang jârra Paul in kemōng hei (bekrup) kemnasik or bekrup mihlip hei manthei nasik ṭong alei pek hei. Anmani kârra mi ṭharep in Jesu Christa thisen vânga arachok abekrup mihlip hei (akataksen hei) ankahnung kajui sik a malei seiya thōi nasik ahong kasōk sik hei kae, khava jârra insinthei ruh tia Paul in kanat taka ṭong alei pek hei (Acts 20:28-30).

Einin bekrup history nin themchuk kârra phât sôt lo jenna khava ṭongphong kha pui hong katluk a kae. Antaksenna kha mi hen ahei dahlon. Akataksen hei kha mantheina kadik mak malei seiya anthōi hei. Pathen lungdo leh Pathen tamantluk mak hlamlet ting bekrup hlam kakei hen vai anhei rôn jo. Roman catholic khana ara lak hloi hlop hlop inloikhômna ahei phut sôt jo. Ama inkei penna that mak hong inphutna kha bekrup leadership a inphut kae.

Ama inkei penna, Bible anhei dahlonna jar kha bekrup inloikhômna anphut kae. Hlamkakei (Elders) hen bekrup inkhat ruk chang loa ara lak bekrup hei chung a vai anheirôn de a kae. Khana (bishops) khan hlam kakei (Elders) hei chung a vai anhei rôn jo. Mihring hen bekrup vairônna chung châng a mantlukna kha anhei thlenga achaina penna “Pope” inti kha ahei kadei sôt joa kae. Bible a Pope inti hi hmu mak me tâkkha mihring he’n antaksenna kha anhei da hlon jo a kae.

Akadik tak bekrup inloikhômna mihring hen ansōk manhmanng sik hi t̃it kaom tak kae. Taksenna dahlon hi apha rakip a hlam kakei heiya inphut ahong kasōk kae. Khava j̃arra bekrup inloikhômna anthemchuk sik me he darkar kachang her. Anmanin heikhong mo antaksenna kha anhei dahlon ti nihman hret pha, eini innum anmani tathena a inphut nibi binga inhuksōt tor sik me.

2. Mihring hei inlen sakna hin kabei tlek a hlam kakei inkhat lungria t̃hat mak amasō: Inlensak inti hi abi binga-lurna kamadu kha kae. Hlam kakei inkhat sik enman sinna kalen tak kae. Mi inkhat in t̃ōntlona anei k̃arra, akalen det t̃onkha ahei madu ria kae. Hlam kakei inkhat in t̃ongneina raṭha ahei nei pha, kakhea raṭha neina kha ahei amadu ri. Khava j̃arra bekrup shunga hlam kakei hei k̃arra kabei tlek a thena, dikmakna hingya hong kasōk kae.

Apha rakip ah mihring hei hi an-ang hei kae. Inlen sak hi mi rakip sika t̃it kaom tak inkhat kae. Sonle James leh John hei annu khan anmani ni sapa hei Jesu Christa Rengram shunga akut chang ting achang mek le veiting an-sōng sik hei kha anlei madu (Matthew 20:20-28). Sonle hei kha tunlai a mi hei kapō hei kae, mi rakip in raṭha neina anmadu pet. Nikheng a t̃ōntlona kalen nimadu. Mihring malung mandonna hi inthleng tik ommak ning.

Bekrup vairōnna chung chānga Pathen mantlukna nisōkset hi t̃it kaom tak inkhat hong kachang. Hlam kakei inkhat chang nasik inhōrna vāng ani katlai church kate t̃hak ria kae. Mi katam hlang hen heikhat t̃ōntlona kalendet madu j̃arra church kake t̃hak ri hei. Bekrup shunga insin sak taka om sik hi, anmalung khop mak a kae. Anbi bing sik t̃ōntlona kalen inkhat annei tor nasik, bekrup kha por anmache a kae. Anlensak hei kha kabei tek a bekrup hlam kakei hen dikmak hlamlea ting athōi manhlut hei. Khava j̃arra, hiva inthem chukna hi kahlu tak inkhat hong kachānga kae.

3. An hlam kakei hei kapōa intupkhômna (congregations) hei khan mi kaṭha or kaṭha mak kachang hei. Sonle Paul in Ephesus a kaom bekrup hlam kakei hei inbek pui nasik aleibek hei pha, hiva hi ahei manhret sōt a kae. (Acts 20:17-30). Bekrup katam lang in hlam kakei kadik kahnung anlei jui khana Raṭhahratna anei dedet a kae, khana bekrup kahratmak (raṭhasin) hei khan hlam kakei kaṭhamak (kadikmak) hei kahnung anleiyui ah kae. Khava j̃arra Pathen lungdo t̃ōn mantluk kha, Rathla intheng in anmani (hlam kakei) aman hngan hei rup kha kaṭha a anta ensui sik hi kae (Acts 20:28). Raṭhahratna kanei hlam kakei (strōng leadership) khan bekrup ka-ngar asem sik kae. Hlamkakei kaṭha inti hi torchenna t̃ōn t̃lona ah inphut ahong kasōk kae. Torchenna mantheina le t̃ōn t̃losōtna vāng a anphut hong kasōk kae. Pathen mi, hlamkakei hei kha kaṭhatak a intuk sik hei, khana anthemchuk (well-train)

sik hei kae. Anmani tōnhlam hi raleichunga antak pen tōntlona kha kae.

Sakhi mi katam hmai kunga kahri nathei insena tong kha, miralak inthei tor mihei hneng pehei inna nganse hei roh tia Paul in Timothy hneng tong alei pek (2 Timothy 2:2). Miralak inthei tor mihei hneng pek sik khan nganse sik hi hlamkakei sik Pathen mantlukna tōn kha kae. Khava jârra Bible a bekrup inloikhômna chungchânga anthemchuk sik me hi darkar kachang her a kae.

Tongder hei:

1. 1 Timothy 4:1 : Pha hnung intong ting chukha anda hlon sik tia in alei

2. Galatians 1:7. Mi tharep hen kha anthleng sik khana hlamlea ting anthōi sik

3. Acts 20:17. Sonle Paul in Ephesus a kaom inbek pui nasik aleibek hei pha, hiva hi ahei manhret sôt a kae .

4. Acts 20:28 bekrup hlam kakei hei hneng alei hri pek hei.

5. Pope chung chânga bible ansun nita mu mo

6. In Matthew 20:20 khan anmani ni sapa hei Jesu Christa Rengram shunga akut chang ting achang mek le veiting an-song sik hei kha anlei madua kae times?

7. 2 Timothy 2:2 Sakhi mi katam hmai kunga kha, miralak inthei tor mihei hneng roh tia Paul in Timothy hneng tong alei pek

8. Hlamkakei kaṭha inti hi tōn tlonah inphut kae.

9. Anlensak hei kha kabei tek a ting athōi manhlut hei.

10. Christa bekrup inloikhômna ah tihi mandon sôt roh

LESSON 3

BEKRUP INLOIKHÔMNA AHONG INPHUTNA CHUNGA TONGKADIK

ATONGPUIMANTLUKNA OR MANTOINA

1. Inloikhômna (Organization) rakip in hlamkakei anta nei sik kae.

2. Inloikhômna (Organization) rakip in akahnung kajui mi anta nei sik kae.

3. Rup rakip in khat le khat anbom tu sik hei kae.

ATONGPUI MANDONSŌMNA

1. Inloikhômna (Organization) rakip in hlamkakei anta nei eat sik kae. Jesun mipui hei kha a-en pha, alungset her jo hei, ajarchu ankakhem kase kemōng rup kapōa, lungdong leh inthōipui kasea kaom heia kae (Matthew 9:36). Rup a kaom sa hei innum hlamkathōi annei heiya kae. Kha leh in-ang timma rup inkhat a kaom mihring hei innum ankathōi hlamkakei anta nei sik kae. Inns-hunga hlamkakei kaom sik hi Pathen lungdo kae, khava jârra pui inkhat in innshung chung a tong anei sik kae (Ephesians 5:23). Ram pumkhat shunga kaom mi hen anchunga vaikarôn hlamkakei anta nei sik, khana reng hei leh vaikarôn hei hi aram shunga tōn katlo sik a Pathen takadei (nammanhnet) hei kae (1 Peter 2:13,14). Rup inkhat a tōn katlo hei, antōn tloa kha hlamkakei katha thōiya ahang inchu tōn kha katha det a antlo ria kae. Khava jârra bekrup hlamkakei sika Pathen mantlukna hi mondonthei or manthatthei kae. Inloikhômna (organizations) rakip in hlamkakei anta nei et sik kae.

2. Inloikhômna (Organization) rakip in akahnung kajui mi anta nei sik kae: Jesun ati, “Rengram inkhat abinga insem thena, arup-rup a an-indōi jon chu, akasōt ngir tor mak ning. Khana khopui achânga innshung inkhat achânga abinga ansemthena arup-rup a a’ndoi jo kha, akatlu inchek sik kae” (Matthew 12:25). Hlamkakei kadik or katha annei ravâng, rup rakip kahnung kahui hei kham mi katha or kadik kachang nger sik hei kae. Hlam hma kei kapōa, kahnung jui hi organization khangsōt nasik darkar kachang her a kae. Mi tharep hen Kahnung kajui (followers) hei hi heite anemna kaom mak kapōa khok sak mak heia kae. Hlamma keisik mi omloa heikhong mo leaders katha hei kae tia nimanhret tor sik? Anta jui sik kha heikhong mo anta jui sik anmanhret nasik kahnung kajui rakip manthemchuk sik hei kae. kahnung kajui rakip kadik tak kahnung kajui kachang sik hei hi Pathen inhōrna kha kae. Hei khong mo anta juisik kha aman thei sik hei.

3. Rup rakip in khat le khat anbom tō sik hei kae: Hlamkakei katha khana akahnung kajui katha hen heikhong mo khat leh khat anbom tō sik me ti hi anmanhret a kae. Hlam kakei hei khan, ankahnung kajui hei, khana antōn tlo hei, katha a anta manhret sik hei kae. ama daita kha hei mo tlo sik ahang mak le hei mo tlo mak sik ti hi khat leh khat anhret tō sik hei kae.

Hlam kakei hen ankahnung kajui hei kha pha tinna manpakna khana mathokna anta pek sik hei, khan ankahnung kajui hen innum an hlam kakei khei tōntloa kha inhret a kajana anta pek sik hei kae. Ama hin khat leh khat kârra inlungset detna rui inkhat hong kachang sik.

Bible in bekrup inloikhômna hi mihring taksapum leh tekak atlo a kae. Taksa in abaak hingya anei, taksapum sik a taksa baak hei kha darkar kachang her hei (1 Corinthians 12:12). Ke kachang khan, ‘kei, khut kachang mak jâr-ra, taksa ta changmak eng,’ atinchu khava ati khan aman hai tor sik mo ? (vs.15), khana kor khan , ‘kei hmit kachang mak jâr-ra taksa ta changmak eng,’ ati jonchu, khanga atati khan taksa baak achangna kha amanhai tor dek sik chang mak. Taksa baak rakip, akasin pen achang inhnôm ankheng a taksa pumkhat semna sik darkar kachang her hei. Taksa pumkhat a taksa baak hingya kaom hei (vs. 20,21). Hlamkakei khana ankahnung kajui hei kâr-ra khat le khat an-raot mak sik hei kae. Hlam kakei hen ankahnung kajui hei sika mandonna anta nei sik kae. Anta tlo tor tōn kha tlosap nasik ankhenga anțang sik hei kae. Hiva lekhabu hi hlam kakei, kahnung kajui khana khat leh khat inbom tōna inthemchukna kha kae.

Ṭongder hei:

1. Matthew 9:36 ankakhem kase lungdong leh kaom heia kae.
2. Ephesians 5:23 puise inkhat in anei sik kae.
3. Ṭōn katlo hei sik hlam kakei arangei mo?
5. Kadika a kahnung kajui hi bekrup shunga darkar kachang mo?
6. Ṭōn tlo sum tina hi hei tina mo?
7. Taksa pumkhat sik abaak ate te hei hi darkar kachang mo?
8. Christa rathla taksa kha hei mo?

LESSON 4 BEKRUP HI HEI MO?

ATONGPUIMANTLUKNA OR MANTOINA

1. Ramthōiya abekrup
2. Bekrup pum or Christa taksa
3. Omhmun inkhat a kaom intûpkhômna (local congregation).
4. Intûpkhôm (an assembly)

ATONGPUI MANDONSŌMNA

1. Ramthōiya abekrup: Church inti tōng rahme hi beksōt achang mak leh bekhlop or bekrup tina kae. “Church inti hi inkhômna inn kha chang mak. Saul in Tarsus a kaom nuhmei pase hei chung a khōdeng theina aleipek

hei kha bekrup chung a sōk manhrim na kae” (Acts 8:1-3). Bekrup milip hei kha abekrup or bekhlop kae. Tâkkha nuhmei pase rakip kha bekrup changmak hei, bekhlop or beksōt kachang ruk hei kha bekrup kae. Bible shunga nita hmu bekrup inti tong rahme hi milak hei kârra inphut ahlop a beksōt or bekhlop kachang jo mi hei kha bekrup tia nimanhret hei. Israel sahei kha Egypt a inphut ramthōiya anta hei beksōt na chung chānga Stephen in tong alei hrilele ah kae. Anmani kha sōkchangna le re-hringa anta surna heiya inphut ahei beksōt hei, khava jârra ramthōiya bekrup (or beksōt) tia anbek heiya kae (Acts 7:38). Hiva hin akadiktak bekrup araṭha kha inchenna nimanhret a kae. Egypt a inphut ramthōiya a bekhlop hei kha tuning New Testament shunga nita mu bekrup khachu e mak a kae. Anmanin Moses kahnung alei juiya, tui-sen dir anra-kanna, sumtuk in ankhenga aleikaun shi hei kae. Anmani Moses kahnung kajui anchang dungjuia ankhenga tui shunga leh sumtuk shunga baptize lei kachang heiya kae (1 Corinthians 10:1,2). Jesu Christa’n raleichunga ayōng kahnunga, marvân ramma anle mak kârsen abekrup lenphōnsōt mak a kae (Matthew 16:18). Old Testament na Pathen anta taksendân (religion) kha Jehudi hei Pathen taksendân kae (Galatians 1:13,14). Ama hi Christianity leichang mak, tâkkha Christianity ahong katlung sik aleikahri kha kae (Galatians 3:24,25).

Kha le inthōiya, Bible a nita mu sōt bekrup kha denōmination hi changmak. New Testament pha shunga bekrup kha denōmination hi e mak. Jesu Christa’n abekrup aphōnsōt kahnunga pha bongkhat so le mi hen denōmination (loi hlop hlop inthen khui) hi ayōng phuta kae. “Nikhenga pumkhat kachang sik me kae” ti Bible mantheina langkhatting loi hlop hlop a inthen khuina hi ayōng kaom kae (John 17:20,21). Jesu Christa mantheina jui kanek a, akataksen hen an oya hei matheina anjui jarra arup rupa inthen khōina alei kaom kae (1 Corinthians 1:10-13). Khava jârra Bible a nimusōt dungjuiya bekrup hi bekhlop or beksōt mihei kha kae. Bekrup hi intūpna inn changmak khana denōmination kham chang mak a kae. Ramthōiya bekrup kha old Testament phalai ah Jews hei kârra beksōt rup hei kha kae.

2. Bekrup pum or Christa taksa: Einin new Testament a nihlut pha Christa bekrup chungchānga nihmu sōt a kae. Jesun ati, “Ken kabekrup kasak sik” (Matthew 16:18). Bekrup kha athisin vāng ansym kae tia Bible a nihmu (Acts 20:28). Jesu Christa’n abekrup kha alungset jârra ahringna amasik a apek sōt (Ephesians 5:25). Hukmanhring kachen rakip abekrup shunga aleihapsa de hei (Acts 2:47). Bekrup hi Jesu Christa Rathla a ataksa kae, ama lu kha kae (Colossians 1:18, 24). Christian inti rup hei hi kadik tak a beksōt kachang rup hei kha kae. Anmani hi raleichung khō inthim raṭha ratna in-

phut huksōk kachang, asapa marit reng ram shunga kahringa athōi manhlut johei kha kae (Colossians 1:13). Anmanin Raleichunga anhengmak anta dalhonna, anmania inphut inthen hei, khana anhengmak heite anta tlo mak sik kae (2 Corinthians 6:17). Hiva beksōt mi hei hi, bekrup pum or Christa taksa tia Bible a nimu.

3. Omhmun inkhat a kaom intûpna or inkhômna (local congregation). New Testament a bekrup hi omhmun inkhat a kaom akataksen Christian rup hei ti-hi nimu sōt nōk a kae. Anmani hi khōshung inkhat ah achang mak le rambung inkhat a inphut beksōt johei, akataksen loi rup hei kae. Corinthia kaom Pathen Bekrup tia nihmu (1 Corinthians 1:2). Asia shunga kaom bekrup sari (7) hei kha Asia khopui shunga kaom akataksen hei intûpkhômna hei kha kae (Revelation 1:11). Paul in omhmun inkhat a kaom intûpkhômna a (local congregation) inphut christian sōpui seng chibei ahei tlo hei, “Christa Bekrup Mi Rakip In Nangni Chibei anhei Tlo Chei” (Romans 16:16). Omhmun inkhat a kaom beksōt kachang Christian hei kha local church hei kae.

4. Intûpna or inkhômna (an assembly): Manhli tlukna bekrup or church hi intûpna inkhômna tia Bible a nihmu sōt. Intûpna jao nasik an inna inphut ahei beksōt hei pha, anmani kha bekrup or church anti hei. Bekrup tina chu beksōt or beklop kae ti hi mangi mak ro. 1 Corinthians 14:23 a bekrup mi rakip ankheng a malung pumkhata an-om nachunga Paul in ahri. Bekrup intûpna , bek-inn shunga nuhmei hei kha kadai hngerra omhei rasoh. Bek-inn intûp pha (Church-bekrup), nuhmei inkhat atong sik hi inyakna kae (1 Corinthians 14:34,35). Hiva intûpna hi akataksen hei beksōt kachang rup hei, intûp nasik a akahong akataksen rup hei kha kae.

Church inti tong rahme hi Bible a ahlam manhli a nihmu. Ankhen-ga beksōt kachang mi hei tia nimanhret hei. Bekrup invairōnna ni inchuna shunga hiva tong rahme hei hi mangi mak ro. Bible tahrina khan hri roh, Bible in sip atina khan eini inhnōm sip niti sik. Bekrup chungchânga Bible tahrina dungyuia nihri achang inchu nikârra inmakna ommak ning. Bible shunga ansun mak or kaom mak bekrup hei chungga mandonna hei kha, hai jo rih.

Tongder hei:

1. Bekrup tina chu
2. Ramthōiya bekrup kha hei mo anta lei ti?
3. Rambung bekrup kha leh tuning bekrup hi an ang mo?
4. Denōmination hei hi Christa taphonsot hei mo?
5. John 17:21 apa leh asa kha.....

6. 1 Corinthians 1:10 ankhenga leh sumtuk shunga
kachang heiya kae.

7. 2 Corinthians 6:17 Anmanin Raleichunga dal-
honna

8. 1 Corinthians 1:2 tui hei bekrup chung châng mo alei rih.....

9. Khava bekrup a mo nuhmei hei in sip anta ti sik?

10. Bekrup pum kha Christa.....tia nimanhret.

LESSON 5

BEKRUP PUMKHA HEI MO KAE?

ATONGPUI MANTLUKNA OR MANTOINA

1. Christian rakip Christa lu changna thōiya kaom sik hei kae.

2. Christa thōiya mihlip rakip in-angthling heiya kae.

3. Lungset, rangeihnōm khan khat leh khat inbom tona.

ATONGPUI MANDONSŌMNA

1. Christa lu changna thōiya Christian rakip kaom sik hei kae. Bekrup hi raleichunga kaom Christian rakip in anta sem kae ti hi hiva lesson hin amanthei me. Bekrup pum hi rathla a Christa taksa, hmun hlop hlop a kaom intûpkhōmna hei tasem kae. Hiva akataksen rup hei lu kha Jesu Christa hi kae (Colossians 1:18). Taksa pum in lu inkhat ruk anei kapōa, bekrup taksa lu kha Christa kae. Taksa puma kaom abaak hen lu tong anta jui kapōa, christian rakip in Christa lu changna thōiya kaom sik hei kae. Marvân chung le raleichunga raṭha neina rakip Jesu Christa hnenga apek so jo (Matthew 28:18). Ataksa kachang hei hneng atong intheng (Bible) vâng tongpek (mansena) alei pek hei (Matthew 28:19). Raleichunga kaom akadiktak Christian rakip in Christa tongneina thōiya akaom sik hei kae, Christa hi lu anta manchang sik kae, khana bekrup (church) hi rathla Christa taksa baak inkhat kae.

2. Christa thōiya mihlip rakip in-angthling heiya kae. Christa taksa baak inkhat changna ah, Christian rakip in-angtling hei. Christa teiloa lu lak nei mak hei. Christa raṭha neina atong intheng kha changloa, raṭha neina alak heite neimak hei. Bekrup pum shunga kaom mihlip rakip mihlip inkhat changna raṭha teiloa alak raṭha neina or tongneina, tōntlona ahralak heite nei mak hei. Bekrup mihlip inkhat achang mak leh mihlip rup inkhat in mihlip alak hei chung tongneitor mak hei ning. Christa lu changna thōiya mihlip rakip in-angtling heiya kae. Tōn tlonasik ahlam ahlop ahlop Pathen in apek me, tâkkha insangdet a mihlop inkhat hneng apekna ommak a kae (1 Corinthians 12:4-6). Mi inkhat themna jârra tōn hlop hlop hingya atlo sôt thei, tâk-

kha mihlip inkhat kha mihlip inkhat kanek a kadom mansang det mak a kae (1 Corinthians 12:12-24). Bekrup puma kaom bekrup mihlip rakip Christa lu changna thōiya ankhenga in-angthling heiya kae.

3. Lungsetna, rangeihnōm khat leh khat inbom tona: Christian rakip in anchristian changpui an-au leh nai hei kha anlungset heia kae. Ankhenga Pathen innshunga mi hei kae (1 John 3:1). Member rakip in kaṭhataka tōn anta tlo sik hi member alak hen anmu hnōm her a. Ankhenga taksa inkhat baak hei kae (1 Corinthians 12:12,13). Christa taksa shunga nuhmei leh pase, Jathlop then nasik heite ommak jo, nikhenga pumkhat aman chang jo me (Galatians 3:26-28). Taksa inkhat baak nichang sap jârra, Christian hen intûpna rakip a kaom member hei sik mahamṭhatna anpek heiya kae. Christa taksa shunga heikhat inthenkhōina akasōk mak sik kae (1 Corinthians 12:25).

Taksa pumkhat shunga insem thenna ommak, taksa baak rakip akhenga inkhat leh inkhat khok ansak her hei. Taksa baak inkhat anat inchu, ankhenga anat kha nanta depui eat kae. Abaak inkhat in manpakna achang inchu, taksa baak rakip in inpakna kha anchen pui eat a kae (1 Corinthians 12:25,26). Taksa baak inkhat anat inchu, ankhenga anat kha nanta depui eat kae. Abaak inkhat in manpakna achang inchu, taksa baak rakip in inpakna kha anchen pui eat a kae. Khava jârra rathla a Christa taksa inkhat changna shunga, eini khat leh khat hi abaak me kae. Lungsetna, rangeihnōm/muhnōm kaom khana khat leh khat inbom tōna hi Christa taksa pumkhat changna a nita nei sik kae.

Tongder hei:

1. Colossians 1:18, Christa hi taksakae.
2. Matthew 28:18.....christan ahei.
3. Christa taksa in lu heija mo anei?
4. Christa taksa shunga member rakip anrathla in-angthling mo?
5. Jat jarra mi khat kanet aman len det sik mo?
6. Puise kapōa nuhmei hi Christa mit enna an ang hei mo?
7. Christa thōiya mihlip rakip heiya kae.
8. Taksa pumkhat shunga Ommak.
9. Christa taksa pumkhat changna a hei mo nita nei sik?
10. Christa thoiya mihlip rakip ankhui then hei mo?

LESSON 6
BEKRUP PUM KHAN HEIKHONG MO ANLOIKHÔM?
ATONGPUI MANTLUKNA OR MANTOINA

1. Raleichunga vaikarôn sarkar ommak.
2. Raleichunga headquarters ommak.
3. Bekruppum kha inkhat ruk a inloikhômna sik t̄on mantlukna kha setna kae.

MANDONSÔMSIK ATONGPUI

1. Raleichunga vaikarôn sarkar ommak. Bekrup pum or Christa taksa in raleichunga vaikarôn sarkar neimak tâkkha Marvânnâ alu kachang khana raṭha kanei aneiyâ kae (Matthew 28:18). Denōmination church hei leh an in-ang makna kha hi kae. Anmanin raleichung ta kachang alu tichu Pope khana Arhbishop hei kapō annei hei. Anmani raṭha neina khachu mihring hei raṭha neina kae, hing kapō raṭha neina hi t̄ongkatan ruphei leh inkhômna (convention) inkhat a catechisms tichu t̄ongder amasōnnâ le inthōiya mantheina/hripekna, derna lekhabu heiya ansun mazet a kae. Tâkkha Bible a Christa teilo tûtê inkhat bek alu kachang mu mak me (Ephesians 1:21-23). Christa taksa in raleichung ta kachang hlam kakei khana members le inthōi-ya inloikhômna hi ommak. Khana district or synods tichu, Christian hlam kakei hei intupkhomna hmun hlop, or divisions, rup a intupna inkhoithenna um neimak a kae. Inrōnnâ sik, t̄ong matlak nasik a member hei khan inkhômna leikatla hei chang mak. Mihringhei ṭhatmak jârâ bekrup shunga ṭhatmak leh antheḱ hingya anhei chōi manhlut a kae. Raleichunga khat le khat injomkhôm kanek a, Christian hen rathla a khat le khat Christa le inthōiya pumkhat kachang hei. Christian rakip khana intûpkhômna rakip Christa thōiya ningle hnôm- ma masō hei kae. Bekrup pum or Christa taksa in raleichung ta kachang in- loikhômna or invairōnnâ sarkar hi neimak a kae.

2. Raleichunga headquarters ommak: Headquarter hi hlam kakei kalen pen, alu kachang omna hmun kae. Christa bekrup lu kha Christa achang jârâ marvânram hi ama headquarter kae (Hebrews 12:2). Denōmination bekrup hen raleichunga akarôn pen headquarter anneia kae. Hiva headquarter a hin alu kachang, andenōmination rup rakip inrôndân khana chôndân chungâ control tlonasik, hlam kakei chungnungpen hei omna hmun kha kae. Pathen taphōnsôt bekrup leh mihring hei tasem bekrup an-ang makna kha hiva hin amalâr pek me. Christa bekrup sik school compound ae mak le bekrup compound kalentak darkar chang mak a kae. Hma inkei penna, Hmun inkhata, alei inphōnsôt intûpkhômna kha, alak hei kanek a aman ah-

kalu det e mak. Raleichunga kaom headquarter hei sik, sêr pekna ommak. Headquarter inphut preacher (tong kahrile) tîr sôt mak hei khana antōntlona um thleng pek mak heiya kae. Bekrup chōndân leh sedân chungchânga inbek tō nasik leh tong mathlak nasik a inpunkhômna hmun ahlop bing um ommak a kae. Khava kanek a, Marvân lu hi Christa achang jârra, Christa bekrup center hi Marvân hi kae.

3. Bekrup akhenga chung chōndân leh sedân hlangna sik rahnâkna antluk hi setna kae. Mihring khana omhmun inkhata antûp mi he'n Christa bekrup hi hloi hlop inkhata anthen khui bekrup (Denōmination) invairōnna kapōa inrōnna sik rahnaka tōn antlo a kae. Bekrup kalen inkhat in ansir anpanga kaom akasin det bekrup hei chung a vairōn nasik tak antlo ria kae. Bekrup hei chung a vairōnsik kae ti maduna le lungthim hin rambung inkhat shunga kaom bekrup rakip chung a um vai kantarōn sik kae tia rahnak a tōn antlo a kae. Christa bekrup member hei hi, katam hlang in denōmination a anphut ankhong hei achang jârra, hma ah antaksen dân, mihring hen raleichung vairōn kapōa bekrup shung anlei inhrōn kha mangi tor mak heiya kae. Mi katam tak inpunkhômna kha anmadu. Bekrup katam hlang hen antong anta jui sik kha anmadu. Ansir anpanga kaom denōmination bekrup hei kapōa tōntlona (office) khana tōn katlo hei (officers) anmadu. Intheng taka, hing kapō hei hin, Bible a nita hmu sôt bekrup chōndân leh sedân kha asōk manhman a kae. Jesu Christa mantheina kakhea akase mak sik me kae (2 John 9). Patheng tong intheng kha tûtê inkhat bek in anta tleng mak sik kae (Galatians 1:6-9). Bible a anzet tong kha ni hapsa de mak sik kha lo um nihlo sôt mak sik kae (Revelation 22:18-19). Bekrup akhenga chung chōndân leh sedân hlangna sik rahnâkna antluk hi setna kae.

Tongder hei:

1. Bekrup lu kha khonmo kaom?
2. District a Christa bekrup hi anthen khui mo?
3. Ephesians 1:22. Christa hilu kae.
5. Hebrews 12:2, Christa hi changting in onga kaom.
6. Denōminations hen raleichunga headquarters anta nei mo?.....
7. 2 John tu achang inhnôm Christa mantheina kom mak mi kha..... nei mak, Christa mantheina kaom mi khananei.
8. Galatians 1:7, mi tharep hen..... thlengna sik karei kaom hei.
9. Revelation 22:18. Pathen tong khamak sik kae.

10. Revelation 22:19. Pathen tong khamak sik kae, khanmak sik kae.

11. Chrita bekrup hi raleichunga anvaihom mo?.....

LESSON 7

RALEICHUNGA BEKRUP HI HEIKHONG MO ORGANIZED ANTLO (ANLOIKHÔM)?

ATONGPUI MANTLUKNA OR MANTOINA

1. Raleichunga omhmun inkhata kaom bekrup ruk in anloikhôm kae.
2. Bible shung bekrup inrônna chung châng mantheina rakip hei kha omhmun inkhat a kaom anhlingmak bekrup hei sika ahri na kae.
3. Omhmun inkhat a kōam bekrup (local church) hlam kakei sik kachang mak raleichunga alak bekrup hlam kakei ommak hei.

TONGPUI MANDONSÔMNA

1. Raleichunga omhmun inkhata kaom bekrup ruk in anloikhôm kae. Raleichunga kaom bekrup rakip in kumsôt sika inrônna or chônân hi nei mak hei tia hma a lesson inhni hei khan amanthei me. Tuning chu local church ruk hen bekrup chônân leh bekrup hlam hma kakei annei hei. Ephe-sus a kaom bekrup upahen (hlam kakei) Paul kha anlei rato a kae (Acts 20:17). Paul in ati, Rathla Intheng in nangni aman ngan chei rup rakip leh nan-bi binga chung inen sui ruh. Pathen in asapa thina vâng ama sik a asy-em abekrup kha akakhem chang ruh (Acts 20:28). Omhmun inkhat a kaom bekrup intûpkhômna akakhem sik a Rathla intheng in angan sui hei kae. Christa bekrup rakip antatintâ sik kae tia Bible mantheina hmu mak me. Pathen tapek chei rup (Pathen Bekrup) kakhem chang ruh, khana raṭhaset puma changloa, raṭha kahrok tak a Pathen taman tlo hnôm chei dung juiya inpâk tak a enmansui hei ruh tia 1 Peter 5:2 ah nihmu. Omhmun inkhata kaom intûpkhômna ah (Local congregation) bekrup hlam kakei hen an intûpkhômna bekrup chung ensui nasik raṭha anta nei kapōa, bekrup rakip chung raṭha neitor mak hei ning. Bekrup chônân sik a anṭôn mantluk kha alak bekrup hei chônân kanek a kaṭha det tia anlei mandon thei. Mi kat-am hlang in bekrup sika chônân hlang nasik anraṭha inhuk a kae. Tâkkha Pathen akamo zet ka eng kha, mihring kasing kanek a kasing jok (1 Corin-thians 1:25). Local church hen abi binga invaihom nasik ratha annei nasik ahlam kadik hingya kaom a kae. Mihring hen Pathen ṭôn mantluk kha kajana anta pek sik kae, khana Pathen singna leh ṭôn mantluk kha anta jui sik khana

anta malûr sik kae. Raleichunga omhmun inkhata kaom bekrup in abi bing eat a anvaihom sik hei kae. Raleichunga kaom bekrup rakip in organized (antahom) antatlo mak sik kae.

Bible shung bekrup inrônna chung chângâ mantheina rakip hei kha omhmun inkhat a kaom anhlingmak bekrup hei sika ahri nak ae. Bible shunga nita hmu anhlingmak sik tōntlona achângâ, tōn hlam kathōi sik hei chung chângâ achângâ, hi hei rakip hi local church hei atina kae. Kekrup ahong inphut bia, Pui katluka Bible alei ommak lai, pha bongkhat sik a bekrup kaen sui sik tōn hlam kathōi lei kaom hei. 1 Corinthians 12:28 ah nihmu dungjuia, bekrup shunga ahma inkei penna Sonle, inhni tlukna sânkathem, inthum tlukna Oya, Pathen in amanţang heiya kae. Khava kahnung kajuiya, tōn inlak tlo torna, mi mandamna, mi inthō puina, mi lham kakei, rasa inlak hrisōt theine raţha ahlop eat apek hei kae. Tâkkha khava Rathla intheng kutchōi hei khan bongkhat sik ruk a tōn inlak tlotorna alei pek hei. 1 Corinthians 13:8-10 in amanthei me, khachu pui katluk, Bible kha ayōng phaleh, aher seng kha kabōi sik jo. Tōn inlak tlotorna abâng pha leh, anhlingmak sik a tōn hlam kakei mi hen bekrup kha hlam ma anta kei sik kae. Bekrup kaen sui sik a Pathen tōn mantluk tōntlona kha tōn inlak tlotorna raţha kha chang mak a kae. Bekrup hlam kakei sik hei qualifications kha nihmu pha, tōn inlak torna kha lei jao mak a kae. Mihring inkhat in tōn inlak tlotorna raţha jao loa bekrup hlam kakei inkhat a inţang thei sik.

3. Anhlingmak bekrup tōntlona hei kha local church hei sika kae. Christa taksa kachang abekrup shunga Sonle hei khana sânkathem hei kha pha bongkhat so leh kabōi sik jo hei. Tâkkha bekrup hlam kakei sik hei khachu, bekrup rakip a nalei kadei heiya kae. Bekrup rakip a U-Pa hlam kakei sik ankadei pek hei; khana thlai hngei leh inthōiya ander pek hei, Rōngpu anta taksen sik a anmanse hei (Acts 14:23). Khopui rakip-a bekrup upahei kadei sōt nasik, khanchu aban banna tōntlo nasik a Tītus kha Crete a andahlonna kae (Tītus 1:5). Bekrup upa hlam kakei hei hi local church kaen sui sik ruk hei kae, khana anmanin Christa bekrup akhenga mansenasik anta leikadei sot hei e mak a kae. Khava jâra nanbing et leh Rathla Intheng in nankut chungâ anganse jo chei rup-hei hi kaţhatak a ching jo hei ruh. Asapa thisen jâra atâ amanchang jo, Pathen Bekrup sik akemōng kakhem chang ruh (Acts 20:28). Ephesus a Bekrup upahe'n anlei ratōna sik a Miletus a inphut Paul in ngekna tōng aleimanrôn hei (Acts 20:17). Upa-hei, Pathen tapek bekrup kha anta khem sik kae. Pathen tapek chei kemōng rup kakhem kha chang ruh, khana raţha setpuma changloa, raţha kahroktak a Pathen tamantlo hnōm chei dungjuia ensui hei ruh. Hlō rahlâng theina hrep a tōnkatlo changloa, malung kahluttak a tōnkatlo kha

chang ruh (1 Peter 5:2). Omhmun inkhat a kaom bekrup chang loa, bekrup pumpui chung a mansena sik raṭha nei mak heiya kae. Anhling mak Christa bekrup inloikhôma (chôndân) ni inthemchuk shunga hin, local church hlam kakei hei sik a Bible mantheina kha nihmu sôt sik. Anhlingmak bekrup chôndân (tōntlodân) sik a Bible in amanthei na me hi local congregation tōntlona inkhat sik a amantheina me inkhat kae.

Omhmun inkhat a kōam bekrup (local church) hlam kakei sik kachang mak raleichunga alak bekrup hlam kakei ommak hei. Marvân chung a bekrup lu kha Jesu Christa kae. Christa Sonle leh sânkathem hen bekrup shunga anhraming inṭhanga a kae, ajarchu anmani raṭha neina Pathen tōng kaphûk masakhum kha tuning katlung einin nijuia kae. Tâkkha hiva rahming inṭhang mi hen marvâna inphut Christa bekrup pum chung a tōntlona kalen tak annei a kae. Raleichunga anrahli kathleng sik mi tûtê ommak hei. Tuninga bekrup hlam kakei hei kha local church a kaom hei. Bible sip tina inphut ama hi einin nihmanhret a kae. Local church inkhat a bekrup hlam kakei hei sik tōntlona anpek tei loa tōntlona hla Bible a hmu mak me. Tong intheng rakip hi Pathen kaphûk masakhum kae khana kahnem hêr, akadik mantheina sik, akadik mak raseina sik, akaṭhe mandikna sik, khana kadik a hringna sik a mansena sik, Pathen inzenhei kha themna langa pui antluk a akaṭha tōn antlona sik a, hmangchâk rakip an-invon torna sik a kae (2 Timothy 3:16-17). Bible tahrina khan, nita hri sik, Bible tahri mak na khan, nita hri mak sik, Tu achang inōm, Christa mantheina khan omloa, akakhe chet a akase mi khan Pathen neimak. Tu achang inōm mantheina aka-om mi khan Apa leh Asa an-inhnia anei hei (2 John 9).

Tongder hei:

1. Acts 20:17, Paul n upahei alei bek hei.....
2. Acts 20:28, Asapa thisen jâra atâ amanchang jo, Pathen Bekrup sik
.....
3. 1 Peter 5:2, rup hei kha.....
4. Bekrup pum kha raleichunga organized antlo mo?.....
5. Anhling mak hlam kakei hei kha..... kaensui sik hei kae.
6. Hei inmo tōn inlak tlotorna kha amanbâng?.....
7. Upa hlam kakei inkhat changna sik tōn inlak tlotorna ratha arangei mo?.....
8. Acts 14:23, upahei kha kadei sik hei kae.....
9. Titus 1:5 in ati chu, upahei kha anlei kadei hei.....

10. Raleichung ta kachang t̄ontlona hei kha local church vângtinga t̄ontlona hei mo?.....

LESSON 8

SONLE HEI KHANA SÂNKATHEM HEI KHA TUHEI MO?

AṬONGPUI MANTLUKNA OR MANTOINA

1. Bekrup semmanphutna kungpuia anhmani hi ahlopdeta hlam kakei inkhat hei kae.
2. Anmani t̄on inlak tlotorna raṭha kha kabōi jo.
3. Anmani kha anhling mak sik, akaom ṭhang sika bekrup hlam kakei chang mak hei.

TONGPUI MANDONSŌMNA:

1. Bekrup semmanphutna kungpuia anhmani hi ahlopdeta hlam kakei inkhat hei kae. Raleichunga akaom neinak rakip hi t̄on inhlak inkhat a inphut ahong inphut kae. Mihring ahong insem khan raleichung ahong insem hei him, t̄on inlak inkhat a inphut ahei phut kae. Tâkkha tuning chu mihring leh ralei hi angaiya Pathen t̄on lei mantluk dungjuia, t̄on inlak jao loa kaom jo hei. Kha leh in-ang rep a, t̄on inlak tak a bekrup hi ahong inphōtsōt kae. Ahma inkeipenna Pathen t̄ong kha t̄on inlak inkhat in ahei thōi. Tâkkha tuning chu, t̄on inlak jao loa Pathen t̄ong hi mi rakip ni nimanthei tor jo hei.

Bekrup semmanphutna kungpuia Sonle hei hi ahlopdeta t̄on inlak katlo hlam kakei inkhat hei kae. Bekrup semmanphutna ah aṭon katlo sik, khana aṭong intheng kaphongsōt sik, Pathen in Sonle hei ning ahlopdeta a raṭha ratna alei pek hei. Jesun intepna sakhi alei nei, khachu, Pathen chungchânga akadik inlârpa Rathla kha ajōng pha, ama'n akadik rakip a hlam akei sik jo hei (John 16:13). Bekrup innhmun leikadeng or leikaphōn hei kha Sonle khan sânkathemhei hi kae.

Sânkathemhei leh sonle he'n innhmun anta leideng chung a nangni'm a'nsak inn chei kha kae, khava inn karōnpen arakir hlung kha Christa Jesu kae (Ephesians 2:20). Bible in amanthei me, Bekrup shunga Pathen in mi rakip anhmun et a ada hei: ahma inkeia sonle, inhnina sânkathem, inthumna oja; khava kahnung kajuia t̄on-inlak katlo, mi mandamna raṭha a'npe, mi inthōpui, mi hlamkakei leh t̄onghlop kaṭong hei hi kae (1 Corinthians 12:28). Kei sonle inkhat kachang manchēna t̄on-inlak leh det-hlana katamtak nankâra dehrat tak a kalei tlosōt jo hei (2 Corinthians 12:12). Kha leh inthōia Pathen in alungdo dungjuia Rathla Intheng kutchōi kha asempek heia t̄on-inlak katamtak leh det-hlana hei aleitloa anmani tatlo chung a asâkhi kha

aleibesa pek hei (Hebrews 2:3,4). Hiva anhmun leh hlam kakei hei hi bekrup ahong inphōtsōt nasik darkar lei kachang her heiya kae. Takka tuning chu, anmanihei anhmun leh tōnhlam hei kha rangei mak jo hei.

2. Anmani tōn inlak tlotorna raṭha kha kabōi jo. Tuning chu, raleichunga bekrup shunga tōn inlak tlonā kha abāng jo jārra, sonle hei ommak jo hei tia nimanhret. Anmani tōn manhluk kha anchai pha hihei rakip kabāng sik kae ti hi Pathen tōn manhluk kha kae. Malung mathokna tōng ka-om hei, tâk pha bongkhat rōk sik hei kae; tōnghlop a tōng theina kutchōi um ka-om, tâk alakatang sik kae; themna ka-om, tâk ala'nhmang sik kae. Ajārchu eini'n themna leh mathokna tōng kutchōi nichen hi ahar hrepte nichen kae; tâk pui katluk kha ajōng pha leh, aharseng kha inhmang sik jo (1 Corinthians 13:8-10). Pathen phongsōtna Pui katluk a tōng intheng (Bible) kha ahong pha hihei rakip hi anchai sik kae (Ephesians 4:8,11-13). Atunchu pui katluk Bible hi ninei jo, khana Bible a inphut Pathen Sapa kha nimanhretna leh nitaksenna chunga pumkhat a hong inchun sik jo me; khan chu pui katluk Christa dung leh vai kaphâk tor pui katluk mihei kha kachang jo me. Eini nikhenga in-anghrep a nichen jo hukmanhringna chungchānga, vōi khat rōk a ahei tik a sik a Pathen in khava taksenna kha amihei apek jo hei (Jude 3). Hiva lekha shunga a'nzet inhlutmak tōn kalen katamtak Jesu'n asonlehei hmai-kunga aleitlo ka-om hei. Khana nangni'n Jesu hi Messiah, Pathen Sapa kae ti nantaksen theina sik, khana ama nantaksenna vāng khana hringna nan neitheina sik hivahei hi a'nzet hei kae (John 20:30-31). Viekhat ni enmandik kha, ave vea enmandik nasik rangei mak. Pathen tōng hi einin veikhat kadik jo tia nimanhret manchenna khan are rea ka-ngir sik me kae. Tōng intheng rakip hi Pathen kaphûk masakhum kae khana kahnem hêr, akadik mantheina sik, akadik mak raseina sik, akaṭhe mandikna sik, khana kadik a hringna sik a mansena sik, Pathen inzenhei kha themna langa pui antluk a akaṭha tōn antlonā sik a, hmangchâk rakip an-invon torna sik a kae (2 Timothy 3:16,17). Sonle hei (bitin) tōn mantluk kha hui atlung jo jārra, sonle hei tōn inlak tlotorna raṭha rakip kham kabōi jo. Sonle hei raṭha neina kha abāng jo jārra, tuning chu, raleichunga sonle hei ommak jo hei, khana antōn tlonā raṭha um inchai jo (kahai jo).

3. Anmani kha anhling mak sik, akaom ṭhang sika bekrup hlam kakei chang mak hei. Tōn inlak le inthōiya bekrup ahong inphutsōtna sik sonle hei hneng tōn inlak tlotorna kutchōi kha alei inpek kae. Hiva kutchōi pekna hin mihring hei hneng sonle khana sânkathem inkhat changna sik raṭha kha apek hei. Tâkkha khava tōn inlak tlotorna rathla kutchōi kha kabāng jo, tōng phong hei um kabāng jo hei. Khava jārra, tuning chu, khang kapō sonle hei

sik le sânkathem hei sik a t̄on inlak tlotorna rathla kutchōi kha rangei mak jo, khana tuna phât sik a athara sonle leh sânkathem um rangei mak joa kae. Hiva anhmun hei hi bângtik kanei mak sik leichang mak. Sonle hei le sânkathem hei kahlang kathleng sika Pathen lungria heite len tuk mak a kae. Anmani t̄ontlona kha bekrup anphut sôt nasik a darkar leikachang, tâkkha bekrup kha hmun rakip a rimanṭhang nasik chu leichang mak. Ajarchu einin Bible hi nitaksen, sonle hen t̄on inlak anlei tlo ti um nitaksen, sonle khan sânkathem hei lei kaom hei tium kantaksenna kae. Kha leh in-ang repa, keinin kantaksen, khachu, t̄on inlak tlotorna rathla kutchōi kha kabâng jo (miracles) khan sonle leh sânkathem hem ommak jo hei. T̄on inlak tlotorna rathla kutchōi leikaom khana atun chu kabâng jo tia Bible in inchenna amanthei me. Sonle hei leh sânkathem hei kha Pathen tahei t̄ir hei kae, khana anmani kha, Pathen in ahlosôt nōk jo hei ti hi Bible in inchenna amalâr pek me. Sonle khana sânkathem hei t̄ontlona kha akumsôt sik a e mak, tâkkha pha bongkhat sik ruk a Pathen in ahei t̄ir hei kae. Kei sonle eng kae, sânkathem eng kae kati loi hei kha, akadik mak Pathen t̄ong kahrilele mi hei kae (Revelations 2:2). Anphutbia anphut akadikmak sonle leikaom hei (2 Corinthians 11:13). Mihring hen akadik mak t̄on inlak hingya ahei tlosôt (2 Thessolonica 2:8,9). Raleichunga kaom bekrup sika sonle khana sânkathem hei kha, pha bongkhat sik ruk ah akahong hlam kathōi hei kha kae.

Tongder hei:

1. T̄on inlak inlei tlo tia Bible in amanthei me mo?.....
2. Tunign katlung t̄on inlak alakaom sik kae tia Bible in amanthei me mo?
3. John 16:13, sonle hei kha
4. Ephesians 2:20, sonle leh sânkathem hei kha.....
5. 1 Corinthians 12:28, Pathen in berupa.....,
6. 2 Corinthians 12:12. Kei sonle inkhat kachang manchêna t̄on-inlak lehdet-hlana
7. Hebrews 2:3,4 in ati chu, Pathen in alungdo dungjuia Rathla Intheng kutchōi kha.....
8. Jude 3 in ati chu, Pathen in khava tak-senna kha amihei apek jo hei.
9. Revelations 2:2 khang khava sonle heichungchânga mo alei rih?.....
10. Sonle khana sânkathem hei t̄ontlona kha bângtik kanei mak mo?...

LESSON 9

OMHMUN INKHATA KAOM BEKRUP (LOCAL CHURCH) HEI KHA HEIKHONG MO ANLOI KHÔM HEI?

ATONGPUI MANTLUKNA OR MANTOINA

1. Omhmun inkhat a kaom inkhômnâ rakip in anbi binga et ah an-vairôn sik hei kae.
2. Hlam kakei hen omhmun inkhat a kaom bekrup (Local church) kha anta vairôn sik kae.
3. Inkhômnâ hei khan organized tlo sap mak heiya kae.

TONGPUI MANDONSÔMNA

1. Omhmun inkhat a kaom inkhômnâ rakip in anbi binga et ah an-vairôn hei. Christa bekrup hi denômination hei vairônna anphut masô kachang bekrup kae. Bekrup chung chângâ Pathen tōn mantluk dungjuia kanettaka chōnna sik rahnâkna tōn antlo a kae. Tongtephther shunga akaom bekrup kapōa omna sik pha rakip a leh hmun rakip ah ngêkna anei heiya kae. Bekrup sika Pathen mantlukna kha aveâ heithōi manhlut nasik rahnaka tōn antlo. Khava hei kârâ Bible dungjuia local church chōndân sedân hi inkhat kae. Tongtephthera bekrup chōndân/sedân kha ni inthemchuk kahnunga, khale in-ang hrep ah eini inhnôm nita jui sik kae. Ahma ah ni inchuna lessona nihmu kapōa, Bible dungjuia bekrup hlam kakei hei kha, tuninga ni inkhômnâ tōnhlam kakei hei hi kae. Inkhômnâ shunga Kachang mak raleita kachang hlam kakei heite ommak hei. Inkhômnâ shunga hlam kakei kachang mak tûtê inkhat bek in inkhômnâ shunga raṭha neitor mak tin. Inkhômnâ mihlip hen anmanisik ah hlam kakei hei, Evângelists, sêr katintâ sik, khana members hei kaen sui sika hlamma kakei ankadei heiya kae. Bekrup wangtinga mihei mansena inphut masô kachang sik kae. Christa thōiya tōn anta tlo sik kae. Anbinga Pathen kamukna tōnhlam hei anta sem sik, business meeting anta tlo sik, tōntlo sik tōnhlam anta sem sik, khana Bible hi raṭha kaneipen lekhabu anta manchang sik kae. New Testament ah bekrup invairônna kha athara semsôt nasik ah, omhmun inkhat a kaom inkhômnâ rakip in anbi bing eat a invairôn sik hei kae.

2. Hlam kakei hen omhmun inkhat a kaom bekrup (Local church) kha anta vairôn sik kae. Akadik tak bekrup chōndân dahlonna hi, hlam kakei inkhat in inkhômnâ (bekrup) inkhat kakheya vairônna sik ahei mantluk pha hong kasôk kae. Bible dungjuia tōn mantlukna ahong inthlenga inphut, district inkhat a kaom hlam kakei hen, ram inkhat a kaom bekrup hei chungâ

vai ahei rônna kae. Hiva tōntlodân hin hnunga Pope inti kha ahong kasōk kae. New Testament dungjuia bekrup sika tōn manhltuk kha semthar (restore) nasik, omhmun inkhat a kaom hlam kakei hen inkhōmna arahlak hei chung a vai anta rôn mak sik kae. Bekrup sika Pathen tōn mantlukna kha anlei jui achang inchu, akadik bekrup andahlon leh Roman Catholic church anta leiphut mak sik kae. Protestant churches (Roman Catholic hnōmmak jâr a ahlopna inrônna, 1501 tō 1600) hen bekrup hingya chung a vai anrônna kae. Anmanin tîles hingya annei, khahei khachu, “Agents” mikahlanng kathleng, or “traveling bishops” bekrup tōntlona kajao mak, khohme kase hlamkakei. Rup hingya kaen sui sik kha anmani tōntlona kae. District inkhat achang mak leh area shunga kaom bekrup hei hneng Kahlon rihle heiya kae. Tâk-kha Bible dungjuia andei sôt hlam kakei hen omhmun inkhata kaom bekrup ruk kha anta ensui sik kae. Christa bekrup kalen hei in, bekrup kasin det khana ahla inphutpek bekrup hei chung a ansuina sik lung ri anneiya kae. Khopui inkhat shunga kaom bekrup hen ansir anpanga kaom bekrup te hei chung a vairônna sik rahnak a tōn antlo a kae. Anraṭha kathla sem det bekrup kaen sui sik anhlam kakei hei anṭir sôt thei sik. Tâkkha amahi denōmination hei plan kae. Khana amahi bekrup aṭhatmakna ahong inphutna kethon inkhat kae. Bekrup ara hlak hen inkhōmna inkhat chung a vairônna sik anhei tlo pha, inkhōmna hei khan pui katluk taka anhning anhnōmna chônthei mak hei ning.

3. Inkhōmna hei khan invaihom sap mak heiya kae. Christa bekrup ah ahong hlut makma, hma ah member katam tlang hen denōminations church ah kum hingya member leikachang hei. Hiva experience hin akadik tak bekrup chōndân chung chānga kakhedet ah manhretna anneiya kae. Amak hma ah anlei omna bekrup kapōa Christa bekrup rakip hei him pumkhat a anloikhôm sik hei hi anmadu. Khava jâr a, an omna ramshunga kaom bekrup hei in anvaihom sik hei him anmadu. Sêr katintâ leh hlam kakei thōiya inloikhōmna um anmadu a kae. Apha katam hlanga combine sêvice tōnhlam hi antlo ri, hiva hin anbekrup intûpna tōnhlam shunga aṭhatmakna hingya ahei masō. Tâkkha, new Testamenta kaom bekrup hen len injomkhôm mak hei, anbi bing et a lei intûp hei. Inkhōmna rakipa (bekrup) anbi bing et a invairôn hei. Asia shunga kaom bekrup sari (7) hei hneng Christa chithi alei mazet (Revelation 1:11). Bekrup rakip sik a chathi inkhat sasam alei masō. Bekrup hei khan area inkhat a anlei om ravâng, bekrup hei inloikhōmna lei ommak. Asia shunga kaom bekrup sari (7) hei chung a hlam kakei inkhat bek lei ommak a kae, khava kanek a khopui shunga kaom bekrup (inkhōmna hmun) in anbi binga lei inrôn hei. New Testament a anpek bekrup invairôn-

na sik t̄on mantluk kha nijui pha, hmun inkhata kaom int̄upna hei khan ahei tika achang inhn̄om injomkh̄om mak hei tin.

Tongder hei:

1. Binga invair̄on tina chu.....
2. Agents khana traveling bishop chung ch̄anga bible a nihmu mo?"
3. Revelation 1:11kaom bekrup 7 hei hneng alei mazet.
4. Amak hma ah anlei omna bekrup kap̄oa hei him pumkhat a hei hi anmadu
5. Christa bekrup kalen hei in,
6. Khana ahla inphutpek bekrup hei chung a lung ri anneya kae.
7. Khana amahi bekrup kethon inkhat kae
8. Christa anta tlo sik kae.
9. II John 9 tu achang inhn̄om Christa mantheina kaom mak akakhe a kakase mi
10. Christa bekrup hen abi binga anjomkhom sik hei mo?

LESSON 10

HEI KHONG MO OMHMUN INKHATA KAOM BEKRUP (LOCAL CHURCH) HEN NING LE HN̄OM MA KAOM HEI (BINGA INVAI R̄ONNA)?

A TONGPUI MANTLUKNA OR MANTOINA

1. Abi binga invair̄onna (Self-governing).
2. Abi binga int̄ang or intho (Self-supporting).
3. Abi binga t̄ong phongs̄otna (Self-propagating).

TONGPUI MANDONS̄OMNA

1. Ab binga invair̄onna (Self-governing). Anbi binga invair̄onna hin int̄upkh̄omna hei kha ning-le-hhn̄omma kaom hei tina kae. Ama hi hma ah ninthemchukna lesson hei khan nihmu s̄ot. Binga invair̄onna raṭha kab̄oi tina chu, bekrup binga inr̄onna raṭha kha anhmang jo tina kae. Bekrup shunga kas̄ok omchen rakip chung a vai aheir̄on mak jo achang inchu, ningle hhn̄omma tlotorna ratha neina rakip anhmang jo kae. Mihlop inkhat in local church chung a vai ahei r̄on pha, bekrup ning-le-hhn̄omma omtheina kha, anhmang jo kae. Bekrup thoudok heikhat chung a vair̄onna khan bekrup kha atak taka

ning-le-hnōm a ansō jo chang mak. Bekrup katam hlang hen, bekrup shunga tong tanna raṭha annei, tâkkha bekrup inrōnna sik a mihlak hei inthōpuina chu anmadu a kae. Binga inrōnna hin binga inṭang (intho) kachang sik, khava ruk khan pui katluka ning-le-hhnōmma kachōn bekrup kha kachang tor sik kae.

Hinna ankheha kahlu hei hi ni manhret manchen sik arangei. Khahei khachu, congregation inkhat in ning-le-hhnōmma aomtheina raṭha inhmang loa milak hei vairōn ratō thei mak ning. Tâkkha congregation inkhat in ning-le-hhnōmma aomtheina raṭha inhmang loa phabongkhat sika mihlop hei inthōpuina arahlang thei sik. Ama hi Biblea inphut nihmanret a kae. Bekrup in mihlak inkhat hnenga inphut dân ahlo ti mankhena new Testament na hmu phong mak me. Tâkkha intūpna inkhat in mihlop hei hnenga inphut, pha bongkhat sika sêr inthōpuina leh rathla hlang tinga katlasam hei sik inthōpuina anpek hei ti hi nihmu sôt a kae. Judea a kaom bekrup hlam kakei hen pha bongkhat sika inthōpuina Antioch ah inphut anrahlang (Acts 11:27-30). Corinna Paul in Pathen tong ahrilele lei khan bekrup hei hnenga inphut inthōpuina sêr alei rahlang (2 Corinthians 11:8). Hmun hlop hlop a kaom bekrup hei sik a darkar kachang hei ensui nasik philipia kaom bekrup hen Paul hnenga inthōpuina alei ṭir sôt a kae (Philippians 4:15,16). Hma inkeia Tong kaṭha kavahrile lai Macedonia kadahlon pha nangni Philippia bekrup rōk in nantalei inthōpui eng kha nanmanhret; ka'nhmangna achânga, kahnemna achânga nangni rōk in chên nanneipui eng.

2. Abinga inṭang or intho (Self-supporing). Bekrup in ning-le- hhnōmma aom theinasik sik, binga inṭang or intho sik hi Pathen tamadu kha kae. Hma inkeia Tong kaṭha kavahrile lai Macedonia kadahlon pha nangni Philippia bekrup rōk in nantalei inthōpui na chung Paul in inpâk malârna aleinei (Philippians 4:15). Bekrup inkhat in abi binga sêr le sum ting inthona anpek kator mak kârseng, khava bekrup kha Pathen tamadu dungjui ningle hnōmma kaom bekrup kha lachang mak ria kae. Pha bongkhat sika inthōpuina him darkar kachang, achang ravâng, abinga, sêr le sum ting anrôntor nasik tak antlo sik kae. Wang tinga inthōpuina anrahlang pha, wangtinga mihei in anchunga vai anhei rôntheina sik ṭit kaom tak hlam inkhat kae. Anbekrup shunga bekrup tharep hen decision anhlo theina sik anmandonna kae. Intupna inkhat in abi binga kangirtor kachang sik kae.

Naidong inkhat nule pa hen Kahlon anmanchu pha, naidong khan abi binga ake athon sik kasōk. Abi binga ake athon mak inchu, ahringkhōa hlon thei mak ning. Abi binga ning-le-hnōm kithonna khan, abi binga kaṭha a Kahlon inchu sik kae. Khale in-ang hrep a, bekrup inkhat in anphutbia inphut abi binga sêr le sum tinga anthotor nasik tak antlo sik kae. Mi lak hen

an inthōpui kârseng abinga inrôntor mak ning. Tâkkha abi binga ake athon laiseng, abi binga Kahlon inchu dadet sik kae. Binga manhretna inphut binga support kha anchu sik me kae. Ar pui in ate hei kha thai kajong aman chu mak hen, ani katlai apui in avei hei achang inchu, anbinga thai jongthei mak hei ning, anphutna arte hen thai kajong anlei hnôm mak achang inhnôm, anpui kachang khan anbi binga anjong theinasik ranakna alei ințang pui heiya kae. Khang khan anbinga thai anhei jongthei pha, anrațha hong karat dadet a hong kakhang dadet sik hei. Khan binga thai jong hi kațhadet tia anmalunga hong kaom sik. Khale in-ang hrepa, bekrup in anphutbia inphut anbi binga support intlo nasik ranaka tōn anta tlo sik kae. Anbi binga support an intlo kârra, anmani mandonna kakheya tōn kațha hingya anhei tlosōt theisik khan hong kakhang chachet sik hieya kae. Intheng taka ning-le-hhnōmma inrôn tichu binga Intho or ințang (support) tina kae.

3. Abinga tōng phongsōtna (Self-propagating). Hiva tina chu, binga bângloa tōntlo. Self-propagating congregation hen ranakna bekrup manpung nasik Pathen tōng kațhakha anphongsōt a kae. Hmuchu kha Pathen tōng kae, khana arengam sik muchu kha Pathen tōng kha kae (Luke 8:11). Muchu khan thingkung or kaher inkhat ahong kekna sik ringna kaom a kae. Khale in-ang hrep a bekrup inkhat hongsōkna achang mak leh kakhea mankhangsōt nasik rațha kha Bible hi kae. Malung kațha mi inkhat in Pathen tōng kha atheipha, bekrup ahong kasōk sik kae. Intûpkhōmna inkhat in kakhea bekrup khangsōtna sik leh phonsōtna sik, wantinga kaom organisation hei inthōpuina rangei mak a kae. Inthupkhōmna hi motkung le in-ang hrep a kae. Vei khat nihling jo achang inchu, wangtinga milak hei inthōpuina rangei loa abinga hong kakhangsōt a kae. Phat sōtlo jenna motkung kather hingya hong kamong de sik. Hiva hi kae abinga tōng phongsōtna (self-propagation) arațha kha. Bekrup hi tōngdik chopui achang mak leh ințangpui kae tia Bible in amanthei me (1 Timothy 3:15). Intûpkhōmna rakip in khat le khat intho et sik hei, khan Pathen tōng anta phongsōt et sik kae. Khang khan bekrup thar hong inphutsōt de sik. Tōngdik kha anmani inhnôm support anhei tlo de sik. Jerusalemma kaom Takkasen a'nthekchek rakip hei khan anselena rakip a tōng kha anleiphōng (Acts 8:4). Christa bekrup kha hmun rakip a hrisōt nasik Wantinga mi ințangpui, khana denōmination inthōpuina kha darkar chang mak. Abi binga invairōnna, abi binga inthona khana abi binga tōng phongsōtna hin Christa bekrup hi pui katluk khet a ning-le-hnôm ma aomtheina inkhat kachang a kae.

Tōngder hei:

1. Pha bongkhat sika bekrup kaensui sik vangtinga mi nita rahlang hi

bible tahnōm mo?

2. Pha bong khat sika bekrup inthōpuina rahlang hi bible tahnōm mo?.....

3. 2 Corinthians 11:8, Paul inbekrup hei hneng alei rahlang.

4. Philippians 4:15, 16 Paul inthōpui nasik philip in.....

5. Philippians 4:15 Philip in Paul in hei tong intheng mo alei tir.....

6. Binga inthona chung chānga man enna inhni hei kha.....

7. Binga intho tina chu.....

8. Luke 8:11 Tong hi kae.....

9. 1 Timothy 3:15 bekrup hi akadik sik a.....

LESSON 11

INTŪPKHÔMNA HEI KHAN ANBI BINGA INVAIRÔN SIK HEI HI PATHEN IN HEI JARRA MO AMADU?

ATONGPUI MANTLUKNA OR MANTOINA

1. Hlam kakei hei leh member hei khangsōtna sik .
2. Pekna leh tōntlona kadam mansang sik.
3. Bekrup kadōi a ahlop tinga tōn katlo hei khamna sik.

TONGPUI MANDONSŌMNA

1. Hlam kakei hei leh member hei khangsōtna sik. Bekrup in ning-le-hnōm kaom sik a Pathen in hei jārra mo amadu ti kha, nihmnret mak achang inhnōm, Bible raṭha neina kha nita jui nger hi kae. Intūpkhōmna hen anbi binga inrōnna chung chānga Pathen mantlukna khan kaṭhapen kae, ajarchu bekrup hen ning-le-hhnōmma an om pha, tōn kaṭha hingya anta tlosōk kha nimusōt a kae. Hiva hin anbekrup eat a kaom hlam kakei khana member hei aman khangsōt hei. Bekrup or inthupkhōmna inkhat shunga, wantinga hlamkei hei anhei thōi manhlut heipha, anbekrup kha khangsōt tor mak ning. Wangtinga kaom rup hei khan, anbekrup tōn hei kha anhei tlosōt pha, anbekrup a kaom hlam kahei hei leh members hei khan inhleng taka khangsōt tor mak hei ning. Christianity inti taksenna hin mihring inkhat shunga kaom akaṭhapen tlotorna raṭha kha ahei keisōt pek sik kae. Omhmun inkhat a kaom bekrup hmember hei anṭhatchenna khangsōt nasik Pathen in bekrup inloi-khōmna chung tōn mantlukna aneiya kae. Congregation inkhata kaom mi inkhat in, ama kahlang a decision kahlo sik leh hlam kakei anhei tirsōt sik hei, khana ankahlang kathleng sika ankhong sik hei achang inchu, member hen

anta tlosik kasōk tōntlona kha tlo hhnōmna raṭha inhukmna neimak hei ning. Intūpkhōmna hen kakhangsōt sik hei hi, denōminational church organization hen hnōm nōm mak hei. Romans 15:14 ah nihmu dungjuia, Romma kaom Kasōpuihei, nangni inkhat leh inkhat nan-inthei torna sik manhretna rakip leh ṭhatna rakip kasip jo chei tia kabinga manhret manchēna kanei. Hiva mi hen anbinga invairōna bekrup shunga kakhangsōt hei, anmani khangsōtna kha Paul in ahmu pha alei manpak hei. Takka Hebrews 5:12-14, ah hin anbi binga anlei khangsōt tor mak jārra anlei rasei hei. Hiva mi hen phāt kasōt tak bekrup member anleichang joa achang inhnōm, mi inthei tor leichang mak hei. Mi mantheina ah Resik tlo (exercise) nasik leh manhret manchenthei nasik tak intlo ruh tia anlei manthei hei. Bekrup ah tōn hlam kakei hi them-na tinga manhret manchenna arangei. Bekrup shunga tōn hlam kakei hen member hei kha aṭhatchenna inhrang taka ankhangsōt theinasik, bekrup hen anbi binga inṭang sik hei hi Pathen lungdo kha kae.

2. Pekna leh tōntlona kadam mansangna. Headquarter a sêr ṭirsik hi, Sêr leh sum tong chungchānga denōminational hei tōn mantlukna kae. Tāk-kha binga invairōn Christa bekrup sik ralei ta kachang headquarter ommak a kae. Christa bekrup rakip hen sêrle sum tong (Finance) chungchānga tōn mantlukna khachu, anbi binga anta manbuk sêr kha local church khangsōtna ah hmang nasik, khan hei tōn tlon a hmo hmang sik tia decision abi binga nata lo sik kae. Tōn kaensui hlam kakei achang mak leh headquarters organization hei hi support nitlo mak sik kae. Hiva tōn mantlukna hin, kakhedeta pek hhnōmna lungthim ahei masō a kae. Member inkhat in asêr pek kha local church khangsōt nasik tōn heiya anta hmang kae ti ahei manhret pha, kakhedeta peknōmna malung ahei nei sik. Akhoshung a heimo arangei, aman kathedeta amanhret. Ama sêr kha darkar kachang her ti amanhret. Aman mankasea apekna khan mi khōdeng kathei, sêr le sum dardar kachang hei anthropui tor hei jarra amasik heikhat hōimahtlungna aneitor. Mankasea pekna hi mathokna sik, akape hei chungka kahea peknōmna anei theina sik, inthōpuina kamadu heisika nita pek nger sik kae ti hi nita hri manchen sik kae. Sêr le sum tong chungchānga, Pathen tōn mantluk khachu, akape hei chungka kakhe deta vāngṭhat pek sik hi kae. Hiva Pathen mantlukna hin, Pathen bekrup tōntlo rakip chungka mathokna apek hei. Mission organization inkhat in anbekrup sik tōn ahei tlosot sik ti kha, member hen taksen mak hei. Abi binga andaita kae. Tōn kha anchai jo achang inchu, atlo sik kae. Ama hi Rup ralak hei hneng daita pek kanek a, member rakip hei chungka abi binga daita anpekna hei inkhat kae. Bekrup ning-le-hhnōmma omnasik Pathen mantlukna kha pekna leh tōntlona hi aṭhatchenna mankhang sōt sik hi kae.

3. Bekrup kadōi a ahlop tinga ṭōn katlo hei kham sik. Lung kalen tak takhei kha rui ah nikhit makhei chun hei achang inchu, anmani kha anbinga ningle hhnōmma omthei mak hei ning, ajarchu anmani kha khat leh khat arupa anjom hei kae. Khana ankârra lung inkhat in tuidunga atlak achang inchu, ankhenga katla de sik hei kae. Tâkkha lung heikha nikhit manchun mak hei in, inkhat in atla achang inhnōm alak hei chu tlamak hei ning. Anmani kha abi binga masō hei kae. Hiva merchikna makhe hei hin hei jârra mo bekrup in abinga invairōnsik tikha inchenna amanthei me. Denōminational organization hen bekrup hei kha ankhit manchun hei khana anmani anbinga ningle-hhnōmma omtheina kha ahlosōt pek hei. Intûpkhōmna inkhat in bekrup kadōi a ṭōn hlop atlo achang inchu, ankhenga athui manhlut sik hei kae. Achang mak leh bekrup kaensui hlam kakei khan mantheina kadik ahri jo achang inchu, anmani rup, khat lek khat an injom jarra, bekrup mi rakip in anta jui sik kae. Pathen ṭōn mantlukna kha kaṭhapen kae, ajarchu mantheina kadikmak khana Bekrup kadōi a ṭōn hlop katlo hei akham tor hei. intupna katam hlang hin Bible dungjuia anlei chôn mak ravâng, bekrup alak hei chu ningle hnōmma an invairôn jarra taksenthei kachang taka kangir sik hei. Aṭhatchenna Bekrup in ning-le-hhnōmma anrōnsik hi Pathen tamadu kae, ajarhhu hlam kakei leh member hei khangsōtna sik, pekna leh ṭōntlona mankhang sōt det nasik, khana Bekrup kadōi a ṭōn hlop katlo hei kham nasik Pathen ṭōn mantlukna kha kae.

Tongder hei:

1. Romans 15:14 member hei kha khat leh.....sik hei kae.
2. Hebrews 5:12 apha kha ahong tlung kârra nikhenga.....
3. Nitor mak mak chang inhnōm pathen mantlukna kha nitajui sik mo?
4. Christianity hin mi inkhat
5. Mi hring hen hei jarra mo anthemchuk hei.....
6. Hei jarra mo einin katha a nita pek sik?
7. Intûpkhōmna inkhat in bekrup kadōi a ṭōn hlop atlo achang inchu, ankhenga athui manhlut sik hei kae.
8. Aṭhatchenna Bekrup in ning-le-hhnōmma anrōnsik hi Pathen tamadu kae.
9. Ajarhhu hlam kakei leh member hei Sik, pekna leh ṭōntlona det nasik.
10. Khana Bekrup Katlo hei kham nasik Pathen ṭōn mantlukna kha kae.

LESSON 12

HEIKHONG MO BEKRUP LEH MICHAM SARKAR (CIVIL GOVERNMENT) NIMANKHE THEI SIK?

ATONGPUI MANTLUKNA OR MANTOINA

1. Micham hei sarkar (Civil government) kha hei rahlam hei mo?
2. Micham hei sarkar (Civil government) baak hei kha hei rahlam hei mo?
3. Hei khong mo Christa bekrup in reng vairônna sarkar kachang ?

TONGPUI MANDONSŌMNA

1. Micham hei sarkar kha hei rahlam hei mo? Hiva pha tak hin, Bekrup inrônna leh ram hlop hlopa kaom sarkarhei leh an inkhena anchu sik me hi, kaṭhaṭhak inkhat kae. Micham inrônna sarkar kalen tak inthum hi kaom. 1. Anarchy, 2. Democracy, khana 3. Monarchy. Anarchy hi dân kachak a inrônna tina kae. Angai kachangmak, dân kaom mak, mi tûtê inkhat bek in vairôn makna sarkar. Hiva hin government ommak, khan tûtê inkhat bek in raṭha neimak hei. Hing kapō government hin, dân sōksetna mipui rathahrâtvaṅga akadikmakting ṭôn antlo a kae. Dân kha kaen sui sik police achang ah raṭha kanei mi achânga heite ommak hei. Antheng taka bekrup hi hing kapō inrônna sarkar chu e mak a kae. Raṭha kaneihei, sarkar kanōise hei chung a Bible in ranakna arakok hei (2 Peter 2:9,10). Christianity inti hi Christa raṭha neina leh aṭong intheng thōiya kaom kae. Antheng taka bekrup hi hing kapō inrônna sarkar (anarchy) chu e mak a kae. Democracy hi mi hei vairôn tina kae. Mi hen anchunga vaikarôn sik hei kha anlungdo taka leh malung pumkhata ankadei hei. An chung a vai karôn sik hei kha kaṭha taka vai anrôn torna sik, ankarôn hei kadei nasik, Democracy ah free leh open election hi kaom ma kae. Tâkkha bekrup hi democracy chu chang mak. Bekrup lu, Christa kha intheng tik ommak. Bekrup shunga kaom tûtê inkhat bek Christa rahōt kathleng sik pui katluk ommak hei. Bekrup member hen reng ahlop inkhat kadei sōt nasik raṭha um neimak hei. Democracy hi raleichunga kaom sarkar hei kara akāṭhapen sarkar inkhat kae. Christa taksa (bekrup) hi reng vairôn kae. Monarchy hi reng vairôn tina kae. Ama hi mi inkhat raṭha neina thōiya invairônna kae. Ama vairônna shunga, dân heikhat achânga, raṭhaneina achânga, ṭongder nasik raṭha neimak hei. Ama hin Christa vairônna, arengram, bekrup kha ahman hmu me. Jesun marvân chung a leh raleichunga raṭha neina rakip aneiy a kae (Matthew 28:18). Ama hi nirengpa khana nivai karônpa kae (John 18:37). Eini ama rengam shunga ami me kae (Matthew

16:18,19). Bekrup hi arengam khana Christa hi rengpa kha kae. Aman raṭha neina rakip aneiya kae.

2. Micham hei sarkar (Civil government organs) baak hei kha hei rahlam hei mo? Civil government ah kaom abaak hei kha (a) dân kasem rup (Legislative), (b) T̄ong katan rup (Judiciary). (c) vaikarôn aṭong katanrup (executive) hei hi kae. Legislative branch in Ram pumkhat (nation) sik dân anta sem kae. Ama hi house of assembly ti um nihmnhret hei. Ama hi dân kasem rup hei kae. Ram pumkhat shunga dân kha anmanin antasem sik, khana dân kasem rup inkhat kae. Ram pumkhat sika dân kha asun manzeta kae. Judicial branch hen dân kha an anmandik sik khan anmanlet sik. Judicial branch hei hi t̄ongtenna inn or hmun kha kae. Ramshunga kaom mi hei kha anamnin dân dungjuia aṭong atan pek sik hei. Executive branch in sarkar inrônna dân kha t̄on inchânga atlosôt a kae. Ama hi sarkar shunga akarônpen hlam kakei Prime Minister in kahlang antleng a kae. Hiva mi pa hi ram pumkhat shunga kaom police, army hei alu kae. Ram pumkhat shunga ansem dân kha t̄on vâng atlo sôt a kae. Hiva executive branch hi government inkhat papou sik dân kha t̄on vâng katlo sôt branch inkhat kae. Legislative branch hen dân anta sem, Judiciary branch hen dân kha anta manlet khana executive branch hen dân kha t̄on vâng atlo sôt a kae. Hiva hi civil government inkhat chôn dân kha kae.

3. Hei khong mo Christa bekrup in reng vairônna sarkar kachang ? Christa Rengram hi pui katluk reng vairôn inkhat kae ti hi ahlam inthumma nihmu sôt. (A) aman dân kha asem (B) aman dân kha aphongsôt khan amanlet khan (C) dân kha t̄on vâng ahei tlo sôt. Bekrup inrônna t̄ontlona rakip Jesun ama tu or hlo a kae. 1 Timothy 6:15na ama hi Rōngpuhei Rōngpu, Renghei Reng, mahâm kaṭha leh vaikarôn inkhat rōk kae ti nihmu. Ama hi releichunga renghei rakip reng kae (Revelation 1:5). Ama dân kha bekrup shunga kaom tûtê inkhat bek in lei mazet mak hei. Achang ravâng, Pathen chungchânga akadik inlârpa Rathla kha ajōng pha, asonle hei lekha mazeta inphut adân kha ahei phongsôta kae (John 16:13). Ke'n kahrisôt t̄ong hin a'nchai ning aṭong atan sik kae (John 12:48). Nikhenga Christa t̄ongtan in-onгна ângshunga ala'nlâr et sik me kae (2 Corinthians 5:10). Jesu hi eini Rengpa, Rōngpu, Nikapupa, khan vaikarônpa. Bekrup hi Christa rengram, Ama'n eini khô inthim raṭha hratna inphut ahuksôt jo me, khana asapa marit rengram shunga kahringa aṭhōi manhlut jo mea kae, ama'n eini nining nihnōma amasō jo me, ti chu nisetnahei arangei mandam jo (Colossians 1:13). Rengram shunga kahlut mi rakip in, khang khava rengram shunga mo kaom hei, ankheng et a manhret hei raso. Vaikarôn sik tûtê inkhat bek bekrup shunga honghlut mak

hei. Dân kasem sika tûtê inkhat bek bekrup shunga honglut mak hei. Bekrup a Christa tahapsa rakip hei kha malung innem Rōngpu sōk hei kae, khana Jesu Christa reng changna thōiya kaom hei kae.

Ṭongder hei:

1. Dân kaom mak tina hi hei tina mo?.....
 2. Binga invairōnna tina hi hei tina mo?.....
 3. Reng vairōn tina hi hei tina mo?.....
 4. Governemnt abaak her kârra khava abaak inmon dân kha tōn vâng atlo sot?.....
 5. Government dân kha tun mo asem?.....
 6. 1 Timothy 6:15, Rōngpuhei, Renghei, mahâm kaṭha leh inkhat rōk kae ti nihmu
 7. John 12:48, Ke'n kahrisōt ṭong hin aṭong atan sik kae .
 8. Colossians 1:13, Ama'n eini raṭha hratna inphut ahuksōt jo me.
 9. Christa rengam hi democracy mo?.....
 10. Christa reng changna thoiya tumo kaom hei?.....
-

LESSON 13

MIHRING HEN HEI JĀRRA MO HLAM MA KAKEI HEI KAHNUNG ANTA JUI?

ATONGPUI MANTLUKNA OR MANTOINA

1. Ṭongneitorna raṭhahrat ṭit (power) or raṭha hrat (force).
2. Lomman madu jârra (ṭōntlona or Dânloa, tlohnōm nasik pekna or hlo).
3. Anmantokna- kahnungjui (mitlodân dân a tlo).

ṬONGPUI MANDONSŌMNA

1. Ṭongneitorna raṭhahrat ṭit (power) or raṭha hrat (force). Government inrōnna inkhat kapōa, mi hen anhlam kakei hei kahnung anta juina ajar kaom a kae. Khachu ṭongneina raṭha or raṭhahratna ṭit jârra kae. Reng kapōa tlotorna kanei hlamkakei inkhat ahang jârra, akahnung kajui rakip hnenga, aṭong anjui nger nasik tanti antlo hei. Khang khava mi hen anhlam kakai kha aṭit her, khana ama kahnung juimak sik um aṭit her a kae. Chris-

tianity in member hei hneng anhlam kakei hei kha anta jui nger sik hei kae ti maṭitna ommak a kae. Pathen in mihring hei hneng aṭong anta jui nger sik kae ti ṭongpek leh manṭitna tlo mak a kae. Jesu christan raṭha neina rakip aleinei achang ravâng, ṭongpek juinasik ṭong kanger heite hri mak a kae. Akahnung kajui rakip in anbi binga maduna dungjuia aṭongpek kha anlei jui. Bekrup hlam kakei hei sik um hing hin kachang sik kae. Bekrup hlam kakei hen anmember hei hneng anṭong hri jui nasik ṭong kanger hrinasik raṭha hratna neimak hei. Raleichunga raṭha hratna rakip anei achang inhnôm, bekrup inkhat in aṭong hri anta jui nger sik kae tina sik raṭha neimak hei. Member hen inṭit jârra ankahnung manjui nasik ranakna tak intlo mak sik kae. Christian hen satan kha antaṭit sik kae, tâkkha mihring inkhat ṭit nasik lungthim anta neimak sik kae. Jesun ati, taksa kaṭhat tor kha ṭit mak hei ruh (Matthew 10:28). Government inrônna ah vaikarôn hen nampho a vai anrônthei, tâkkha Christa renggram shunga vaikarôn chu e mak hei. Bible in ati, Lungset in ṭit neimak; lungset pui katluk in ṭitna rakip ahnong sôt (1 John 4:18). Mi hen anṭit jârra, khana raṭha hratna anei jârra bekrup hlam kakei inkhat kachang thei sik eng ti tûtê inkhat bek in mandon mak raso.

2. Lômman madu jârra (ṭōntlona or Dânloa, tlohnôm nasik pekna or hlo). Inhni tlukna mi hen anhlam kakei hei kahnung anta juina jar kha chu lomman maduna hi kae. Khava jârra apha rakip ah ṭōn katlo hen anṭōn kappekpa kahnung anjui. Ama tapeksik hloman kha ayong. Ama hin, kabei tek a ṭōntlona sik dânloa sêr pekna leh hlona ahong kasōk kae. Tlohnhômna sik anpek sêr kha anrahang hhnômma kae. Malung intheng taka ṭōntlona hi mi rakip in anta kaja sik kae. Ṭōn inkhat tlonah hlomman pek sik aṭhatmakna heite ommak. Tâkkha dharmo hlangtinga leaders hei ṭongpek juinasik chu chang mak. Malung intheng mi ṭahrep hen, heikhat kutchōi madu jâr-ra preacher hei kahnung juina sik intuk hei. Sêr mutheina sik, mi inkhat in dharmo hlangtinga leader inkhat changna sik tak intlo thei. Tâkkha, ama hi christianity shunga mandonna kaṭhamak pen kae, ṭhatmak ting sêr-le-sum manpung changloa, malung inpâk taka Elders hen kemōng rup anta ensui sik kae (1 Peter 5:2). Mi kahao inkhat in asêr nei jârra bekrup hlamkakei kachang tor sik eng tia alei mandon thei. Bekrup shunga sêr katam tak apek mahlut jârra aṭong anrangei sik um alei mandon thei. Amahi bekrup shunga kajana inpek dân kha chu e mak. Sêr maduna kha bekrup wangting dasik, ajarchu sêr madu hi ṭhatmak rakip anphutna kae (1 Timothy 6:10). Sêr in hlamkakei khana member hei ṭhatmak asem hei. Leader sik pui katlukmak hen sêr vânga leader hong kachang ri hei. Sêr jârra tûtê inkhat bek in bekrup hlam kakei khana kahnung kajui hong chang mak raso.

3. Anman tokna (Example) - kahnungjui (mitlodân dân a tlo). Bekrup leadership matō nasika t̄lodân kadik khachu anmantōkna- kahnungjui hi kae. Anmani t̄lodân kapōa antlo hnōm jârra, christianity a mi hen an leader hei kahnung anlei jui hei. Hei rakip hei chung a mahi akathapen khan madu kaom pen mandonna kha kae. Hing kapō leadership hin leader kathepen ahei masō sik. Ama nunchen vâng khan hlam kakei chang nasik mi thahrep hen inhngak thei. Kakhecheta nien pha, mihei sika inchuthei inkhat chang-na hin kahnung kajui hei hneng malung mathokna kalenpen kha apek hei. Mi hei inchutheina inkhat kachang sik hi, bekrup inrōnna ah akathapen example kae. Hiva mandonna hin Bible mantheina kha aman ngar det a kae. Christian leadership inkhat chungchânga manhret theina chabi kha kae. Raleighunga anmantoksik kalenpen kha Jesus Christa hi kae. Jesu hi anphutbia anphut aṭōn tlo rakip leh ami mentheina rakip tia Bible in amanthei me (Acts 1:1). Aṭong mantheina hei kha jui nger sik tûtê inkhat bek in tanti atlo mak hei. Akahnung kajui rakip hneng, raleighung ta kachang tloman heikhat pek nasik intepna leineimak. Tâkkha Jesu hi juk rakip a akalenpen hlam kakei kha kae. Hlam kakei lak hei kahnung jui sik kanek a Jesu kahnung hui nasik mi katham hlang hen anrathla leh malung anpek det a kae. Example rathah-ratna kha aman hmu me. Mitlodân dân a tlo hi, member hen an leader hei kahnung anjui theinasik ansangpen khana akathapen manenna inkhat kae.

Tongder hei:

1. Christan akahnung jui nasik tanti atlo mo?.....
 2. Matthew 10:28 dungjui a tumo nita t̄it sik?.....
 3. 1 John 4:18 lungset hin heimo ator?.....
 4. 1 Peter 5:2 ser hi.....
 5. 1 Timothy 6:10 ser hirakip kungpui kae.
 6. Mi inkhat in hlam kakei kapoa ton atlo hnum inchu, ama kha hei mo niti sik?.....
 7. Acts 1:1 jesun hei mo alei tlo?.....
 8. Raleighunga hlamkakei kalen pen kha tumo?.....
 9. Malung intheng taka t̄ōn katlo hei kha mi rakip takaja thei kachang hei mo?.....
 10. Hlamkakei hei kahnung nita jui nasik jar kha hei mo?.....
-

LESSON 14

HEI JĀRRA MO ENMANTŌKNA (EXAMPLESHIP) HI BEKRUP SHUNGA DARKAR KACHANG?

ATONGPUI MANTLUKNA OR MANTOINA

1. Example (anmantok) araṭha jārra.
2. Example hi darkar achang jārra.
3. Example raṭhaneina jārra.

TONGPUI MANDONSŌMNA

1. Example (anmantok, man enna) araṭha jārra. Example hi lim or manhmuna inkhat kae. Anmantōk or man enna hi rih kanek ah amalār sōt det a kae. Milak hen kaṭhadet a anmu pha leh anjui theina sik tōn mantlukna kae. Bible in amathei me, Jesu Christa kebi kahnung kha nijui theina sik man enna ada hlon pek me (1 Peter 2:21). Ringna hlam nijon theina sik Jesun hma kasonna lei kalon jo. Ni sena sik hlam kha kabeitek a nimanhret thei sik, ajarchu aman anthengtak lim kha nihma a ada pek jo me. Ama hi kae man enna inti kha. Sample inti tong rahme leh example inti hei in anpojek hei kae. Sample (amer manhret nasik man enna), example man enna. Sample inti hi heimo, mi rakip in anta manhret sik kasōk. Karbar katlo mi inkhat in bazar a phor ajor pha, aneināk hei kha hei hei mo ti manhret theina sik man enna ada ah kae. Phor anchok mi hei khan kakhea anmadu detna sik neināk rakip sample da hnōmna malung anei. Phor anchok kahong hei hneng rachok nger ruh ti tanti tlo mak hei, tâkkha khava sample or example khan anmalunga rachok hnōmna sika ajor heiya kae. Ama hi christian hringkhō shunga aka-diktak man enna inkhat kae. Christa a honghlut theina sik milak hei malung nijor tor nasik man enna kha kachang sik me kae. Example hi akaṭha khana kaṭhamak um kachang thei. Sodom leh Gomorrah kha khopui kaṭhamak, eini hei man enna sik kae tia Bible in amanthei me (Jude 7). Anmani kha man enna kaṭhamak hei kae. Mi kaṭhamak hei chungu Pathen phōro man enna um kaom. Ramhnoi a ṭhaksenthei kachang mak Israel sahei kha, tuning eini sika man enna inkhat kachang a kae (1 Corinthians 10:6,11). Example inti hi, Pathen in eini sik a heimo aman tlo hnōm me achang mak leh aman tlo hnōm mak me kha lim kapōa nihma man enna inkhata amalār sōt pek me. Christian rakip hi example khaṭha achang mak leh kaṭha mak inṭhat kachang thei et me. Bekrup shunga example kaṭhahi arangei, ajarchu ama hi mi hen kabei teka anmanhret thei khana jui um anjui theiya kae.

2. Example hi darkar achang jārra. Bekrup shunga example kaṭhahi

arangei her, ajarchu ama hi mi hen kabei teka anmanhret thei khana jui um anjui theiya kae. Ralei mi hen pui katluk man enna kha arangei her jo jâr-ra Pathen in Asapa mahrit inkhat ruk kha vâhnōina eini hei sik man enna sik ajōng tîr sôt jo. Kum leh thla hingya hi Pathen in ami hei leh inhnōm-na inkhat alei sem, tâkkha Christa ahong kahnunga, Pathen kha kakhe deta manhret manchenna anneya kae. Raleichung leader khana oja rahming in-ṭhang hingya kaom hei, tâkkha Jesu mak teiloa pui katluka ama ṭongpek kamalârtor tûtê ommak hei. Vâhnōina kaom mihring hen anmani a inphut para inchu nasik khan heikhat kanem inkhat anthei (rangei) nasik kacham taka angâk hei. Hiva hi tuning um mi rakip in anhla ngâk a kae. Mi hen Jesu Christa kahnung kajui heiya inphut ama mantheina kha ṭōn wang anta tlosôt sik kha anhmu hnōmma kae. Tuning chu, raleichung hi ahlop hlop mi mantheina in kasip jo. Tâkkha Jesu Christa mantheina dungjuia kase mi kha katlang her jo hei. Nabi binga in-en kaṭha roh khana nami mantheina kha ensui kaṭha roh. Hivahi intlo ṭhak roh, ajârchu nang in hinga natlo ṭhak inchu nang leh inṭhōia naṭong katheihei nahuk sik hei kae (1 Timothy 4:16). Bekrup leader kachang hnōm mi hingya kaom hei. Tâkkha tekhing (example) kachang hnōm mi chu katom tek hei. Tekhing chang nasik atunna pha shunga, ahra-ngei pen inkhat kha kae. 1 Timothy 4:12, Timothy in ati, akataksen heisik taksenthei inkhat chang ro. Bekrup shunga achânga bekrup wantinga achânga leader inkhat in example kachang sik hi darkar kachang her. Vâhnōi sika example kaṭha arangei, khana bekrup in khava example kaṭhakha jui sik um arangei. Tunna pha shunga hin example kaṭhahi arangei her jo, example kaṭhatak chang nasik tak nitlo sik me kae.

3. Example raṭhaneina jâr-ra. Anraṭha hratna jâr-ra example kaṭhahi arangei her. Paul in ati, Kami manthei leh kaṭong hri kha mihring singna inphut ṭonghri themna vâng leichang mak, tâk Pathen Raṭha hratna manchêna vâng kaleihri kae (1 Corinthians 2:4). Mi hei sika man enna kalen tak inkhat achang jâr-ra Paul ṭongmanjui torna (influence) kha insang her. Ṭong rahme inkhat bek hri loa mi inkhat in Pathen ṭong ahri thei sik. Amahi Abel in aleiti tia Bible record heite ommak. Tâkkha, aleithi jonnōm, man enna ṭong hingya ala hria kae (Hebrews 11:4). Enoch, Abraham, khana Joshua hei kha ṭong kahri kathem mi leichang mak hei, tâkkha ṭōn inchânga katlosôt mi hei kae. Anmani man enna raṭhahratna kha mandonsôt roh. Tuning bekrup shunga ṭong kari kathlem hingya kaom jo hei, tâkkha hri ruk anta hri ṭōn inchânga heite tlo chu tlosôt lo hei. Ama hi akatlaksam hlam keina kha kae. Tâkkha mi hen anta kaja hlam kakei kha raṭhahratna kanei hlam kakei kae. Ama omchen kadik jâr-ra mi hen ama tatlodân dân na ṭōn antlo hri. Aṭhat nasik

ṭong kamanjuitor mi khat kae. Bekrup shunga achânga, wantinga achânga hringkhō hi aman katam her. Jesu christan ahringkhō om shung senga hei khong mo Vâhnōi hi alei man thleng kha mandonsōt roh. Akahnung kajui 19 century millions hen ama kapōa omnasik ranakna ṭon antlo a kae. Raleichunga kaom rakip in an inkop inhnōm Jesu ṭon tlotorna kapōa tlo tor mak hei tin. Akalen akalur khan raṭha kahrat remi khan rengam hen lei katu hri khan anmangi jo hei, tâkkha Christa ṭongmanjuitora raṭha kha chu sunkhat sunkhat a hong kakhang dadet a kae. Setna kasip raleichung kathleng torsik Jesu kapō raṭha kanei inkhatbek ommak a kae. Anmani raṭhahratna jârra example hei hi bekrup shunga darkar kachang her.

Ṭongder hei:

1. 1 Peter 2:21 jesun hei mo alei dahlon pek me?.....
2. Man enna 2 hei kha hei rahlam hei mo?.....
3. 1 Timothy 4:16 in in hei mo ati?.....
4. Teking leh ser , tun mo rathahratna anta nei det?.....
5. 1 Corinthians 2:4 Paul in hei leh mo pathen tong alei rih?.....
6. Hebrews 11:4 Abel kha lei thi jo ahang inhnōm?.....
7. Rambunga israel hei kha eini sik man enna kachang thei hei mo?.....
8. Hei jarra mo man enna darkar kachang her?
9. Hei jarra mo bekrup shunga man enna rathahratna arangei?
10. Atunna pha shunga arangei pen kha hei mo?

LESSON 15

BEKRUP SHUNGA ENMANTON THEI KACHANG HEI KHA TUHEI MO?

ATONGPUI MANTLUKNA OR MANTOINA

1. Christ.
2. Elders. Deacons (Bekrup hlamkaei leh bekrup inthooui hei).
3. Evângelists (Ṭong kahrilele hei).
4. Parents (Nu le Pa).
5. Congregations (intûpkhomna).
6. Every member (mihlip rakip).

TONGPUI MANDONSŌMNA

1. Christa. Bekrup shunga tōntlonā kamatu rakip leh member rakip in tekkhing kachang sik hei kae ti manhmuna hin exampleship hi hingtuka akahlu kae ti hi Bible in amalār sōt. Dânloa pekna hlo achang mak leh tanti taka christianity in Vānhnōia kaom mi rakip tongmanjui nasik intuk mak a kae. Example a inphut ațong amanjui heiya kae. Christian hei tatlo sik rakip kha Jesu ama khet in hma khan alei tlosōt jo. Ațōn tlonasik leh ami mantheina sika anphutbia inphut alei tlo sōt jo (Acts 1:1). Nita jui sika man enna kebi alei dalon pek me (1 Peter 2:21). Ni-Thempu Kalen hi eini tlāksamna chungā lungset inhret mak changmak. Tāk-kha, eini kapōa ahlam rakip a mathlemna aratō jo, tāk setna heite katlomak Thempu Kalen kha eini'n ninei (Hebrews 4:15). Khana Jesu hi kemōng kakhem kalen kha kae, aman akemōng hei hma ma athōi hei, akemōng hei kha lei noksōt mak hei (1 Peter 5:4). Jesu pha laiya kemōng kakem hei kha an kemōng hei leh lei inhna tlekk hei. Khat le khat kahtha a lenhret intō hei. Kemōng kakempa khan akemōng hei alungset hei, akemōng hei inhnōm ama anlungset khan ațong hri anjui. Kemōng kakempa khan akemōng hei hma kasonna lei kase. Aman anhlam jōn nasik aman thei hei. Aman lei vok mak hei khan tanti um leitlo mak hei. Akemōng hen akahnung anjui hnōmna sik malung innem taka alei thōi hei. Christa hi, hing hiva kapō kemōng kakhempa kha kae. Hing kapō leader hei hi christian hen kachang sik hei kae.

2. Elders leh Deacons (Bekrup hlamkaei leh bekrup inthopui hei). Elder khan deacons hei in Inthukhōmna a tōnkatlo inkhat, khan sōk inkhat chang jārā, anmi hei sika inchutheina (Example) kachang sik kae. Ephesus hei kha anbi bing chungā inen sui nasik alei manthei hei. Rup kha ankhem nasik tongpek anlei pek hei (Acts 20:28). Nantatintā hei chungā vairōnna sik mandon mak ruh, tāk khava rup-hei ta'nchū thei kha chang ruh (1 Peter 5:3). Elders hei qualification hei kha raleichung khana member rakip in inchutheina achangna sik hlam lenpek kae. Ankāra singna kanei leh Rathla Intheng kasip antamanhret hei kha ahma inkeipenna deacon sika anlei kadeisōt hei (Acts 6:3). Anmani hma inkeia enmansin sik hei kae, anmani'n khava enmansinna kha antor inchu, tōn kha tlo hei rasoh (1 Timothy 3:10). Elders khana deacons hei kha inchuna thei kachang hei ti jārā anlei kadei hei. Anhringkhō hmang kha inchunathe i achang jārā bekrup in ankahnung juina sik anmalung le rathla anpek sōta kae. Ahlam ahlop inkhat jārā kadei mak sik hei khan jui um juimak sik hei kae. Christa bekrup inrōnna hi inchutheina inphuta kachang a kae. Elders khan deacons hei in members hei kha anrakok hei pha, anhnunchen kha inchutheina nunchen kachang sik kae.

Bible in amanthei me, innshung kaṭha akahlō, asa he'n kajatak a aṭong anta-jui mi akachang sik kae. Ajārchu mi inkhat in a-innshung kaṭha arôn tor mak inchu, heikhong mo Pathen bekrup kha a-ensui tor sik? (1 Timothy 3:4,5). Ama kha Seitan châng shunga ahlut makna sik leh inzakna achen makna sik, bekrup vângtinga mihei takajathe mi inkhat akachang sik kae (1 Timothy 3:7). Elders khan deacons hei kha nunchen khaṭha inchunathei kachang sik hei kae.

3. Evângelists (Ṭong kahrilele hei). Congregation sika example inkhat nōk khachu preacher (ṭong kahrilele pa). Inchutheina inkhat chang ruh tia Evângelish hei kha ṭongpek anleipek hei (1 Timothy 4:12). Nabinga in-en kaṭha roh khana nami mantheina kha ensui kaṭha roh. Hivahi intlo ṭhak roh, ajārchu nang in hinga natlo ṭhak inchu nang leh inṭhōia naṭong katheihei nahuk sik hei kae (1 Timothy 4:16). Ami mantheina ah Inchunathei inkhat achangna khan abinga khan aṭong kathei rakip ahuk sik hei. Nunchen kadikmak khana mantheina kadikmak khan abinga khan aṭong kathei hei huksōt tor mak hei ning. Thessolonianna kaom christian hei hneng Paul in ati, “Nangni'n keini taleitlo kapōtak a nantatlo sik hi kaṭha nenga nantam-anhret jo kae. Keini nangni leh ni-om saplai khan kanraṭha semak a kae” (2 Thessolonica 3:7). Vs 9 na Paul in hing hin alei hri manchen pek hei, Keini'n ṭōn kantatlo kha, inthōpui der sik hi kanrahōi sōk mak tia changmak; tâk keini ṭōntlo hi nangni tajui sik a manhmuna sik kantatlo kae. Evânggelist hen bekrup hmaikunga inchutheina inkhat anchangthei naik Christa tatlo kha antlo a kae.

4. Nu le pa hei (parents). Christian nu leh pa hen ansa heisik raṭha kanei khan kaṭhatak inchutheina inkhat kachang sik hei kae. Timothy in taksenthei kachang nu le pi aleinei (2 Timothy 1:5). Nu le pa teiloa asa sik a man enna kaṭhadet ommak a kae. Anu le apa hen inna heimo anta tlo kha inchenna ansa kha amanhreta kae. Ama kha honmathlak tor mak tin me. Lekha katei tormak achang mak leh Bible kamanthei tor mak nu khan asa sika kaṭhatak man enna inkhat kachang a kae. Bekrup shunga nu le pa hei hi man enna kalentak inkhat hei kae.

5. Congregations (intûpkhômna hei). Intûpkhômna inkhat in alak inthupkhômna hei hneng omchen kaṭha achang mak leh kaṭha mak inhni hi amalâr sōt . Anram shunga kaom bekrup hei sik inchutheina kalentak inkhat alei chang jârra Thessolonica a kaom bekrup hei kha anlei manpak hei (1 Thessolonians 1:7). Bekrup katla sam hei kha inchutheina kalentak kachang heiya inphut mathokna anhmua thei sik. Denōmination hei leh Pathen anhretmak khan congregation hei nunchen kha ani katlaiya an-en hria kae. Jesun

ati, “Nangni vâhnōi pumpui sik a vâ kapō chei kae. Tlâng chung a’nsak khōpui kha inthup tor mak” (Matthew 5:14). Christian rakip hi var kachang et sik hei kae, anmanin an inpun kârra, khopui shunga varpa kapō, kahla taka inphut nihmusōt tor khang khava var hei kha kae ati. Intûpkhômna hei in inchutheina kâthatak kha kachang sik hei kae.

6. Every member (mihlip rakip) . Member rakip in anvâr kha anset manvâr tor mak achang inchu, an intûpkhômna kha avâr set tor mak ning. Khava kapōhrep a nanvâr kha mihei hmaikunga akavâr nger sik kae (Matthew 5:16). Christian hringkhō hi chu mi rakip tatei lekhabu kapō kae (2 Corinthians 3:3). Christa bekrup member rakip in alak christian malung karôn hei sik inchutheina kha kachang et sik hei kae.

Tongder hei:

1. Hebrews 4:15 dungjuia Christa hi.....
2. 1 Peter 5:4 Christa hi.....
3. Acts 20:28 upahei hei mo anta ensui sik.....?
4. 1 Peter 5:3 elders hen kemōng rup kha.....
5. Deacons hen man enna kachang sik hei kae ti bible arup leh chang pek roh.....
6. 1 Timothy 3:7 elders hei hi.....
7. 1 Timothy 4:12 nangni..... kachang sik chei kae.
8. 1 Timothy 4:16 Evangelists hen hei a mo kanet taka kaom sik hei?.....
9. 1 Timothy 1:5 Timothy anu leh api rahming pek ro.....
10. Bekrup hen man enna kachang sik hei kae ti bible arup leh chang sun roh.....

LESSON 16

BEKRUP TŌNTLONA HEI KHA HEI RAHLAM HEI MO?

A TONGPUI MANTLUKNA OR MANTOINA

1. Elders (bekrup Upahei).
2. Deacons (bekrup inthōpui hei).
3. Evângelists (tongkahrilele hei).

TONGPUI MANDONSŌMNA

1. Elders (bekrup Upahei). Bekrup shunga hlam kakei hei tōn tlo sik hei kha ni inthemchuk nasik inhrin jo me. Hma inkeipenna tōn (office) inti tong rahme hi manhret manchenna neihri. 1 Timothy 3:1 ati, mi inkhat in bekrup

hlamkakei chang sik amaduhêr inchu, ama'n tōn kaṭhatak inkhat amadu kae. Bekrup inrōnna a office or tōn inti hi tōntlo tia amalâr sôt. Bekrup shunga tōn hi mi inkhat in alosik daita achang mak leh aṭōntlo sik tina kae. Bekrup tōn katlo hei hi gouvernement tōn katlo hei kapōa kalem taka kaom sik hei kae tia mi katam hlang hen anman donna kae. Anmanin office anta neisik, khan office shunga intungna bench leh desk kaom sik, khan heimo tlo sik, tlo mak sik kha mi hei hneng anta manse sik hei kae anti. Tâkkha bekrup tōn or office hichu bekrup in ata tlosôt sik tōn kha kae. Ram pumkhat shunga kaom sarkar tōn katlo hingya ṭhatmak in kasip jo hei. Tōn kamatō mi hen, aṭōn kha kabei teka antlo sôt nasik, khan kabei teka sêr anhmua theina sik, Dânloa sêr anpek heiya kae. Anṭōn tlo kha kalen taka anmandon, tâkkha tōn chu ajingte antlo ria kae. Palm oil ah tōn katlo khana Christa bekrup ah tōnkatlo hei kha leh anṭōntlo in-ang hrep heiya kae. Mi inkhat in thingkung ke ah khan akara tintâ nasik duty aneiya kae. Nuhmei inkhat khava thing kara manbôk nasik leh rôn nasik tōn anei. Milak inkhat in thing kara kha sōkmanmin nasik le songmanhmin sik daita anei. Anmani tōntlona khan malung kahlut taka anta tlo sik kae. Hing hin, elders hen tōn anei, deacons hei inhnôm tōn tlo sik anei, khan evângelists hei inhnôm daita anei. Ankheng a tōn tlonasik tōntlona anei et a kae. Angkhenga anta tlo et sik tōn anei. Ama hi kae tōn inti araṭha kha. Hiva hi ama tōntlo or tōntlo kha kae. Rup ensui nasik elders or pastors (bekrup hlamkakei) hen daita kalentak anei (1 Peter 5:2). Rup kaensui hei kae (Acts 20:28). Anmanin inhngaloa nanrathla kha anta-en ṭhak kae (Hebrews 13:17). Rathla ah kemōng kakem hei kae (Acts 20:28).

2. Deacons (bekrup inthōpui hei). Deacons hei hi bekrupa sōk hei kae. Deacon tina chu mi inthōpui tina kae. Christian hei hi malung innem Pathen sōk achang ravâng, bekrup ah heikhat darkar kachang inthōpui nasik deacons hei hi pui katluk hei kae. Jerusalemma kaom bekrup khan, member hei kârra sara khōdeng kathei hei, bu pek nasik darkar achang pha, thlaikheng kadon sik, inzen sika bekrup mi arangeiya kae. Hiva tōn hi deacons hei hneng anlei peksôt hei (Acts 6:1-6). Bekrup inthōpuihei kha'm malung intheng leh omchen kaṭha akachang sik hei kae; anmani sêr leh suma phâmrai kase leh ju katamtak ka-in akachangmak sik hei kae; anmani'n mandon ṭhen theina intheng seng vâng khan taksen jâra akadik ahon'lâr kha kahnet a anta-matu sik kae. Anmani hma inkeia enmansin sik hei kae, anmani'n khava enmansinna kha antor inchu, tōn kha tlo hei rasoh. Annuhmeihei kha mi kahri inset mak omchen kaṭha akachang sik hei kae; anmani heirakip a malung kasing leh malung intheng akachang sik hei kae. Bekrup inthōpui mihei kha nuhmei inkhat rōk kanei, asahei leh a-innshung kaṭha kahlō mi akachang sik

hei kae. Khava t̄on kaṭha katlohei khan kajana kha anbinga an-inhmua kae khana Jesu Christa antaksenna chung a inngamtāk a anhritora kae (1 Timothy 3:8-13). Hiva deacons hei tlotheina, themna (qualifications) hin aman hmu me, khachu, anmani hi thouna kanei omchen kaṭha kachang sik hei kae. Anhringkhō khan anṭōn tlo jārra bekrup mi hen kajana anpek hei. Hiva hi kae deacons hei tōntlo kha (1 Timothy 3:13). Bible shunga nita hmu sōt tōntlona kha elders leh deacons ruk hi kae. Offices khan officers hra lak denōmitions hein annei, tâkkha khahei rakip Bible shunga kaom mak tōntlona hei kae. Philippians 1:1, Christa Jesu leh a'nchun hei, bekrup hlamkakeihei leh (bishops or Elders) bekrup inthōpui hei (deacons) leh inthōia Philippia ka-om Pathen mi rakip hei hnenga tia Paul in chithi alei mazet. Elders khan deacons hei ruk hi kae Christa bekrup t̄on hlam kakei hei.

3. Evānglists (ṭong kahrilele hei). Evāngelist hi bekrup hlamkakei hei chang mak, tâkkha ahlop deta tōntlo sik anhneiya kae. Paul in Timothy hneng ṭongpek alei pek, Ṭong kaṭha hrilena t̄on kha tlo roh, khana Pathen sōk inkhat nachangna, tloham kasōk rakip tlosōt roh (2 Timothy 4:5). Evāngelist khan preacher hi inkhat ruk hei kae, aṭong karilele, ṭong hrilena leh mantheina tōntlo katlo kha anṭōn kae. Philipi a kaom bekrup hen, elders leh deacons anlei nei ravāng, evāngelist tatlo sik tōntlo kha atlo nasin Paul in Timothy kha aleiṭir sōt (Philippians 2:19). Bekrup member hei kapōa Evāngelist hei khan bekrup hlamkakei (elders hei) thōiya t̄on antlo sik kae. Elders thōiya t̄on katlo evāngelist inkhat in elders hei kha kajana apek sik hei kae (1 Timothy 5:17). Tâkkha preacher inkhat ṭongneina raṭha kha elders ṭonghri or ṭongpek kha e mak, Pathen ṭong intheng kha kachang sik kae. Bible in inchenna amanthei me, alak hen anṭit nasik, mantheina kadika kaom mak elders hei kha nira-kok sik hei kae (1 Timothy 5:19,20). Preacher, elders khana deacons hei sik a Pathen in bekrup a t̄on ada pek hei. T̄on kha kaṭhadeta antlo tor nasik them-na le singna khan tlothei vāng pui katluka anrin ṭhak sik hei kae. Pathen in ankheng et a aman tlohnōm t̄on kha antlo theinasik anṭōn tlosik hei kha abi bing et a anhret sik hei kae. Kha leh in-ang hrep a congregation (intūpkhōm-na) hei khanhnōm anmani tōntlo sik hei kha manhret manchen hei rasoh. Elders khan deacons hei t̄on teiloa alak t̄on khan hlam kakei nihapsa de mak sik kae. Bekrup inrōnna ah preacher inkhat in elder hei t̄on kha kajana pekle inthōiya anṭōntlona kha tlosik mandon mak rasoh. Tâkkha Christa bekrup a Pathen t̄on kha heimo kae tia kaṭha a manhret manchen hei rasoh. Khan mi inkhat in atlotheina dungjuia aṭhat chenna Pathen t̄on kha tlo rasoh.

Tongder hei:

1. 1 Timothy 3:1 bishops hei tōn hi.....
2. Bekrup tōntlonah inhnihai kha hei rahlam hei mo? (Philippians 1:1)
3. Hebrews 13:17 upa hei tu hei rathla mo anta ensui?.....
4. Deacons inti tong rahme hi.....
5. 2 Timothy 4:5 Timothy in hei mo atlo sik.....
6. Bekrup kaen sui hei kha tuhei mo? (1 Peter 5:1,2)
7. Palm oil ah tōn katlo khana hei kha leh antōntlo in-ang hrep heiya kae.
8. 1 Timothy 3:13 hin deacons hei chungchānga heimo alei rih?
9. Deacons anta kadeina chapter kha sun roj
10. Evangelist hei hi upahei hlamakeina thōiya tōn anta tlo sik mo?

LESSON 17

BEKRUP HLAM KAKEI (ELDERS) HEI RAMING HEI KHA HEI RAHLAM HEI MO?

ATONGPUI MANTLUKNA OR MANTOINA

- | | |
|---------------------------------|-----------------------------------|
| 1. Elders (bekrup upa hei) | 2. Presbyters (Upa hei) |
| 3. Bishops (bekrup kaensui hei) | 4. Overseers (bekrup kaensui hei) |
| 5. Pastors (kakhem) | 6. Shepherds (Kemōng kakem) |

TONGPUI MANDONSŌMNA

1. Elders (bekrup upa hei). Christa bekrup a Elders or upahei raming hi 6 kaom. Ankheng et a araṭha an-ip aneiya kae. Anmani rahming hei araṭha kha ninthemchuk kahnunga, hiva hlam kakei hei chung chānga einin kakhe-deta nimanhret thei sik. Mi hei tahmang pen raming kha Upa hei (elders) hi kae. Upa ti tong rahme hi upalem (upa kachang det) tina kae. Taksenna ah achang mak leh kumma upa kachangdet tina kae. Upa or elders hei hi christian bekrup shunga pui katluk pen khan manhretna kanei pen hei kae. Anmani kha Pathen kaoi ṭhar kachang mak sik hei kae (1 Timothy 3:6). Ankhō shunga upa inkhat achang jārra bekrup hlam kakei (upa hlam kakei) chang nasik pui katluk bat e mak. Bekrup shunga kater or upapen alei chang inhnōm rathla hlangtinga bekrup hlam kakei inkhat changna sik pui katluk bat e mak. Rathla hlang tinga hlam kakei inkhat intāng loa bekrup member upapen inkhat a kaom theiya kae. Paul in Ephesus a kaom upa hei hneng aleibek hei tia Bible a nihmu (Acts 14:23). Tākkha Bekrup rakip a upahei anleikadei pek

hei, derna khana thlai hngōi leh inthōia antataksen jo Rōngpu hnenga pek sōtna annei heia kae (Acts 14:23). Khopui rakip a upa hei kadeina sik Tītus kha Crete ah anleidahlon. Upa tina chu upa det, khan madonna leh taksenna ah pui katluk det tina kae. Kum hingya shunga antaksenna puitlukna khan mi hei kajana anchenna kae.

2. Presbyters (Upa hei). Elders leh araṭha in ang rep inkhat nōk kachu presbyters hi kae. Upa tina tong rahme inkhat kae. Ama hi Bible shunga veikhat ruk nihmusōt (1 Timothy 4:14). Amahi elder inti le anraṭha in-ang rep hei, khava jârra achunga anpek hri manchenna hi nihmu pha kakhedeta nimanhret manchen det sik.

3. Bishops (bekrup kaensui hei). Elders (bekrup upa) rahming alak inkhat nok kha chu “bishops” tina chu “ensui”. Amani 1 Timothy 3:1,2; Tītus 1:7; Philippians 1:1 ah nihmu sōt. Hiva hin Jesu Christa hi eini rathla kakhem, kada intûp pa kae tia nihmu sōt (1 Peter 2:25), khan ama tōntlona kha mi-hlop inkhat in ahlo thei sik, inti (Acts 1:20). Hiva upa hei rahming hin upa hlam kakei inkhat changna anṭon tlosik kha amalâr pek me. Raṭha kahroktak a Pathen tamantlo hnôm chei dungjuia ensui hei ruh (1 Peter 5:2). Hiva tina chu, bekrup upa hlam kakei hen bekrup shunga mi mantheina leh hlam kathōi tōn rakip hi antlo sik chang mak. Takka tōn rakip kha anta ensui sik kae. Anmanin local church tōntlo sik rakip kha anta ensui sik. Organisations rakip in tōn kaensui sik anta nei kapōa, bekrup in bishops or overseers (upa hlam kakei or kaen sui sik) anneiya kae.

4. Overseers (kaensui hei). Overseers inti le bishop hi araṭha inchim bing hei. Overseers or bishops tina chu “ensui” tina kae. Bekrup kaensui. Intûpkhômna ṭhatchomna leh tōntlona kha anta a-ensui sik. Ephesus ah kaom bekrup upahei hei: Khava jâra nanbing et leh Rathla Intheng in nan-kut chung a anganse jo chei rup-hei hi kaṭhatak a ching jo hei ruh. Asapa thisen jâra atâ amanchang jo, Pathen Bekrup sik akemōng kakhem chang ruh (Acts 20:28). Kadahlon chei kahnunga nankâra kahne kahrâng heikahlut sik hei, khana kemōng rup kha ṭhat loa damak hei ning ti hi kamanhret. Nanrup shunga kalan a mi ṭhahrep in takkasenhei kha ṭhōisōtna sik a maleisei anhon-ghrina sik pha kha alakahong sik kae. (Acts 20:28,29). Overseers or ensui hi bekrup sika akahlu tak tōn kae ti hi einin nihmanhret sik kae.

5. Pastor (kakhem). Elders (bekrup upa hei) ti rahming hi new Testament shunga hmun inkhat ruka nihmu (Ephesians 4:11). Ama hi kemōng kakhem tina kae. Israel mi hei rathla hlam kakei hei kha pastors or kemōng kakhem an-lei ti hei (Jeremiah 2:28). Amihei ka-ensui ankatintâ sik rahōi kasōk vaikarônhei chungchânga, Israel Rōngpu Pathen khan ahri kha hi kae: “Nangni’n kamihei,

tintâ mak chei; nanhnong kachek heia, nanchai dâk jo hei. Hiva thatmak nantlo jâra tûn kên karâkna kapek sik chei kae (Jeremiah 23:1-7). English tonga pastor (kemōng kapu or kakhem) inti leh pasture (hleina kahring omna , rahring hei omna, inveina hmun) hi in-ang tim hei. Ama hi kemōng kakhem leh akemōng hei manhmuna apek me. Denōminton pastor hei leh Bible dungjuia nita hmu pastor in-ang mak hei. Pastors hei hi bekrup upa hlam kakei hei kae, khan bekrup shunga inkhat kakea kaom hei.

6. Shepherds (kemōng kakhem or kapu). Sonle Peter in bekrup upa hei hneng chithi alei mazet, Pathen tapek chei kemōng rup kakhem kha chang ruh. Khana kemōng kakhem kalen (Christa) kha ahon'lâr pha, akaṭōi hêrmak sik lenlukhu kavâr kha nantachen sik kae (1 Peter 5:1-4). Kemōng kakhem kalen Christa thōiya elders hei hi inthumkhômna kakhem hei kae. Elders leh kemōng kakhem mankhena (comparision) hi araṭha kanei tak inkhat kae. Bible a nita hmu kemōng kakhem hen an kemōng hei anlei manlur her hei. Anlungset hei khan anvei hei or heite manvat mak hei (Psalm 23). Anmanin kemōng kathōiya kase hei, ankemōng hei kha dahlon mak hei, ankemōng hei tamadu anmanhret khan heite manvat mak hei. Anmanin angâk hei, thlai anvei hei, khan antui are pha tui anpek hei. Kemōng inhmang inkhat sik kemōng kakhempa khan akemōng inhmang musōt nasik khōdengtheina hingya aratō a kae. Hiva hlamkakei hi kae Pathen in elders inkhat sika amadu kha. Sheperd (kemōng kakem) inti raming, elders chung châng a raming hlop hlop hei khan, hiva mi hei hi khang khava mihei mo ti manhret manchenna apek me. Elders hei hi, Presbyters, bishops, overseers, pastors or shepherd tia nimanhret hei.

Tongder hei:

1. Elders or bekrup upahei hen rahming heiya mo anta nei?
2. The word “elder” means or “upahei” tina chu.....
3. Acts 20:17 Paul in Epheus ah tuhei mo aleibek hei?
4. Acts 14:23 tu mo anta leukadei hei?
5. 1 Timothy 4:14 ah upahei (elders) kha, heikhong mo anta leibek hei?
6. 1 Timothy 3:1 bekrup hlam kakei sik indu kha hei mo amadu.....
7. “Bishop” and “overseer” hi hei tina hei m o?
8. Overseers iti hi hei tina mo?.....
9. Ephesians 4:11 elders hei kha heikhong mo anta leibek hei?.....
10. Bekrup shung elders or upahei heijya mo kaom sik hei?

LESSON 18

AVE VEA BEKRUP UPAHEI HEI KHONG MO NIMANHRET THE HEI?

(How are elders often misunderstood?)

ATONGPUI MANTLUKNA OR MANTOINA

1. Rahming 6 hei khan mi inkhat hruk chung châng a ahri na kae.
2. Bekrup rakipa khan apha rakip ah, elder hi inkhat kakhea kaom hei.
3. Bekrup shunga Elders rakip anraṭha neina in-ang hei.

TONGPUI MANDONSŌMNA

1. Rahming 6 hei khan mi inkhat hruk chung châng a ahri na kae. Elders chung châng a tongpui hin manhret thena, khan mi hei malunga inmakna amasō ria kae. Rahming 6 hei khan, mi inkhat chung châng a ahrina kae ti anhei manhret pha, inmakna leh manhret thena kha hong inhmang sik. Denōmination bekrup shunga elders inti leh pastors hi ahlop hlop a anhlo hei. Khan bishop tōntlo kham ahlop inkhat kae anti. Lesson 17 a nichuna khan, rahming 6 hei kha rup inthumma inthen khui hei, khan rahming inhni sasam anei et a kae. Elders inti leh Presbyters hei hi tong rahme inhni, khana “Upa hei” tina kae. Overseers leh bishop hi tong rahme inhni, khan “katintâ or kaensui” tina kae. Shepherd leh pastor hi tong rahme inhni, an inhnia “kemōng kathamhei” tina kae. Hinna rup inthumma anpek tongrup hei in mi inkhat chungchâng a ahrina kae ti hi mandonsōm hri. Acts 20:17 na, Ephesus a tōn katlo hei kha “Upa hei” tia anlei bek hei. Tâkkha vs 28 ah rup kaen sui hei, kemōng katham hei, shepherd or pastor tia nimanhret hei. Khava jârra, elders (presbyters) hei kha akaen sui or akatintâ, khan shepherd (pastors) kemōng kakhem (pa) tia anbek hei. Anmani hi tōntlona hlop chang mak hei, tâkkha an-ang tong inkhat a rahming hlopa anta bekna hei kae. “Upahei” Pathen rup kha anta tintâ sik kae ti tong rahme hei hin, anhma-ni kha kemōng kakhem hei kae ti nimanhret, khan rahming 6 hei khan mi inkhat chung châng a ahrina kae ti hi eini nihmanret tor. Vs 28b ah, abekrup kha akakhem chang ruh, hiva hin overseers or kaensui, Elders (upahei), presbyters (upahei) , pastor or kemong kakhem hei hi tōnhlop chang mak hei. Bekrup inrōnna ah, an-ang rep tōn inkhat sika, rahming 6 a anta then khui nam hei kae.

2. Bekrup rakipa, khan apha rakip ah, elder hi inkhat kakhea kaom hei. Denōmination bekrup hein ave vea anta the khachu, anbekrupa pastor or bishop inkhat ruk anneiya kae. New Testament shunga nita hmu intûp-

khômna (bekrup) rakip hen elders or pastors inhni sasam achang mak leh kakhea annei hei. Bekrup rakipa upa hei anlei kadei hei (Acts 14:23). Elders (not an elder, upa chang mak upahei) hei khopui rakip a anlei kadei hei (Titus 1:5). Ephesus a kaom upahei or akaensui hei tia Paul in alei bek hei (Acts 20:17,28). Philippi a kaom bishops hei hneng lekha alei mazet (Philippians 1:1). Bekrup inrônna sik, ama hi Christa tōn mantluk kha kae. Hiva tōn mantlukna hin singna kalentak kaom. Mi inkhat ruk in bekrup anensui achang inchu, kei bekrup shunga akarôn pen eng kae tia kabei teka amandon thei. Abi binga tōntlona insang asem thei. Milak hei tōng tan rangei mak ning. Abinga vai arôn sik. Christa mantlukna hin mi inkhat in abinga kadom ansang sik hi christa'n madu mak. Bekrup hlam kakei rup hen anta ta bekrup hlamma anta kei et sik hi Bible tōn mantlukna kae. Bekrup inkhat shunga Elders sik mi inhni pui katluk anhmuk mak kârseng, elders anta nei mak sik kae. Elder inkhat ruk hi Bible kadōi kae. Elders inhni hei kârra, inkhat kha athi jon chu, achang mak le disqualified achang jo achang inchu, inkhat khan a tōn kha amasō sik kae. Bekrup rakipa khan apha rakip ah, elder hi inkhat kakhea kaom sik kae.

3. Bekrup shunga kaom Elders rakip anraṭha neina in-ang hei. The-na inthum tlukna, elder inkhat in alak elders hei kha amu masi heiya kae. Hmalai bekrup inrônna khan, mi katlansōt lei kaom hei. Khava inphut, Roman Catholic hei mandonna, Bishop in bekrup hlop hlop hei chung a anensui sik kae ti hi hong kasōk. 1 Peter 5:4, Christa hi “kemōng kakhem alu kachangpa” kae ati. Ansang (kalen) achang mak le alu kachang elder hi Bible dungjuia ommak a kae. Bible in Christa hi kemōng kakhem alu kachangpa kae ati jon chu, einin nita taksen sik kae. Christa hi kemōng kakhempa khana nirathla kaensui or katintâpa kae. Kum hingya elder (bekrup upa) tōn alei katlo jârra, aṭhara elder hong kachang pek mi inkhat kanek raṭha neimak a kae. Intûpkhômna kasinna kaom elders hei kaneka intûpkhômna kalendeta kaom elders hei khan raṭha anta neidet sik e mak. Nangni bekrup upahei kârra upa inkhat kachang kên nangni kahei ngek chei kae, Peter hi bekrup upahei kârra ama um upa inkhat kae (1 Peter 5:1). Khana Pathen kaoi ṭhar mi kachang mak sik kae; ajarchu ama hong inlensak sik a kha hnunga seit an kadōia masetna hong kaom khak sik, bekrup upahei kha an inlensak mak nasik tōng kangera anlei rakok hei (1 Timothy 3:3). Bekrup upa inkhat inlensakna khan seit an khan inpaka kae. Mihring inlensakna khan hlamkakei inkhat hi kabeiteka ṭhatmak ting athōisōt. Bekrup upa rakip hi anraṭha neina in-ang pet hei. Inkhat chung a tûtê inkhat bek in raṭha neidet mak a kae.

Tongder hei:

1. Rahming 6 hei hin tōntlonā heiya mo anta rih na?
2. Rahming 6 hen anrahming inkhat sasam anta nei eat mo?.....
3. Hiva rahming kahri machôn bible chapter 2 pek roh.
4. Acts 14:23 bekrup upahei tun mo anta leikadei hei....., khan khonmo anta lei kadei hei.....
5. Titus 1:5 in hei mo ati.....?
6. In Philippians 1:1 Paul in Philippi kaom hei hneng hei mo alei ti pek hei?
7. I Peter 2:25 dungjuia Jesu Christa hi tu mo?.....
8. Bekrup inkhat a kaom bishop ti hi bible a kaom mo?
9. 1 Timothy 3:6 dunghuia rakokna kha hei mo.....

LESSON 19

Bekrup Vairōnna Hi Heikhong Mo Denōmination In Amanthengmak?

ATONGPUI MANTLUKNA OR MANTOINA

1. Bible raṭha neina jui kaneka mihring raṭha neina jui jârra.
2. Local church bi-binga invairōnna kakhea tōn tlo jârra.
3. Bible dungjuia kachang mak tōn khana hlam kakei hei anhmang hei jârra.
4. Bible dungjuia tōn hei kha antheng jârra.

TONGPUI MANDONSŌMNA

1. Bible raṭha neina jui kaneka mihring raṭha neina jui jârra. Heikhong mo bekrup vairōnna hi, mi hen anta mantheng mak ti chung chānga, einin hiva lesson khana abanna lesson hin inchu sik me. Atun tunna lesson hin heikhong mo, denōminations churches hen bekrup chondân hi “ansōk manhmot”, kha inchu sik me. Aban banna lesson hei hin, heikhong mo Christa bekrup hen bekrup vairōnna kha por antamanche ti hi inthemchuk sik me. Bible raṭha neina jui kaneka mihring hei raṭha neina anjuai jârra, Denōminational church vairōnna shunga akadikmak hong kasōk kae. Anmani tathena kalenpen hi “catehism” (tongder masōnna leh mantheina/hripekna) jui jârra kae. Denōminational catechism hin Bible dungjuia bekrup chōndân anthleng thei nasik raṭha kha apek heia kae. Catechism hi raṭha kaneitak inkhat kapōa anjuai jârra, bekrup chōndânna anthek ahong kaom kae. Mihring hei catechism kha raṭha kaneitak inkhat kapōa, kajana anpek kârseng, akadiktak

bekrup chōndân tōnmantlukna khan heithōi manhlut sik hei hi, e thei mak ning. Bible hi Pathen hlang tinga raṭha kanei ama ruk kae ti hi nitaksen sik kasōk. Bible hi christian hei akadik inthei nasik, akathe manse nasik, khana hringkhō kadika hring nasik hmang pen kha kae (2 Timothy 3:17). Dharmo rakip chungā, bekrup raṭha neina kha mi rakip in kajana anta pek sik kae.

2. Local church hei bi-binga invairōnna kakhea tōn tlo jārā. Local congregation inkhat abi binga inrōnna kha kajana anpek mak jārā denōminations hen bekrup inrōnna kadik tâkkha hlamlea anmansea kae. Bekrup inrōnnasik Pathen tamantluk kalenpen kha, local bekrup rakip in abi-bing et a invairōn sik hei hi kae. Denōminations hei kārā binga invairōn bekrup hi ommak a kae. Anmani inloikhôm dân hi alak hei leh in-ang phir mak. Tâkkha Christa mantheina kakhea kase mak sik me kae (2 John 9,10). Bekrup chōndân chungā khana Pathen in bekrup sik aṭōn mantlukna rakip chungā, Christa mantheina khan akaom sik me kae. Bekrup chung chānga Bible mantheina khan niom achang inchu, ning le hnōmma kaom local congregation kachang sik me. Districts hei a bekrup karōn semnasik nimandon achang inchu, anmahi Christa mantheina a akaom e mak me. Pathen tōn mantluk Local church hen ningle hnōmma an inrōnna sik kha denōmination hen anthleng jārā khava tōn mantlukna kha ansōk seta kae.

3. Bible dungjuia kachang mak tōn khana hlam kakei hei anhmang jārā. 1 Peter 4:11 in ati, Pathen tōng tak tâkkha nita hri sik kae. Hiva thina chu, Bible dungjuia tōn tlo sik khana Bible dungjuia rahming hei bek sik. Revelation 22:18,19, Pathen tōng inthenga hapde khan hlosōt chung chānga tōng kanger taka arakok me. Khava jārā bekrup rakip in, antōn tlonā rakipa Bible dungjuia anta tlo nger sik kae. Bekrup hlam kakei hei kha Bible a hlamkakei hei kapō kachang sik hei kae. Tâkkha denōminations hen Bible kachang mak hlamkakei khan tōn antlo ria kae. Bible a nita hmu phong mak, mihring hei tasem tōn hei kae. Catechist inti, agent, archbishop, pope khan aralak tōn hei kapō. Amahi Bible tahri kapō chang mak a kae. Pathen tōng inthenga nihap-sa de kae. New Testament a kajao mak tōn rakip nihlosōt mak achang inchu, bekrup hi athara semsot tor mak tin me.

4. Bible dungjuia tōn hei kha anthleng jārā. Bible dungjuia akadiktak bekrup inrōnna tōn hei kha, denōminations hen tōn hlop ting antleng jārā akadik bekrup inrōnna hi ansōk maseta kae. Bible shung tōntlonā rahming hei anhmang hri hei, tâkkha aṭōn chu jui mak hei. Bishop hi Bible shunga nihmu rawang denōmination hei bishop leh new Testament na bishop in-ang mak a kae. Denōminations hei pastor kham hi leh in-ang rep. Bible shunga nita hmu pastor hei kha, bekrup upahei kha kae. Atunna pha shunga pastor

in bekrup inhni achang mak leh kakhea tong ahrile a kae. Rahming chu in-ang tâkkha an-ton tlo chu in-ang mak. Example inkhat nōk in denōmination hei thempu. Chritian rakip hei hi thempu hei kae (1 Peter 2:5,9). Secterian churches (ama ma rup rangeimanhluna) a thempu hei hi ahlop deta intup-khōmna hlam kakei hei kae. Hivahei chungā nihmu sōt khachu, Bible rahming ahlo ravang an-ton tlo hei khachu Bible dungjuia e mak a kae. Denōmination bekrup hen, mihring mantheina raṭha neina vang mi anmanthei hei jārā, akadiktak Christa bekrup inrōnna hi, ansōk maset khan kadikmak inkhat anman chānga kae.

Tongder hei:

1. Denōminational hin Bible dungjuia bekrup thei nasik raṭha kha apek heia kae.?
2. 2 Timothy 3:17 dungjuia bible hi eini sika hei mo kae?
3. 2 John 9 in hei mo ati.....
4. Bible dungjuia nita hmusot bekrup kha?
5. 1 Peter 4:11 mi inkhat in hei tong mo ahri sik.....
6. Revelation 22:18, 19 einin hei mo nito mak sik.....
7. Tōntlona 4 hei kha hei rahlam heimo sun hei roh.....
8. Denōinations hei hongthat mak na chungchānga bible arup le Chang inthum (3) pek roh.....

LESSON 20

CHRISTA BEKRUP IN BEKRUP INRŌNNA KHA HEI KHONG MO ASŌK MANHMANG THEI SIK?

AṬONGPUI MANTLUKNA OR MANTOINA

1. Pui katlukmak hlamkakei kadeina ah.
2. Upahei (elders) kapōa tōn katlo.
3. Tōn Tlodān (function) kha raṭha kanei tōn (position) inkhat a ahei thleng pha. Bekrup committees.

TONGPUI MANDONSŌMNA

1. Pui katluk mak hlamkakei kadeina ah. Bekrup vairōnna shunga corruption hi Christa bekrup khan denōinations shunga hong kasōk thei kae. Christa bekrup ṭahrep hen Bible mantheina kha kadiktaka jui mak jo hei. Bible in bekrup upahei qualificatios chung chānga inchen taka amanthei me. Hlamkakei inkhat in hiva qualificatios hei hi ata nei “nger” sik hei kae (1

Timothy 3:2). “Must have these qualifications, English ʔonga “must” inti hi tlonger sik, neinger sik tina kae. Qualifications hei hi darkar kachang her tina kae. Jesun ati, nang ante ʔhar nger sik che kae (John 3:7). Pathen rengam hlutna sik mi inkhat in ante ther hi arangei. Ante ther mak achang inchu hlut thei mak ning.

2. Elders (bekrup upahei) qualifications hi darkar kachang her. “Nger” ti ʔong rahme hi hōi amathlung sik kae, achang mak inchu elders chang thei mak ning. “Nger” inti ʔong rahme hi qualifacations rakip chung a nihmang sik kae. Qualifiacations ajing aleinei thei, tâkkha akhenga alei nei mak achang inchu, ama kha elders chang nasik pui tluk mak a kae. ʔōn inkhat sika, darkar kachang qualifications jao loa, mi inkhat hlam kakei sik, nikadei achang inchu, Bible mantheina kadōia, ʔōn nitlona inkhat kachang a kae. Ama hi bekrup vairōn manʔhatmak na inkhat hong kachang sik.

3. Upahei (elders) kapōa ʔōn katlo. Christa bekrup hei tathe inkhat nōk kachu elders (upahei) kapōa ʔōntlo hi kae. Kei elder eng kati loi hingya kaom hei, tâkkha elder inkhat changnasik them or tlotheina (qualifications) chu nei mak heiya kae. Anmani kha qualified elders (upahei) chang mak hei, tâkkha elders kapōa ʔōn chu antlo hnōmma kae. Tâkkha ama hi Bible ʔongjuimak-na inkhat kae. Bekrup kaensui sika elders heisik Christa ʔōn mantlukna kha tekkhing or man enna theina inkhata inphut kachang sik kae. Mi inkhat in ama themna leh manhretna vâng khan, man-entheina or tekking inkhat a e mak jon chu, elders chang thei mak ning. Christian kachang mak mi khat, tâkkha christian kapō taka kaom hnōm. Ama kha christian chu e mak, tâkkha bekrup in elder anta manchang thei sik mo? Christian kadiktak kachang mak mi inkhat in christian rahming invōn thei mak tin. Kha leh in-angrhrep ah, elder kachang mak mi inkhat in elder rahming lo thei mak ning. Kachang theisik niti jo achang inchu, Bible ʔong kajuimak kachang sik me. Hivahin bekrup inrōnna sik Christa ʔōnmantlukna kha nita sōkset kae.

4. Heikhat tlo a anphut ʔōn vâng thleng. Inthum tlukna a congregations hen Christa ʔōnhmantluk hi ʔōn kaʔha tlo na ah inphut bekrup ʔōntlona inkhat a anhei thlenga kae. ʔōn inti hi heikhat tlo tina kae. Hiva tekak khachu, bekrup shung Pathen sêr katintâ hi kae. Khang khava mi kha sêr katintâpa tia nihmanret. Tâkkha sêr katintâpa khachu bekrup hlamkakei emak a kae. Aman tlosik kasōk ʔōn kha atlo hnam kae. Pathen sêr katintâ hi ʔōn kaʔha tak inkhat kae. Tâkkha bekrup ʔōntlona chu e mak. Bible a bekrup ʔōn, sêr katintâpa inti kha hmu mak me. Tâkkha akârra sêr katintâ hei khan anʔōn kha bekrup ʔōntlona inkhat anman chang hnōmma kae. Ama ni Pathen ʔong leh intukmak inkhat kae. Bekrup kamukna shunga mi inkhat in ruche kasei tak

inkhat vâng members kaje hei kha amathōi hei, khava mipa kha bekrup tōn katlo e mak. Ama khan darkar kachang tōn heikhat atlo hnam kae. Khang khava mi khan bekrup tōn katlo eng kae tia ahei mandon in chu. Khan Aman tīle inkhat invon sonna khan tōng neina raṭha hei nei raso. Kha, Heikhat tlo a anphut tōn vâng thleng kae. Hivahi hla hlam kakei hei chungka kasōk ṭhak inkhat kae. Ahla hlam keina chungka khan, ama sika tōn kaṭha tlonā inkhat kae. Tākkha bekrup hlam kakei inkhat eng kae tia ahei mandon achang inchu, aṭōn kaṭha tlo kha asōkset kae. 1 Corinthians 14 a nitei sōt dungjuia, church members hei in Pathen kamukna shunga tōn heikhat ah anlei inthōpui hei. Mi inkhat in Pathen kamukna tōnhlam khan anvei jārā ama kha bekrup tōn katlo chang thei bat mak ning. Aman tōn heikhat atlo hnam kae. Ama tatlo sik kasōk tōn kha atlosōt (function) nam kae, tākkha tōntlonā (position) chu e mak. Christian rakip in bekrup shunga part khana tōn anei et a kae. Tākkha hiva hin nikhenga tōn katlo or hlamkakei me tina e mak. Pathen sika anta tlo thei kakhōm tōn anta tlo e loa, aṭōn tlo kha, raṭha neinasik anhei mandon pha, bekrup shung a ahui makna hingya hong kasōk. Mi kaṭham hlang hen, tōn kaṭha tlo kaneka, bekrup shunga rahming inṭhangna tōn kha ahei madu jok a kae. Khang kava mi kha chu Diotrephes inti pa kha, aman bekrup shunga hmun insang amadu a kae (3 John 9). Diotrephes kapō mi hingya atunna pha shunga kaom hei. Anmani kha binga kajana andu mi hei kae. Mi kalen inkhat changna sik jārā, bekrup kha ansōk seta kae. An tōn tlo kha, tōntlonā inkhat vâng anhei tleng. Anmanin tōn kaṭha anlei tlo ravâng, raṭha kanei tōn madu jārā bekrup inrōnna kha ansōkset. Denōminations bekrup shunga corruption sêrious kachang kapōa Christa bekrup shunga corruption him sêrious kachang her a kae. Pathen tōng mantheina kakhea kase mak sik me kae.

Church committees. Members hen committees function (tōn) kha tōntlonā (position) ah anhei thleng ria kae. Committeē inti hi tōn inkhat tlonasika rupsem tina kae. Bekrup in mi ṭhahrep hei hneng tōn heikhat tlonā sik ader hei pha, khava mi hei khan, anta tlo tōn kha bekrup shunga raṭha kanei tōn kae tia abi binga kadom insangna anhong nei. Committee chairman pa khan, kei hi bekrup tōnkatlo inkhat eng kae, bekrup shunga tōn kalen tak inkhat katlo kae, khava jārā anhling mak committee chairman eng kae tia ahei mandon sik. Intûpkhōmna (bekrup) a tōn tlonā sik, ra-ngākna hong in-silār sik. Bekrup inkhōmna innchung kasem sik mi katamtak nikadei thei hei. Hiva mi hen anbi binga bekrup raṭha neina tōn kantatlo kae anhei ti mak kârraseng tōn kaṭha antatlo kae. Preacher kadeinasik khan jongna sik, mi ṭharep hei hneng daita anpek hei pha, anmani khan bekrup raṭha neina tōn

kanta tlo jo kae tia anman don ri. Mi inkhat in kei committee lu eng kae ahei ti pha, tit kaom tak inkhat hong kachang. Khava rup shunga aman vairônna sik ahei tlo sik khan abinga anhling mak tōntlona inkhat asem sik. Committee hi tit kaom tak inkhat kae, kadom mansangna sik le tongtanna raṭha anpek jo hei achang inchu, aṭhatmakna hingya hong kasōksik, hi tlo mak sik kae (3 John 9). Anhmanin inhling loa tōntlona ansem sik, alu kachang khan tōn-hlam kakei anhei manchang sik. Khōdeng kathei hei ensuina tōn antlo pha, lungset leh malung inhnemna kahneka raṭha neina vâng khan tōn atlo ria kae. Tōn katha tlon a inphut raṭha kanei tōn ahei manchânga kae. Bible a bekrup inrôndân hi church committee hen ansōk maset ria kae.

Tongder hei:

1. “Nger” sik tina hi hei tina mo? 1 Timothy 3:2?
2. “Nger” hi qualification rakipa apply nitlo sik mo?
3. Upahei kapōa bekrup hlamkakei hei chung châng bible a nitei phung mo?
4. Christian kachang mak inkhat in kei christian kapōa eng kae ati thei sik mo?
5. Function or tōntlo hi hei mo ?
6. Ser katintapa hi bekrup totlona mo?
7. Diotrephes lin hei mo alei lungset?
8. 1 Corinthians 14 na bekrup member hei kha tōntlona rathahrata anta lei nei mo?
9. Committee chairman hi bekrup hlam kakei mo?
10. Hiva mi henraṭha neina tōn kantatlo kae anhei ti kaṭha antatlo kae.

LESSON 21

AN CHÔNDÂN DUNGJUIA KAKHANGSOT INTUPKHÔMNA (CONGREGATIONS) HEI KHA HEI RAHLAM HEI MO?

ATONGPUI MANTLUKNA OR MANTOINA

1. Bible dungjuia(scriptually), anloikhôm mak (unorganized).
2. Bible dungjuia kachang mak (unscriptually), anloikhôm mak (unorganized).
3. Bible dungjuia kachangmak (unscriptually) , inloikhômna (organized).
4. Bible dungjuia (scriptuall) , anloikhôm (organized).

TONGPUI MANDONSŌMNA

1. Bible dungjuia, anloikhôm mak. Congregations (Intûpkhômna) rakip in pui katluka anchôn theinasik qualified kachang elders anta nei sik kae. Tâkkha pha hingya chu kahlut sik. Hiva lesson a hin intûpkhômna hen anchôndân dungjuia ankhangsôtna chung chângâ inchu sik me. Hiva lession a hin terms 4 hi nihmang sik. Bible dungjuia khan Bible dungjuia kachang mak, inloikhôm (organized) khan anloikhôm mak (unorganized). Bible dungjuia tina chu, bekrup invairônna kha Bible dungjuia kachang sik. Bible dungjuia kachang mak tina chu, inrôndân kadik mak, setna tina kae. Organised or anloikhôm hi, bekrup in elders leh deacons anta nei tina kae. Unorganise (anloikhôm mak) hi, bekrup in elders leh deacons anta nei mak tina kae. Khava jâr-ra bekrup hi Bible dungjuia anloikhôm or invairôn (organized) mak kachang theiya kae. Congregation inkhat a elders sik pui katluk anlei ommak jâr-ra elders sik kadei mak hei. Hlamkakei sik qualified kachang mi anlei ommak jo jâr-ra bekrup hlamkakei anlei kadei mak jo achang inhnôm, khava bekrup kha Bible dungjuia anrôn bekrup kachângâ kae. Bekrup ahong inphutbia, hman lai ah history ah bekrup rakip in hlam kakei anta nei mak sik hi Christa tōn hmantlukna kae. Ama hi, christian hen Pathen a anrathla a-ngar chet chetna sik Pathen tōnmantluk na kae. Hiva pha shunga bekrup hei khan bekrup inrônna dân chung chângâ Bible antei khan len inthem chuk hei. Khang kha-va bekrup kha unorgnaized niti sik, ajarchu anmanin pui katluk hlam kakei leinei mak heiya kae. Anmanin pui katluk hlam kakei annei pha pui katluka organised kachang bekrup inkhat hong kachang sik hei. Bekrup inkhat in hlam kakei (elders) annei mak achang inhnôm athat mak na hei te ommak. Bible shung hlam kakei kanei leh kanei mak bekrup hei chung chângâ nihmu a kae. Pui katluk mak hlam kakei nei kanek ah nei mak khan kaṭhadeta kae. Bible dungjuia unorganized, hi, hlam kakkei sik puikatluk lakaom mak, khan hlam kakei anta lakadei mak ri tina kae.

2. Bible dungjuia kachang mak, unorganized. Hlam kakei neimak jâr-ra unorganised kachang intûpkhômna, amahi Bible dungjuia kachang mak akadik mak inkhat kae. Ajarkhachu, pui katluk hlam kakei sik kaom hei, tâkkha anhmani kha hlam kakei sik leikadei mak heiya kae. Bekrup shunga, mi inkhat in hlam kakei sik, pui ahong tlukna sik kum hingya, pha hingya, tōn anhei tlo a kae. Ama hi kae Bible dungjuia kachang mak. Mi hei khan qualified anchang jo achang inchu elders sika anta kadei sik hei kae. Hlam kakei omloa bekrup in tōn tlothei mak ning, hlam kakei sik pui katluk a-om jo achang inchu, elders khan deacons anta kadei sik hei kae. Pui katluka inloikhôm thei na sik (inrônna sik) bekrup rakip in elders khan deacons anta nei

et sik hi Christa tōn mantluk kae. Bible dungjuia kachang mak unorganized hi, bekrup shunga qualified kachang mi chu kaom hei tâkkha hlam kakei sik kadei lo hei.

3. Bible dungjuia kachang mak, organized. Intûpkhômna hen hlam kakei annei hei, khava jârra ama hi organized kachânga kae, tâkkha qualified chu chang mak hei. Hinga hin ama hi Bible dungjuia chang thei mak. Bekrup t̃harep hei chu hlamkakei kadei nasik pon anthō her. Anmi hei kha qualified anchang mak hma hlamkakei sik anlei kadei sōt hei. Hinga hin bekrup shunga t̃hatmak khan malung inhangna anhei masōk ria kae. Mi tûtê inkhat bek in qualified anchang mak jârra, hlamkakei anta nei mak hi, Bible dungjuia kahnôm kae. Qualified changloa hlamkakei kadei hi Bible tahnôm e mak. Bekrup shunga hlamkakei neimak kaneka amahi akaṭhamakdet kae. Intûpkhômna chung pōrchena khana malung inhangna hingya hong kangsōk chachêṭ sik. Bible dungjuia kachang mak bekrup organized inti hi hlamkakei sik qualified kachang mak hei anta kadei hei hi kae.

Bible dungjuia organized kachang. Bible dungjuia organized kachang bekrup hi, bekrup hlamkakei sik qualified kachang elders leh deacons anta kadei hei hi kae. Pui katluk an-om mak kârseng bekrup in elders leh deacons kadei nasik leihnôm mak hei. Pui katluk or qualified kachang elders leh deacons ankadei hei jârra, Bible dungjuia anta tlo kae. Bible dungjuia qualified kachang bekrup hlamkakei hei chung chânga bekrup rakip in inthem chuk hei rasoh. Tâkkha anmani kha, qualified anchang mak kârseng, bekrup in elders leh deacos kadei nasik inhrang mak hei raso. 1 Timothy 3 khan T̃itus 1 in elders hei leh deacons hei qualifications chung chânga aman thei me. Hiva chapters hei hi kaṭha hnenga inthemchuk sik arangei hei. Anōi ah lesson hin elder inkhat chung chânga point inkhat sasam inchu sik me. Bekrup hei hi, Bible dungjuia unorganized kachang thei hei, Bible dungjuia kachangmak unorganized kachang thei hei, Bible dungjuia kachang mak organised kachang thei hei, khan an hlamkakei hei kadei a khangsōtna inphut Bible dungjuia organized kachang thei heiya kae.

T̃ongder hei:

1. Bekrup kha kadik achang inchu hei mo niti sik.....
2. Hlamkakei kadik anchang inchu hei mo niti sik
3. Bekrup irôndân kadik mak achang inchu hei mo niti sik
4. Hlam kakei kanei mak bekrup kha hei mo niti sik
5. Bible a organised khana unorgansied chung nihmu mo?

6. Bekrup shunga hlam kakei sik pui katluk an ommak inchu hlamaka-kei sik

7. Bekrup shung a hlam kakei sik pui katluk kaom hei tâkkha nikkei mak hei inchu.....

8. Themna singna pui katlukmak bekrup hlam kakei kadei kha hei mo anti sik?.....

9. Hei khong mo bekrup hlam kakei hei kha organized kachang sik hei?

10. Themna leh tlotheina pui katluk (qualified kachang) mi an om mak inchu bekrup hlamkakei nikadei thei sik mo?

LESSON 22

ELDERS (UPAHEI) QUALIFICATIONS- (I) AṬONGPUI MANTLUKNA OR MANTOINA

- | | |
|--|-----------------------------|
| 1. Masetna kase. | 2. Nuhmei inkhat rōk kanei. |
| 3. Bân kaneitak a ṭōnkatlo. | 4. Binga ansurtor. |
| 5. Mihei takajathe mi inkhat akachang sik. | |

TONGPUI MANDONSŌMNA

Upahei (Elders) qualifications chung chānga point inkhat sasamma nin-themchuk mak lai, ṭonghlamsatna ajingte ensōmna heihri. 1 Timothy 3:1 in ati, Hivahi ṭong kadik a'nhri kae: mi inkhat in bekrup hlamkakei chang sik amaduhêr inchu, ama'n ṭōn kaṭhatak inkhat amadu kae. Bekrup hlamkakei chang sik kamadu mi rakip in 'maduna' hi anta nei sik kae, ajarchu amahi ṭōn kaṭhatak inkhat amaduna kae. Aman rahming inṭhang khana raṭha neina madu jârra kachang hnôm chang loa, tâkkha Pathen sik ṭōntlo theina sik jârra amadu kachang sik kae. Ṭōn kabei maduna jârra changloa, ṭōn kakhok tlohnôm na leh ṭōn ṭlodân milak hei heng manthei hnômna jârra kachang sik kae. Elders ṭōn hi ṭōn kahrik kae, torchena, pha hingya ṭōn anta tlo sik kae. Rahming inṭhang raṭha neina madu jârra mi inkhat in hiva ṭōn hi amadu e mak rasoh. 1 Timothy 3:2,3, Bekrup hlamkakei kha masetna kase; nuhmei inkhat rōk kanei, malung kasing, binga ansurtor, bân kaneitak a ṭōnkatlo, a-inna khōhme ralam katham; mi intheitor akachang nger sik kae. Hin "nger" or English ṭonga must inti ṭ hi, tlongersika intepna (khitmanchun), adarkar kachang, adarkar kachang mak thei mak tina kae. Jesun ati, "khana raleichunga nakhit kha marvân chung inkhit sik, khana raleichunga heikhat namasō kha marvân chung insō sik" (Matthew 16:19). Upahei or elders hei qualifications hi raleichunga leh marvâna inkhit joa kae. Point rakip arangei. Qualifications jao loa Bible dungjuia elders changna sik qualified

chang thei mak ning.

1. Masetna kase. Masetna kase hi hmumasi or hmumasit kachang mak. Achunga heikhat rasei nasik kaom mak. Setna kanei mak atina chu chang mak, mi rakip kaset jo hei (1 John 1:8). Asetna torna sik ranakna aṭhatchenna akatlo mi tina kae. Inhranga inteṭhar, asetna kahrisōt tor, khan athena anhretpha Pathen hneng derna kanei mi. Hing hin achunga tûtê inkhat bek in hmu-masi mak hei ning khan maset um manchang tor mak hei ning. Zacharias leh Elizabeth kha masetna kase dân kajui hei kae (Luke 1:6). Bekrup ṭanthopui sik rengmei hei kha masetna kase kachang sik hei kae (1 Timothy 5:7). Saul kha Dân ṭongpek juina mi kadik inkhat changna ting nitin chu, thena kase kae (Philippians 3:6). Christian rakip Jesu Christa ayōng pha, antaksa leh nanraṭha, nanhnei rakip thena kasea dachei sonna, pui katluka ata nanchang nasik lei insyem ruh (1 Thessalonians 5:23, 2 Peter 3:14). Hiva Bible verse inphuta nihmusōt kachu, eini um setna kase kachang thei me. Elders hei hi hmumase or anṭōn tlonā chung tûtê inkhat bek in mumasi mak hei rasoh.

2. Nuhmei inkhat rōk kanei. Hinna darkar kachang hi, inhni kae. Nuhmei kahei kachang nger sik, khan nuhmei inkhat ruk kanei kachang nger sik kae. Rether, nuhmei kanei mak, khana nuhmei inhni kanei mi in Elder chang thei mak ning. Hiva chung hin, abekrup mi hei sik hman enna kaṭhatak kachang sik kae (1 Peter 5:3). Pase khan puise achangna nuhmei kha manchen rasoh, khan nuhmei nu khan anuhmei achangna apuise kha manchen rasoh (1 Corinthians 7:2). Apuise or anuhmei khan anuhmei or apuise aring laiseng nuhmei or puise kaṭhar aneijo achang inchu, ama hi akayong kae (Romans 7:1-3). Anphutbia Akasyempa'n pase leh nuhmei aleisyem hei, nangni manse nan-intakrei jâra nan-inṭhen sik kha Moses'n aleihnōm pek chei kae (Matthew 19:3-9). Elder hi nuhmei inkhat kanei puise kachang sik kae.

3. Insing thei taka kaom (malung kasing). Insing thei taka kaom sik tina chu inrinthak a kaom tina kae. Tit kaom hong kasōk sik heikhat chungā har pumma inrin thaka angāk ṭhak sik kae. Israel khopui kot kahngāk khan ṭit kaom ahong pha anmani hneng ṭong namathlung sik kae, set pum kathi sik jo, khan chu anmani thina jâra ama kha themmô amanchen sik kae (Ezekiel 3:11-19). Nanhlam kakeihei ṭong rangei ruh khana jui hei ruh. Anṭōntlo tintâna kha Pathen hneng antalapek nger sik achang jâra, inhngaloa nan-rathla kha anta-en ṭhak kae (Hebrews 13:17). Inrin ṭhak ruh, insing thei ruh! Nanta'nrepui Diabol kha shabaakkai inhrung kapōa kalōna, tu mo inkhat madehlon sik a a-enlea kae (1 Peter 5:8). Kemōng khemna sik elders hen apha rakipa daita anta lo sik kae.

4. Binga ansurtor. Binga insurtor hi mandona kanei, hei hei anhretthei

khan inthuk taka kamandon tina kae. Christian hen hiva bek̄tong kaneimak hringkhō leh vānhnōi maduna hei masōna hin binga insur torna, kadik a kaom sik hei kae (Titus 2:12). Gospel hi a'nchēntak t̄ong kadik kha kae (Acts 26:25). Milak-hei kapōa eini akajemak sik me kae; kahlim senga akahar sik me kae (1 Thessalonians 6:6). Khava j̄ara t̄on katlo sik a nanmalunga intluk ruh (1 Peter 1:13). Nangni'm nander torna sik nanbinga insurthei una insing thei ruh (1 Peter 4:7, 5:8). Diabol kha shabaakkai inhrung kapōa kalōna, tu mo inkhat madehlon sik a a-enlena hringkhō hin Elder inkhat in, Inrin t̄hak sik, insing thei sik kae. Elder hi mandonna inthuk, malung kasing, omchen inhretthei kachang sik kae.

5. Nunkahōi leh malung kadai akachang sik kae (Omchen katha). Elder inkhat āthatna kha, binga ansurtor, khan ban kaneitak t̄on katlo kachang sik kae. Christian alak hei maikunga Paul in inchutheina kāthatak alei manhmu hei kapoa, anomchen katha kha christian hei sik inchu theina inkhat kachang sik kae (1 Thessalonians 2:20, 2 Thessalonians 3:7). Limsyem in muk he'n nangni t̄onse nantlo tia anmaset chei pha, nan̄t̄on kātha tlo kha anmanhretsōt a, ama j̄ongna Kani ning Pathen anmanpāk theina sik, anmani k̄ara nan-omchen akātha sik kae (1 Peter 2:12). Ama anhret mi rakip in kajana leh inchu theina achangthei na sik, Elder ringkhō hi omchen kātha khan omchen kadik kachang sik kae.

Tongder hei:

1. Hei khat khit ti chungchānga ajingte ri roh.....
2. I Timothy 3:1 mi inkhat in t̄on katha amadu sik kae.....
3. Matthew 16:19 hin Paul in hei mo ati.....
4. Masetna kase hi hei tina mo.....
5. Masetna kase ti hi sinna kanei phir mak tina mo?
6. “Nōmei inkha kanei kha innshung.....
7. Insingthei tak a.....
8. Nuk kana karak mak chung chānga bible rup leh chang 3 pek ro”.....
9. Omchen katha chungchānga bible rup leh chang 2 pek roh.....
10. Ezekiel 3:17-19, mi hei chung chānga ajingte sun rôn?

LESSON 23

HLAM KAKEI (ELDERS) HEI THEMNA (QUALIFICATIONS) (II) ATONGPUI MANTLUKNA OR MANTOINA

1. A-inna khōhme ralam katham.
2. Mi intheitor akachang sik kae.
3. Ju inrui mi akachangmak sik.
4. Innâk-inse kakaimak.
5. Sêr indu akachangmak sik kae.
6. Binga ansurtor akachang sik kae.

TONGPUI MANDONSŌMNA

1. A-inna khōhme ralam katham. Elders hei qualifications chung chānga tongpui hi kaṭhadeta inchu sik arangei. Point rakip inchentsenga nihmanhret sik kasōk. Hinna anpek omchen hei hi christian hei in anvôn sik hei kae. Puikatluk christian hei omchen khanchên leh nuhmei puiſe kanei hei omchen khanchen kachang mak alak hei kha leh in-ang maka kae. Hinna anpek qualifications rakip hi christian rakip in neinasik rahngâka inṭang sik hei kae. Khahei rakip kârra A-inna khōhme ralam katham him inkhat kae. T̄itus 1:8 in ati, khohme ralam katham kachang sik kae. Heikhath darkar kachang mi hei, inna inpâk tak a aralam sik hei kae. Christian inkhat nichangna lungset inhret malârnasik, bu leh thlai khan omna, janse chan nineipui sap hei sik kae. Khohme chunga ṭhatna nimalâr sik kae, kakhedeta ni christian changpui heihneng nitlo sik kae (Galatians 6:10). Nannei kha Christian sōpui akatlasam hei inſempui hei ruh, nan-inn kha khōhmehei sik mahlâng ruh (Romans 12:13). Nan-inna khōhme ralam theina sik mandon ruh. Khanga antloa mi ṭhahrep in manhret phâk loa marvân t̄ir lehei an-ina anta mathlung heia anta ralam leika-om hei (Hebrews 13:2). Marvân t̄irlehei Abraham in kame kapōa alei ralam na chung chānga arihna kae. Nangni'n ka-inna nankahong hi kei kajana nantapek eng kae, hiva jâra kên nangni razen chei rông" (Genesis 18:1-8). 1 John 3:17 in amanthei me, mi kahao inkhat in au-anai taneimak, neisik a kakhok ahmua tâkkha pekloa amalunga lungsetna kanei mak mi khan, heikhong mo amalung shunga Pathen kha lungsetna kanei inti thei sik? 1 Peter 4:9 in ati, "Bei mantam loa, khohme khat leh khat inthlung tō ruh. Elder inkhat in khōhme ralam katham sik kae.

2. Mi intheitor akachang sik kae. Mi inthei tor ti chu, "mi kamachu sik puikatluk a themna kanei khan mi manthei hnōmna kalung kanei" tina kae. Elder hi Bible inthei tor, puikakluka manhretna kanei kachang nger sik kae. Akatṭha leh akade hrat hei oya akachang sik kae (2 Timothy 2:24). Christianity inti hi mantheina ringnun kae. Jesun Jât rakip hei hneng alei manthei hei, baptise manchang hei ruh khan avea manthei nōk hei ruh (Matthew 18:19,20). 'Pathen in mi rakip amanthei sik.' Tu achang inhnōm Pa hnenga

inphut aṭong kathei leh a'nchû mi kha kahnenga kahong (John 6:44,45). Paul in Timothy hneng alei ti, Sâkhi mi katamtak hmaikunga kahri manṭhang jo insena ṭong, mantheina kha inlo roh, khana nang in taksenthei kachang, mi ralak intheitor hei hneng um nganse hei roh (2 Timothy 2:2). Khang'khan ani tina hmalai ah bekrup hei khan, Bek-inna leh inn-inna Messiah Jesu ṭong kaṭha chungchânga mi mantheina leh phôngsōtna kha abân banna anlei manjôm a kae (Acts 5:42). Hebrew christian hei khan oja chang pha kasōk jo hei tâkkha naipang kapōa lei kaom hei. Nangni oja changtheina sik pha leika-om, tâk tûn katlung Pathen ṭong a'nphutnabi kha mi inkhat tamanthei sik cheia alârangei ṭhak. Bu inhrum sâk kanek a senetui nantala-in sik kasōk (Hebrews 5:12). Hible Bible verses hei hin bekrup shunga mi manthei kaṭha leh oja kaṭha hi heijat ah arangei mo ti aman hmu me. Elder inkhat in Pathen ṭong kaṭhataka mantheitorna inphut milak hei man enna kachang sik kae. Pathen nganse na rup hei kha kaṭhataka kachingtor kachang sik kae (Acts 20:28). Ama mantheina inphut bekrup shunga dikmak kamandik tor khan setna kator inkhat kachang sik kae. Mi intheihnôm kachang sik kae.

3. Ju inrui mi akachangmak. Hiva tina chu elder in heikhat inrui theina neinâk sak le inna inphut anrui mak sik kae. Ke'n heirakip tlo ayapet kaṭithei tâk kei sōk changna sik chu hei-inkhat tlomak ning (2 Corinthians 6:12). Ju inrui, mi tûte inkhat in Pathen rengam kha chenmak hei ning (1 Corinthians 6:10). Mi inkhat in, "Ke'n heirakip tlo ayapet," aṭithei, kadik, tâk nangni sik a heirakip akaṭha changmak. Ke'n heirakip tlo ayapet kaṭithei tâk kei sōk changna sik chu hei-inkhat tlomak ning (1 Corinthians 6:10). Ju-inruihei leh sâk kalôp hei chu sara hongkachang sik hei. Natlo rakip kha sâk leh je achang inchu, inrangtak a pōnse nasibei sik (Proverbs 23:21, 29-35). Akasen-jap achang inôm, kōklei shunga akadi rik-rak a, inne jen a atlâk inôm, ju khan mathlem tor mak che rasoh. Ajîng jîngkâra chu tûr kanei mari'n amachukzek ka-ang sik che. Hiva ju hin mi amanhruai hei. Khana Rōngpu Jan thlaisak ah anta hmang vomhrui ju um kaom a kae (Matthew 26:29). Hiva vomhrui ju hi hlei-le-ai ah anhmang ria kae (1 Timothy 5:23). Tâkkha inrui theina ju hi setna kae. Elder inkhat in ju a inmak jârri ami hei hneng inchutheina kaṭha tak inkhat kachang sik kae.

4. Innâk-inse kakaimak. Elder hi innak-inse kakai mak kachang sik. Innak-inse loa mi hen aṭong anta jui mi kachang sik. Christian hen mi inkhat nuknat nasik anta tlo mak sik kae. Jesun hrui akahrea shung vōkna sik asyema, Bek-inna inphut sehrat leh kemōnghei kha ahnong sôt a sêr kathlenghei dokhânghei kha amaletpek hei khana ansêr kha akathek pek hei (John 2:15). Nule pa hen ansapa thena kha anta mandik sik. Nasapa kha aṭhena a

narachâk mak inchu, nalungset mak kae. Nalungset inchu, aṭhena naman-dik sik kae (Proverbs 13:24). Tâkkha elders hen mi kaṭhe manse nasik hrui or rucheï kaneka anhnunchen ṭhatna vâng mi anmanse hei. Ram vaikarôn hen ṭônse katlo hei tenti pekñasik raṭha annei (Romans 13:3,4). Tâkkha Jesu Christa rengam hi chamjam vâng vairônna e mak. Nanhnenga dikmak katlo chungā phu hlōmak ruh, tâk tu inkhat in nangambe changting akaben inchu inkhat ting kha'm madopek roh. Ajarchu innak-inse loa, malung innem in nikadōi hei malung nisurtor sik. Innak-inse loa alak christian hei sik man enna kaṭhatak kachang sik hei kae.

5. Sêr indu akachangmak sik kae. Elder inkhat in sêr indu leh maruk ah neihhnōmna indu kachang mak sik kae. Maruk a neihhnōmna hi sêr achang mak leh raleichunga neinâk heikhat kachang thei. Pham rai setna rakip inphut insingthei ruh; ajarchu nei leh hao khan hringkhō kahōiya hringkhō aman sōt sik chang mak ati. Pathen lungdo dungjui a nei kabuka kahao changloa, anbing sika nei inbuk hei ka khava kapō kaeh (Luke 12:21). Tûtê inkhat bek in kapu inhni sōk chang thei mak ning, sêr leh Pathen razen sap thei mak ning (Matthew 6:24). Phamrai kase hi limsyem kamukna inkhat kae (Colossians 3:5). Anmanin Marvân hlut thei mak hei ning (1 Corinthians 6:9,10). Bekrup intûpkhōmna inphut pha bongkhat anmani kha inthlop pui mak hei sik (1 Corinthians 5:11). Christian hen haona sik jong mak hei. Anmani tlo-man kalen pen khachu ṭôn kaṭha hi kae. Bu sak sik khan der innei sik annei jo achang inchu anmalung katai rih. Mihring hringkhō anhmangtor sêr, neina leh haona andu mathenna inphut kahla taka katlan sōt hei. Sêr maduna hi ṭhatmak rakip anphutna kae ti hi anmanhret, khava jârra mi ṭharep in sêr anmadu manhlei jârra inrimna kaam ak leh malung koina anraoa, bek ting taksenna inphut hlam invana anneiya kae (1 Timothy 6:6-10). Christian hei sik mana kha Marvân ramma (Matthew 5:12). Elder (Upa) inkhat in sêr maduna leh binga neina leh haona indu, sêr kalungset mak kachang sik. Elders (Upahei) in sêr indu mak na ting leh raleichunga neina haona anlungsetna achangna kha mi rakip hneng man enna kaṭhathak kachang sik kae. Elder inkhat in sêr indu leh maruk ah neihhnōmna indu mi kachang mak sik kae.

6. Dehratna kei. Elder (upa) in dehratna or thoktheina kanei kachang sik. Nunkahōi khan malung kadai kachang sik kae. Nuknat ṭhangtom om loa inhreng khōdeng theina karatō tor kachang sik kae. Malung taksamna kanei mak, ṭôn rakip a pon kathō kachang sik kae. Malung innem khan dehratna kanei kachang sik kae. Dehratna hi christian rakip hringkhō a anta hapsa sik neinâk inkhat kae (2 Peter 1:6). Nitaksenna enmansinna inphut dehratna akahong kae (James 1:3). khōdentheina thokna inphut Pathen hnenga kakhe-

det a inhōrna apek me (Confidence). Elders (Upahei) dehratna khan mihlak hei sik ankhōdeng theina thokna sik man enna kalen tak inkhat kachang sik kae. Nunkahōi khan malung kadai kachang jârra, bekrup mihlip hin mathemna antato kârra amahnenga advice kahlo kase ri hei. Bekrup discussion shunga innak insena hei kham aman amandai ri. Kamongâka, innot lo khan malung intuk inpumkhat kaom intûpkhōmna aman chang ri. Dehratna inti hi christian rakip tanei sik nunchen inkhat kae. Dehratna a elders (upahei) hen man enna kaṭha tak inkhat kachang sik hei kae.

Tongder hei:

1. Khome rahlam katham chungchânga ajingte sun roh.....
2. Nanhnenga dikmak katlo chunghlōmak ruh
3. Mi intheitor chung chânga hri roh.....
4. Mantheina chungchânga verse 7 pek roh.....
5. Ju katha a mang chungchânga point 2 pek roh.....
6. Sêr indu chung changa ajingte son roh.
7. Innâk-inse kakai man enna 2 pek roh.....
8. Ser-le -sum indu hi hei tina mo?
9. Binga neina indu chungchânga ajingte sun roh
10. Dehratna kanei hi heiti mo?"

LESSON 24

UPAHEI THEMNA LE TLOTHEINA (III)

ELDERS QUALIFICATIONS

AṬONGPUI MANTLUKNA OR MANTOINA

1. Hnuk kabong
2. Inn shung kaṭha kahlo
3. Asa hei kaṭha amansea aṭong amanjui tor mi kachang sik kae.
4. Pathen ka-oi ṭhar mi kachang mak sik kae.
5. Bekrup vângtinga mihei takajathe mi inkhat akachang sik kae.
6. Bekrup vâng tinga mihei takajathe mi inkgat akachang sik kae.

TONGPUI MANDONSŌMNA

1. Hnuk kabong. 1 Timothy 3:3 ati kapōa, hnuk kabong kachang mak sik kae. Ama kha hnuk kana bei kachang mak sik (Titus 1:7). Hnuk kakham tor, hnuk net ṭhangtlom pumma ṭong kari mak. Intuk inchamna kamadu khan karitor kachang sik. Mongna kahei chōi hei kha anamaham kaṭha (Matthew 5:9). Christian hen mi rakip leh kamong taka or intuk incham taka

omtheina sik, antor chenna tlo hei rasoh (Romans 12:18). Christian hen hi, Pathen singna kasip, intōkna inchamna katlo, khana hnun kahōi amanchang hei. Khana intōk inchamna katlohen, malung kadaiya antavor hmuchi kara kha, mikadik changna hi kae (James 3:17,18). Tongpek apek me: hnuk-kana, hnuknak omchen, hnuksetna rakip dalhon ruh. Onsen leh rasei omnokmak rasoh! In-en kada leh hot inti omnak mak rasoh! Khava nek-a chu, Pathenin Christa ah arangei mandam che kapōa, khat leh khat malung innemma inlungset unna khat leh khat inngei dam ruh (Ephesians 4:31-32). Hnuk kana bei mi hi innak insena amadu. Elder or upa hi intōk inchamna andu khan anunchen innem man-enna vâng khan anta kadei kae. Hnuk kabong, hnuk kana bei kachang mak sik kae.

2. Inn shung kaṭha kahlo. Elder hi puise kaṭha khan pa kaṭha inkhat kachang sik kae. Ama nunchen ṭhatna vâng khan a innshung kamanse tor kachang sik kae. Mi lak hei kanek ah, a innshung changpui hen, ama nunchen chung chānga ahman hret deta kae. Khava jārra, a innshung mi hei kha amasik anunchen ṭhatna leh ṭhat mak na rakip hrimanṭhatna inkhat kachang sik kae. Ajarchu ainn shung kaṭha kahrôn tormak mi khan Pathen bekrup kha hei khōng mo aen mantûp tor sik (1 Timothy 3:5). Inn khan bekrup hi christian inrônna dungjuia anrôn sik hei kae. Mi inkhat tlotheina leh inchutheina kachang nunchen hei kha, ainn shung mi hen anta manhret sik kae. Anunchen vâng, mi inkhat in ainn shung hei sik, inchu theina ae mak inchu, khana kamanse tor mi achang mak inchu, elder or upa sik rahōi sōk mak a kae.

Cornelius leh an innhung mi rakip in paṭhat anlei ṭit her (Acts 10:2). Akāṭha ṭōn tlo nasik ainshung mi hen anlei kaja her khan aṭong hri anlei jui. Elder or upa inkhat in milak hei amanse tor nasik, a inshung kaṭha ah kamanse tor kachang sik kae. Thempu kalen Eli kha asahei kaṭha a aleimanse tor mak hei jārra, Pathen in achunga tenti aleipeka kae (1 Samuel 3:13). Khava jārra mi inkhat in pathen inshung hlam kakei chang sik amadu achang inchu ahma inkei penna ainshung kaṭha a kamanse tor kachang sik.

3. Asa hei kaṭha amansea aṭong amanjui tor mi kachang sik kae. Innshung kaṭha akahlō, asa he'n kajatak a aṭong antajui mi akachang sik kae (1 Timothy 3:4). Asa hei kha akataksen akachang sik hei, khana ṭong kalher leh anveksak kachangmak sik hei kae. Elder inkhat chang nasik asa hen qualified khan disqualified antlo thei. Nu leh pahei, nansa hei kha anhnuk natna sik lham ting mansemak hei ruh, christian intheina leh mandikna vâng jok mansehei ruh (Ephesians 6:4). Milak hei hneng, hei khōngmo kaṭha a aman theitor sik hei kha, asa hei mantheina leh manse vâng nimanhret tor. Anhnuk

natnasik leh hrang nasik a ensui sik chang loa christian intheina leh mand-
ikna vâng jok ting amanse sik hei. Asa hei kha inhnak kase, hnuk kabong
anchang inchu anpa kha elder inkhat rahōi sōkmak ti malârna kae. Khava
jârra cogregation (omhmun inkhat a kaom bekrup) inkhat ensuina sik rahōi
sōk mak. Asa hei kaṭha amansea aṭong kamanjui tor mi kachang sik kae.

4. Pathen ka-oi ṭhar mi kachang mak sik kae. Elder inkhat in tâksenna
tinga kaphut bi kachang mak sik. Pathen ka-oi ṭhar hi manhretna ting leh
mandonna tinga pui latluk mak ria kae. Upa tina ṭong rahme hi, manhretna
kanei mandonna pui katluk tina kae. Pathen kaoi ṭhar mi inkhat in, elder
chang thei mak ning. Ama kha ahong inlensak a Seitan maset leichen kapōa
achang makna sik ama kha taksenna pui katluk akae sik kae (1 Timothy 3:6).
Hlam kakei inkhat kachang sik a pui hlatluk mak ri. Mandonna pui katluk
inkhat achang theina sik kani leh ṭha khana kum masing Bible in ri mak a
kae, tâkkha pui katluk nunchen chung châng a amanthei me. Mi inkhat in
kum katloi tek shunga hiva nunchen hei hi ahei neithei, kum hingya shun-
ga hei nei mak um aja. Singna le themna ting khangsōtna sik kum leh thla
arangei. Elder or upa hi Pathen kaoi ṭhar or akahoupek kachang mak sik kae.

5. Bekrup vângtinga mihei takajathe mi inkhat akachang sik kae.
Akataksen mak hei mit enna mi kaṭha, a-omchen nōrna kase akachang sik (1
Timothy 3:7). Tûtê inkhat bek in a-omchen chung a mummasi mak hei rasoh.
Aṭōn tlo pui aloi hei, khan mi rakip in ama nunchen or omchen kha kajana
pek hei rasoh. Anthimma kaom hei sik vâk kha chang rasoh (Matthew 5:14).
khava kapōhrep a nanvâr kha mihei hmaikunga akavâr ngêr sik kae, khan-
na nanṭōn kaṭhatlo kha anmanin anhmu sik a kha marvâna nanpa kha an-
tachōi ka-an sik kae (Matthew 5:16). Anlei taksen mak achang inhnōm aṭōn
tlo kaṭha anhmu a kajana anpek sik. Christian kachang mak hen nichunga
rihmaset nasik pha rakipa inhrin ṭhaka kaom hei. Christian kadik heichunga
kajana anpek hei. Khan khava kajana kanei mi khan elder kachang sik kae.
Aomna hnōm kaom Jât rakip in ahringkhō ṭhatna kha anmanhret. Ama hi
kae vângtinga mihei takajathe mi khat inti kha.

6. Pathen innshung ṭōnkarôn. Ajârchu bekrup hlamkakei inkhat kha
Pathen innshung ṭōnkarôn achang jâra, a-omchen nōrna kase akachang sik
kae. ṭōn karôn (sōk) hi heikhat neinâk man katam kaensui mi. Lan leh thum
mankatam kaen sui. Akapu pa lan leh thum mankatam kaen sui kha ama
daita inkhat kae. Khang khava sōk-hei sik a arangei inkhat chu, akapupa
sik taksenthei akachang nger sik hei kae (1 Corinthians 4:2). Elders (bekrup
hlamkakei) sik arangei inkhat chu, mankatam rathla kaen sui sik hi kae ((Hebrews 13:17). Ama ama omchen atintâna kha Pathen heng apek sik kae.

Vâhnōi ralei pumpui a kaom mankatam (rathla) rakip kaen sui sika aṭōn anpek kha kae (Matthew 16:26). Ama daita hi kalen her. Khava jârra bekrup hlamkakei inkhat in ama daita chung a taksenthei kachang nger sik kae. Mi lak hei neinâk man katam (rathla) kaen sui sik taksenthei mi inkhat kachang sik kae. A omchen tintina kha Pathen hneng apek manhle sik kae tia abinga raṭha huk anpek sik. Taksenthei kachang Pathen sōk inkhat kapōa, elder (bekrup hlamkakei) in manhretna anei sik kae.

Ṭongder hei:

1. Huk kabong hi hei tina mo?.....
2. Innak inse indu in hei mo amasō
3. Mihring omchen hi mi hei kanek a tunmo amanhret det?
4. Pathen kaoi, elder chang thei mak ning.
5. Asa hei taktsenthei kachang sik hei kae ti bible verse 3 pek roh:
6. Pathen kaoi thar ti chu.....
7. Pathen kaoithar sik setna kha hei mo?
8. Bekrup vângtinga mihei inkhat akachang sik
kae
9. Sōk inti hi hei tina mo?
10. Man katam pen nei leh haona kha heimo?

LESSON 25

HLAM KAKEI (ELDERS) HEI THEMNA (QUALIFICATIONS) (IV) AṬONGPUI MANTLUKNA OR MANTOINA

1. Ama rachâm kase kachang mak sik kae.
2. Akathat indu kachang sik kae.
3. Mikadik kachang sik kae.
4. Antheng kachang sik kae.
5. Insûmkathem kachang sik kae.
6. Ṭong inhri kha kahnet a intu mi kachang sik kae.

ṬONGPUI MANDONSŌMNA

1. Ama rachâm kase kachang mak sik kae. Elder or bekrup hlamkakei hi rachâm kase anlensak mi kachang mak sik (Ṭitus 1:7). Mi in-or achang mak leh ama sik ruk andon kachang mak sik kae. Abing taruk mandon kanek a mi hei darkar kachang kapek tor kachang sik kae. Pathen inhretmak khana raleichung ta ruk andon mi hei hi miṭong kahlo hnōm mak, tâkkha bekrup hlamakei kha rachâm kase kachang mak sik kae (2 Peter 2:10). Anmanin

tabing maduna inphut heite anta tlomak sik khan chu heite kanimak maduna inphut inlensak mak sik, tâk khat leh khat hnenga malung innemtak a kaom sik hei, ahei tik a milak-hei kha anmani kanek a akaṭhadet a antahlo sik hei kae. Khana binga hnemna rōk enloa, khat leh khat hnemna sik anta jōng jōk sik kae (Philippians 2:3,4). Chung inṭongpenna kadom inshang andu kachang mak sik (3 John 9). Binga andon mi khan bekrup intûpkhômna aman bōi theiya kae. Amalung ani mak inchu, mi hei tahri khana tatlo ṭōn khan inṭangpuina lungthim nei mak ning. Bekrup khenga ama tari ah kase sik kae tia amandon. Tâkkha bekrup hlamakakei inkhat in hing kapō mi chang thei mak ning. Anmani vairōnna hi omchen kaṭha leh malung innem, tâkkha rachâm kase kachang mak sik kae. Binga hnemnasik ruk andon hlamkakei khan mi lak hen akahnung anta jui sik madu mak. Malung innen khana mi heisik mandonna malung khan Jesu kha hlamkakei kalen tak inkhat kachang a kae. Totorna raṭha neina rakip anei ravâng, arachâm ma ṭōn lei tlo mak a kae. Kemōng kakhem kalen pen inkhat nōina kaom kemōng kakhem kapōa, bekrup hlam kakei hen Jesu man enna anta jui sik kae. Bekrup shunga akarōnpen hi malung rôn kadik, ansinsak hi kae. Binga hnemnasik ruk mandon loa, inkhat leh inkhat hnemna eat sik jong vâng, khan malung innem vâng mi rakip hneng malâr sik kae.

2. Akaṭha indu kachang sik kae. Elder (bekrup hlamakakei) inkhat in kaṭha indu kachang sik kae (Ṭitus 1:8). Ṭōnse kahōt or akadikmak kamater kachang sik kae (Romans 12:9). Inloi pui kaṭha amadu a kae. Inloi pui kaṭha-mak in omchen kaṭha kha amaset (1 Corinthians 15:33). Hei rakip a enman-sin sik, akaṭha kha aching sik. Akaṭhamak kha apesōt tor sik (1 Thessalonians 5:21,22), khan akadik kha akamatu ṭit kachang sik kae. Ṭōn kaṭha a malung inpakna kanei kachang sik. Ama malung inpakna manhretna inphut mi inkhat in hei mo amadu nimanhret tor sik. A inloi pui hei khan aṭōn tlo vâng khang khava omchen kanei mi mo nimanhret tor sik. Elder (bekrup hlamkakei) inkhat chang nasik, akaṭha indu khana akadik intu tik kachang sik kae.

3. Mikadik kachang sik kae (Just). Elder inkhat in mi Kaṭha, intheng, or malung intheng kachang sik kae (Ṭitus 1:8). Hei rakip a akadik vâng ṭōn katlo khana amember hei chung a michang mikha kanai mak, heikhat kadik-mak tlo nasik mathemna in ator tormak, ama ṭongtenna leh ṭong maṭhak chung a akadik khan malung antheng sik kae. Akadik, malung intheng, an-theng lungsetna khana vâng tinga mi hei taheihri khana akaṭha chung a ama manhretna malung vâng ṭōn atlo sik kae. Khômo kaṭha achang mak leh khômo kaṭhadet manhret nasik akai a intak asak her sik. Tâkkha members hen achunga taksenna kanei mi inkhat kha kachang sik, heikhat tlon a chung a tûtê

inkhat hneng michang mikha nailoa anpumma chungka kadik taka arazen sik ti taksenna kha anta nei sik kae. Akadik ti kha hi kae.

4. Antheng (Holy) kachang sik kae. Elder or bekrup hlamkakei hi an-theng kae (Titus 1:8). Ahring khō hi antheng ning kae. Tōn heikha a inselâr (inpeksōt) mi. Tōn tlop tlop tlonasika apha, khana tloratna (effort) ahlop thlopa athen sik hei kae. Ataksa pum kha Pathen hnenga hringpumma atōk sōt sik kae (Romans 12:1). Omchen kaṭhamak in abinga asōk maset mak sik, ataksa kha Pathen rathla intheng omna bek inn kha kae (1 Corinthians 3:16,17). Elder or bekrup hlamkakei hi, Bekrup kaen sui achang jârra ahmai kunga bekrup kha ahme ṭhatna rakip leh, a'nthengseng, innimna kase, intōn-na bi kase leh a'nvōi mak, pui katlukmak ti omlo kha tōksōt theina sik ama'n atloa kae (Ephesians 5:27). Thena omloa kut inlanga Pathen hnenga ader a kae (1 Timothy 2:8). Hei khat ami kachang sika Pathen in abek hi amanhret a kae (2 Timothy 1:9). Aman antheng achang jârra, mi lak hei antheng hlam ting athōi hei.

5. Insûmkathem kachang sik kae. Eder hi insûmkathem, binga insur tor (Titus 1:8). Pha rakipa insûmkathem, binga insur tor, hnuk kanabei kachang mak sik. Ban banna ṭhatna leh binga insurtor, takha insumtormakna kanei kachang mak sik kae. Gospel hi akadik, insumtheina khana ṭongtenna ṭong karôn kae (Acts 24:25). Akatlanpa in tlan iner nasik ansum kapōa christian hen um, anhmang theimak lenlukhu sika antaksa anselâr sik hei kae (1 Corinthians 9:25). Milak hei hneng ṭong hrilele na khan lomak anchang mak nasik, antak sa hei kha annot a, anrachâmma anta manse tor sik kae (1 Corinthians 9:27). Rathla Intheng in binga insurtorna amasō, ama hi raṭha kara kae (Galatians 5:23). Elder hi Pathen inthōpui na le inthōiya insûmkathem, binga insurtor khan ama tamadu kakham tor mi inkhat kae. Hei rakipa insurtor hringkhō inkhat aman chang sik kae. Pha rakipa hnuknat, ṭhantlom in ator mak sik. Bekrup in an hlamkakei hei hnenga inphut insûmkathem, binga insurtor omchen hi anchu sik hei kae.

6. Ṭong inhri kha kahnet a intu mi kachang sik kae. Titus 1:9, Chōnna leh intōk a taksenthei kachang ṭong inhri kha kahnet a amatu nger sik kae. Hing'hin ama'n akadik mantheina vâng khan milak-hei amathok thei sik hei khana khava kadōihei thena kha amalârtor sik jo. Mi kamanthei tor (able to teach) chung chângka kakea ṭongpek apek me. Khachu, akataksen mak hei, khana akataksen hei achang inhnôm, Pathen ṭong kaṭhakha kamanthei kachang sik kae. Mantheina kadik mak anhret khana kamanse tor kachang nger sik kae. Akadōi hei Pathen ṭong vâng, khan malung innem vâng, ma-thona le inthōiya inthei tor kachang sik. Khava jârra ṭong kadik mantheina

kha kanet taka kamatu manchê mi inkhat kachang sik kae (2 Timothy 1:13). Akadoi hen heikhat a anta mahling kator mak khang khava mantheina kanet me kachang sik kae. T̄ong kaṭha kahnet a intu, tâkkha malung inhnōm khan raṭha kanei taka mi intheipa (teacher) kachang sik kae. T̄ong inhri kha kahnet a intu mi hi kae.

Elders hei qualifications chungchâng ni inthemchukna kha hin inchai-yo. Tâkkha achaina penna ninchu sik inkhat in 1 Timothy 3:10, hi kae, kha-chu, elders khan deacons hei kha hma keipenna anmani kha “enmansin sik hei kae”. Hiva tina chu, achunga ni inthemchuk omchen rakip candidate inkhat in atanei nger sik hei kae. Bekrup rakip in anhlam kakei sik hei anta ensui sik hei, khan hinna anpek rakip hi antanei mo anta en manchen sik kae. Elder inkhat changnasik hi pha hingya aloa kae. Hiva omchen or nunchen hei hi pha bongkhat shunga hong kaom thei bat e mak. Ami hei heng khan aṭōn tlonā rakip a pui katluk achangna kha amalâr nasik tak tlo sik kae. Anmani kha ama omchen kachang sik hei kae. Mi ihkhat in elder kachang thei tak kabei chu e mak. Elder inkhat changna sik rathla khana taksa t̄ōn hingja arangei. T̄ōntlonā khana hlamkakei lak hei khan khang khava standard lei tlung tor mak hei. Khava jara anmani kha bekrup hlamkakei or deacons kapōa t̄ōn kahlu leichang mak heiya kae.

T̄ongder hei:

1. Binga maduna chungchângā tong rahme inhni pek roh.....
2. Binga maduk mak jarra. Verse 4 pek roh.....
3. Elder in hei mo alungset?.....
4. Elder in hei mo ahot?
5. Akadik chungchang verse 3 pek roh.”
6. Antheng tong rahme 2 pek roh.”
7. Antheng chungchângā verse 6 pek roh:
8. Insumkathem chungchang tong rahme 2 pek roh
9. Elder in mi intheitor kachang sik mo?.....
10. Man keipenna hei mo enmansin sik?.....

LESSON 26

BEKRUP INTHŌPUI HEI (DEACONS) THEMNA LE T̄ŌNTLO AṬONGPUI MANTLUKNA OR MANTOINA

1. Anṭōntlonā (Their Position).
2. Anṭōntlo (Their Work).
3. Anthemna Or Tlotheina (Their Qualifications).

ṬONGPUI MANDONSŌMNA

1. Anṭōntlona (their Position). New Testament congregation inkhat a hlamkakei hei kârra deacons (bekrup inthōpui hei) hi inkhat kae. Elders hei qualifications ahri sōkahnunga deacons hei sik darkar kachang qualifications kha Bible in apek me (1 Timothy 3:8-13). Verse 10 in khava ṭōn kha tlo hei raso ati. Deacons hei hi bekrup inthōpui hlamkakei hei kae. Phillipians 1:1 Paul in philipia kaom Christa Jesu kataksen hei leh inthōiya bekrup hlam kakei (bishops) hei leh bekrup inthōpui hei (deacons) Pathen mi rakip neng (members) tia marimna chibei aleipek hei. Bekrup inrōnna a deacons khana bekrup hlam kakei hei leh bekrup a ṭōn antlo sap a kae. Hiva verse in deacons hei ṭōn hi elders hei ṭōn leh an-ang mak, bekrup hlam kakei hei kae ti hi manhmuna apek me. Acts 6:1-6 a jerusalem bekrupa khōdeng kathei hei inthōpui nasik leh inṭhangpui nasik mi anlei kadei hei (Acts 6:1). Rengmei hei khana khōdeng kathei hei kaen sui sik kha anmani ṭōntlona kae. Khava kaen insui sik sonle anlei kadei hei (Acts 6:2). Greek ṭong leh an-ang “Aministration khan sêrve” inti ṭong rahme hei hi deacons inti ṭong rahme hong sōkna kae. Ahma inkeipenna mi 7 anta leikadei sōt hei kha, bekrup inthōpui or deacons hei kae ti hi amanthei me. Christa bekrup a deacons inti ṭōntlona hi akahlu tak, darkar kachang nger inkhat kae.

2. Anṭōntlo (their work). Deacons hei kha bekrup kaen insui sik tia leibek mak hei (1 Peter 5:1,2). Kaṭha a vairôn ruh lei ti mak hei, tâkkha bekrup hlamkakei hei hnenga bekrup kha katha anensui nasik ṭong alei pek hei (1 Timothy 5:17). Deacons hei ṭōntlona leh elders hei ṭōntlona hi in ang mak. Deacons inti hi sêrve (ṭōnkatlo), khava jârra deacons hei hi bekrupa ṭōnkatlo sōk hei tina kae. Bekrup kaensui kha anṭōn e mak tâkkha bekrup inthōpui kha anṭōn kae. Ahma inkeipenna, sonle hei inthōpui nasik, deacons anlei kadei hei, tunna pha shunga, bekrup upahei (elders or hlam kakei hei), rathla kaen insui hei, anta inthōpui sik hei kae. Bekrup in ṭōn atlo theina sik khana kamukna kha kahuia khan pui katluka ankamuk theina sik inṭangpuina kha anṭōn kae. Elders hei ṭōn kahlu inṭhangpui sik kha aṭōn kae. Jerusalemma kaom deacons inhni hen Pathen ṭong anlei hrilele a kae (Stephen leh Philip). Tâkkha hiva hi deacons rakip hei hneng chang thei mak ning. Intûpna inkhat kaom upa hlam kakei hei ṭōn kahlu hingya a inphut, cham innga theina sik, deacons hei in anta inṭhangpui sik hei. Upahei (bekrup hlamkakei hei) kapōa, bekrup a deacon inkhat kakhea akaom nger sik kae. Deacon inkhat ṭōntlona kha deacons lak hei kanek akahlu det ea mak. Ang khenga ansinsak, lungset inhret Pathen sōk hei kae khana apha rakipa bekrup upahei anta inthōpui sik hei kae.

3. Anthemna Or Tlotheina (Their Qualifications). Bekrup hlam ka-kei rakip , Jesu kapōa inchunathei kachang sik hei kae. Deacon inkhat kadei nasik mi inkhat in qualifications ajing hei hi anta nei eat sik kae. Jerusalemma bekrup kaen sui sik, singna kanei leh rathla intheng kasip anlei kadei hei (Acts 6:3). Anmani kha malung katlai, raṭharat leh rathla intheng kasip phet hei (Acts 6:5,8). Anmani ṭōntlo kaṭhakha bekrup sik khan mi vâng sik raming kaṭha tak inkhat kae. Mi intheng hei hringkhō a rathla intheng kasip hi rathla kara kae. Anmani singna kha anṭōn tlo kaṭha vâng mi hen anlei mu sōta kae. Anmini taksenna leh raṭharatna sipna khan Pathen a kakhea taksenna leh ingamna anlei nei, khava jârra raṭha kanei mi hei khan taksepna tinga heikhat ṭōn tlotorna apek hei. 1 Timothy 3:8-13 hin deacons hei qualifaction kha nimusōt, deacons hei hi rathlaset kanei mak, manhret theina kanei, ṭōn rakipa kahlu det kalo. Tong inhni kari or mi inṭhatsak, akadik hri kanek tong lak lak kari kachang mak sik kae. Elders hei kapōa ju inrui mak, abing sika neina indu kachang mak sik kae. Anmanin anmanhret then theina malung intheng leh inthōiya antaksen tongdik anlâr kha kahnet tak a antu kachang sik hei kae. Elders hei kapōa, deacons hei um, ahma inkeiya an mansin sik hei khan masetna kase kachang sik hei kae. Elders hei kapōa nōmei inkhat ruk kanei, asa kaṭha inse, ainshung kaṭha kahlo mi kachang sik kae. Anhnu mei kha rathlaset kanei mak, insumthei, ju inrui mak, khan hei rakipa taksenthe kachang sik hei kae. Deacons khana elders hei nōmei hei kha taksenthe kachang, nuhmei kaṭha kachang sik hei kae ti hi amalâr pek me. An puise hei inṭhangpui theina sik, insingthei taka tong anta hri sik, khan malung intûp taka anpui se hei mathona anta pek sik hei kae. Hing hin mi inkhat in rathla a man enna inkhat achang thei inchu, bekrup inthōpui (deacons) sika qualified kachang a kae.

Elders ommakna intûpna a deacons hei nikadei thei sik hei mo ti tongder hi nider thei. Khava kha chang thei mak ning: (1) hiva sika Bible man enna mu mak me. Khava kanek a hmankeiya elders hei anlei kadei hei ti nihmu (Acts 14:23), deacons khan elders tia apha rakipa nihmu sap hei (Philippians 1:1, 1 Timothy 3:1-13), jerusalem ruk a sonle hen bekrup upahei kapōa ṭōn anlei tlo. (2) deacons hei hi upahei inṭhangpui sik (inthōpui sik) achang jârra, elders ommakna khan hei khong mo elders hei anta inthōpui sik hei? (3) elders ommakna bekrup a deacons hei hi anlei kadei jo hei achang inchu, anmanin bekrup upahei kapōa ṭōn anhei tlo sik, khan bekrup upahei ṭōntlona kha ansōk maset sik. Khava jârra elders omna hmun, rupa deacons hei hi anta kadei sik hei kae. Deacons hei kha bekrup upahei thōiya kaom anchang jarra, deacons ommakna hmun rupa a upahei (elders) in ṭōn antlo

theiya kae (Acts 14:23).

Tongder hei:

1. Deacons hei in office anta nei mo?
2. Acts a deacons hei anta lei kadei hei mo?.....
3. Deacons hei tōn kha hei mo?.....
4. Deacons chungchânga hei bible a mo nita hmu?
5. Deacons hei chungchânga Bible arup leh chang 2 pek ro
6. Hei jara mo deacons hen elders hei leh Christa kapōa hlamma ankadei tor sik hei ?
7. Hma inkeipenna dacons hei kha hei in mo lei kasip hei?
8. Deacons hei nōmei hei qualification 4 pek roh:.....
9. Elders ommakna bekrupa deacons hei kaom thei sik hei mo?.....

LESSON 27

HEI KHONGMO HLAMKAKEI ANTA KADEI SIK HEI?

ATONGPUI MANTLUKNA OR mantoinak

1. Member hma inkeipen.
2. Member kahao pen.
3. Elder kopoa tōn katlo.
4. Politic ting.
5. Evângelist tamadu det.
6. Tekhing (inchu theina) kachang mak t̄lodân.

TONGPUI MANDONSŌMNA

1. Member hma inkeipen. Bekrup hlam kakei sik nikadei mak hma hei, khong mo anmani hi nita kadei mak sik hei ti hi hma inkei penna inchenna nimanhret sik kasōk. Ama hi mi hring hei mandona kae tâkkha Pathen mandona e mak. Pathen tōn mantluk kha anmanin anthleng ri khan asōk maset ria kae. Method inkhat a “charter member,” bekrup member, tichu bekrup a hma inkeipen member kha ankadei a kae. Khōshunga preacher kahei thōi inhlut mi khan, kei elder inkhat kachang sik a rahōi kasōk eng tia amandon. Tâkkha charter member tichu bekrup hma inkeipen khan elder kachang sik kae ti hi Bible a teiphong mak me. Bekrup member hma inkeipen changna kha bekrup shunga akahludet e mak. Bekrup kahei phutsōt a alei jao jârra ama kha elder or deacon kachang thei bat e mak.

2. Member kanei pen. Member hei kârra sêr kanei or mi kahao pen khan elder sika anka dei hei. Bekrup in ama kha elder nimanchang achang inchu bekrup sêr ahei pek det sik tia inhōrna anei. Raleichunga anei leh hao jârra anta t̄it um kachang thei. Tâkkha nei leh hao chung chânga Bible in t̄ong kan-

gar a arakok me (1 Timothy 6:17). Elder inkhat in nei leh hao andu or bing neina sik andu kachang mak sik kae (1 Timothy 3:3). Nei leh hao maduna jârra mi inkhat in upahei tōn amadu mak sik kae (1 Peter 5:2). Raleichunga hlam kakei inkhat changna khan rathla hlam kakei changthei mak ning, akai a bekrup asōk manbōiya kae. Vâhnōi ralei haona jârra Pathen Pathen hlang ting kahao thei bat e mak (Luke 12:21). Kei kahao enga kaṭha thei eng, kamadu rangei rakip kanei, natia kae. Tâkkha khang tuk hrep de intak akana nade kha nanging manhretmak che! Nang nahmit kacho. Ponsi der kei neimak che. Sara khōdeng kathei che kae (Revelation 3:17). Taksa neina leh haona hin elder khan deacon inkhat chang nasik qualify manchang mak a kae.

3. Elder kopoa tōn katlo. Elder kapōa tōn katlo eng kae tia mi hingya hen anti. Elder chu chang mak hei tak elder kapōa tōn inṭang hei kae. Mi inkhat in, pha kasōt taka elder inkhat a hong kaom eng kae, khava jârra elder anka dei pha anta kadei sik eng kae tia amandon. Tâkkha elder kapōa tōn tlonā khan Pathen tōn mantluk kha asōk seta kae. Pathen lungdo chu, qualifications dungjuia bekrup hlam kakei hei anta kadei sik hei, elder changna sik darkar kachang omchen hei pui katluka nei loa, elder kapōa tōn katlo mi khan, bekrup hlamkakei hei vângthat kha amadu a kae. Ama hi christian chu kachang hnōm tâkkha christian inkhat chang nasik Pathen tōngpek kajui mak inkhat kapō kae. Christian kachang mak, mi inkhat in abi binga kei christian kapō eng kae ahei ti jon chu, achunga bekrup in heimo atlo sik. Ama kha mikahon anti sik. Kha leh in-ang rep ah acting elder kha reject nitlo sik kae, bekrup leader sika acting elder kadei hi Bible a nita hapsa kae (Revelation 22:18). Pathen tōng intheng kha ahlop inkhat vâng nithleng kae (Galatians 1:7,8). Elders hei khana deacons hei kadei nasik jârra Pathen mantlukna tōn nithleng hi akadik mak tak inkhat kae.

4. Politic ting. Akârra bekrup hlamkakei hei kadeina chungā, politics hi kajao ria kae. political method leh scriptural method mix tlonā sik anhei madu ri. Politics a vote anta jong kapōa anmanin vote anjong ria kae. Bekrup ṭharep hen anhlam kakei kadeina a vote intlo ri. Dân loa sêr pekna khan mi manṭitna antlo ria kae. Government hlamkakei hei kadei dân leh rathla hlangting hlamkakei hei kadei dân hi, in-ang mak a kae. Elder inkhat chang nasik pui katluk mi kha, mi hei mai kunga apui tlukna kha, risōt nasik darkar e mak. Mi hei mai kung a phongsoṭa, qualifications chung chāngā inlensak pui sik um e mak. Khana ama kha tûtê inkhat bek le iner hei chang mak. Qualified kachang mi rakip kadei sik hei, khan mi lak inkhat ankadei jârra anta kadei mak mi kha anta tor (defeat) e mak. Vote a elders anta kadei hei e mak, tâkkha tōn neina a anta kadei hei kae. Deacons leh elders hei kadeina

chung châng Pathen tōn mantluk hi politic ting manhlut sik e mak.

5. Evāngelist tamadu det. Bekrup leh tōn katlo sap preacher khan elder anka dei pha, ama tamadu det mi kha, elder sik a kadei nasik ranakna ahotna sik. Hiva mi pa hin, evāngelist hei tamadu tarangei kapek kha kachang thei. Preacher khan amandon thei, khachu hiva mi hin ama hnenga aleitlopekna hei kha, aman atlo pek manle sik. Bekrup vairōnna ah preacher tōng kajui sik mi kha aman elder sika akadei hnōm ma kae. Preacher hei tamadu natlo inchu, elder sika kadei sik che kae tia inhnōmna dungjua ama kha elder sika anta kadei sik kae. Hing hin bekrup upahei kadeina a evāngelist hen tōng manjuina annei ya kae. Pathen in mi rakip hi aman ang eat ti hi, hiva tōn hin asōk set a kae (Acts 10:34). Preacher hi mi rakip hen takaja anpek. Tākkha mi rakip hneng, in-ang mit enna aen mak jārra achunga setna kaom. Preacher in amadu det jārra bekrup hlamkakei sik qualified kachang thei bat sik e mak.

6. Tekhing (inchu theina, man enna) kachang mak ṭlodân. Bekrup hlamkakei kadeina chungchâng, malung intheng makna, khan adikmakna rakip einin pui katluka nilei sun mazet tor mak jo achang inhnōm. Tākkha pathen tōnmantlukna dungjuia exampleship kachang mak method aralak kha adikmak inkhat kae. Bekrup hlam kakei kadeina ah qualifications darkar chang mak kati loi kaom hei, tākkha qualifications jao loa hlamkakei kadeina hi Bible tahnōm mak inkhat kae. Heikhat mandona inkhata hlam kakei anlei kadei jon chu, christian omchen sik khan tlotorna a akaṭha mak inkhat kae. Man enna a inphut Pathen in hlam kakei aman chang hei. Hiva Pathen tōn mantluk hi mi tûtê inkhat bek in thleng mak hei rasoh.

Tongder hei:

1. “Charter members” chungchâng bible a nita hmu mo?
2. Elder kapōa tōntlona chungchâng bible a nita hmu mo?.
3. Vāhnōi raleijārra pathen pathen kahao thei bat e mak
4. Elder kapōa ti hi christian kapōa tina mo?”
5. Politicking chungchâng method 4 rahring rih roh
6. Bekrup hlam kakei kadeina a khat leh khat iner na kaom mo?
7. Pathen hi michang mikha kanei mk kae ti bible verse pek roh?
8. Hlam kakei kadeina a pathentōnmantluknaverse 2 pek roh
9. Pathen tonmantluk kadōi chungchâng bible verse 4 pek roh
10. Bekrup hlam kakei sik member hen vote anta tlo sik mo?

LESSON 28

RATHLA INTHENG IN HEI KHONG MO BEKRUP HLAM KA- KEI ASEM HEI?

ATONGPUI MANTLUKNA OR MANTOINA

1. Manthei kadik. 2. Akadik madu. 3. Kaṭha a enmansin sik.
4. Mi kadeisōtna. 5. Kadei or kadeisōtna. 6. Bekrup tamanhret.

TONGPUI MANDONSŌMNA

1. Matheina kadik. Christianity hi mantheina dharmo kae (John 6:45). Akatansen hei kha baptism anlo mak ma anmanthei hei khan baptism anlosō kahnung am anmanthei hei (Matthew 28:18,19). Elders hei qualifications khana anma hi kadeina hin insingthei taka, kadik taka mantheina or inchuna arangei. Rathla intheng in bekrup kaen sui sik asem hei (Acts 20:28). Rathla tapek Pathen ṭong vānga inphut Rathla intheng in elders asem (akadei) hei (Ephesians 6:17). Rathla intheng kaphuk maasa Bible a inphut bekrup hlam kakei kadei nasik mantheina kadik kha apek me. Bible kadiktak a inchuna inphut, hiva method hin, kâra anei tor sik. Pathen manse na, bekrup rakip a elders kadeina sik jara, Bible hi kaṭha inchu sik, khan teisik arangei. Bekrup organisation chung chānga Bible mantheina hi kaṭha a nimanhret manchen sik kae. Hlam kakei hei ṭōntlona kha member rakip in anta manhret et sik kasōk. Bekrup in kadik taka invairôn theinasik, apha rakip a malung kahlut tak a anthem chuk sik me hi arangei. Mansena kadik omloa bekrup inloi-khômna (vaihomna) kadik omthei mak ning. Bible dungjuia vairônna anphutna mantheina hi, Bible dungjuia kachang sik kae. Organisation kaṭha tina chu manhretna kaṭha or kadik tina kae. Mantheina kadika inphut rathla intheng in bekrup upahei asemsōt.

2. Akadik madu. Inhni tlukna step hi, anta manthei heiya inphut kadika masōnna. Christian hen Pathen tamandon kha anjui tor nasik, khanchu anjui hnōm nasik, Pathenin an shunga ṭōn atlo ṭhak kae (Philippians 2:13). Pathen ṭong anmanthei hei kârra anmalunga tlohnōmna anhei nei sik. Elders qualifications anphutna hi, hing hin ansun, mi inkhat in bekrup hlamkakei chang sik amaduhêr inchu, ama'n ṭōn kaṭhatak inkhat amadu kae (1 Timothy 3:1). Mi inkhat in christian inkhat changna puitlukna sik ahong inchu pha, ṭōn vāng malârsōt nasik rahngak a tak intlo sik. Christian kangar tak inkhat changna sik ahei madu sik, khan mi lak hei um Christa antaksen nasik a anṭangpui sik hei. Hing hin Rathla intheng in christian hei chung a kara ahei neiya kae (Galatians 5:22,23). Mi inkhat in elder changna sik maduna

kha rathla intheng totlo ruk e mak. Satan inhnōm heikhat madonna jârra anmalung shunga hiva hlam kakei maduna ahei pek thei hei. Hlam kakei inkhat changna a rahming kalur khana sêr madu nasik satan in anmalung shunga tōn ahei tlo hri. Khava jârra mi rakip hlam kakei sik maduna kha akadik et e mak. Christa omchen indu jârra elder chang sik amadu achang inchu, rathla kara indu jârra achang inchu, elder inkhat chang theina sik rathla intheng khan hlamma akei sik. Hiva Kadik or kaṭha maduna hi elder inkhat changna sik akhlu tak inkhat kae.

3. Kaṭha a enmansin sik. Bekrup hlamkakei hei kha kaṭha a enmansin sik hei (1 Timothy 3:10). Ama hi inthum changna Rathla intheng in bekrup upahei asemna kha kae. Kaṭha a manhret manchenna, kadik maduna khan christian pui katluk inkhat hong kachang sik hei.

Ama khangsōtna leh tlotorna kha members alak hen aheimu sōt sik. Ahring khō anthemchuk, ami mentheina kaensui, akhang tou chet chetna kha mi rakip in anhmua kae (1 Timothy 4:15). Anhri kapōa, hiva tōn hi pha alo sik. Rathla a khangsōtna hi inrang raka akahong chang mak. Kum hingya inthemchukna, derna khana khangsōtna hei hi arangei. Christian hlamkakei khana mi inthei inkhat changtor nasik manhrerna hingya arangei. Hiva pha shunga, mi rakip tahmu thei christian omchen kaṭha manpung nasik abinga an ensui sik hei kae. Khang khan amember changpui hei khan, ama themna khana inchunathe i kachang hlamakakei inkhat kapōa anhei manhret sik. Elder qualified changnasik kaṭha a in ensuina ti kha hi kae.

4. Mi kadeisōt or indeisōt. Jerusalem a kaom sonle hei khan, ankârra mi kasing anta manhret kaom mo kadei hei ruh tia tōng anlei pek hei (Acts 6:3). Rathla intheng in elders asemna step manhli na kae. Hlam kakei sik indeina ah, andeisek mi hei khan, an bekrup shunga qualified kachang anta kadei sik hei kae. Ama hi congregation inkhat tatlo sik kae ti hi mandon ṭhat ruh. Bekrup pumpui in, kaṭha a mi anmanthei so hei kahnunga, hlam kakei sik qualified kachang, mi puikatluk anta jong sik kae. Hing hin milak hei invei loa, bekrup shunga kaom members hei kârra hlam kakei anta kadei sik kae (Acts 6:5). Ankârra anman sinna puikatluk mi kha ankadei a kae. Malung inpâk taka, akahnung anta jui sik mi kha ankadeiya kae. Christa kapōa, anōm theinasik, khan anmanin man enna inkhat achang nasik, malung inpâk taka ankadeiya kae. Ama hi akahlu tak tōn inkhat kae. Members hei malunga rathla intheng khan Bible vânga tōn ahei tlo. Anmani mandonna kha Pathen kaphûk masa, aṭong inthenga a inphut kae. Anmanin Pathen singna tōng kha anta jui kae (Colossians 1:9). Ama singna kha Pathen in arahlang nasik derna anei (James 1:5). Mi rakip malung amanhret sōt nasik derna anlei nei (Acts

1:24). Anmadu du kadei nasik t̄on inlak tlonasik e mak, tâkkha Pathen t̄ong intheng vâng, Rathla intheng in athōisik hei. Anta kadei mi hei rahming an-tei sōk sik, int̄upna khan record anda sik. Candidates rahming rakip bekrup pumpui in amanhret a kae. Ama hi kae kadeisōt or indeisōt ti kha.

5. Kadeisōtna or kadeina (appointing or ordaining). Bible in bekrup rakip a bekrup upahei kadei sik hei kae ati (T̄itus 1:5). English t̄onga appointed inti. Hiva tina chu designate kadei or rahming manchông (kadei sōt jo a t̄on chu latlo lo) or introduce (inhret intona sem). Ordaining inti hi denōmi-nations hen dikmak ting anhmang ria kae. Anmani sika chu, bekrup t̄on katlo achang theina sik hnōmpekna (licensing) kha kae. Bible in hiva chung changa arina heite hmu mak me. New Testament a ordaining hi member hei kârra bekrup hlamkakei sik kadeina kha kae. Ama hi evângelist hen anlei tlo sōt (T̄itus 1:5), ajarchu elder anlei kadei mak hma bekrup kahlang t̄ong kahri kha ama hi kae. Anmadu du kadeina kha preacher maduna jungjuia a e mak a kae. Qualified kachang mi anjongsōt kahnunga, khava mi khan abi binga pui katluk mo katluk mak mo inensin nasik pha anpek a kae. Bekrup hlamkakei kadeina chung châng a hi tlosik kae ti method heite ommak, tâkkha Bible dungjuia anpek qualifications hei kha, member rakip in anta mandon sik khan avea mandonok sik, khan anta hnōmpek sik mo, hnōmpek mak sik mo, anta phongsōt sik kae. Hlamkakei inkhat sika candidate chung a hnōmpekna sik mandonna kha pha ajing alo thei. Hlamkakei sik kha, hnōmpekna anhei nei pha, evângelist khan mi rakip hneng ata phōng sik kae. Hiva hi hlam ka-kei ordaining or appoiting antatlo tia nimanhret.

6. Bekrup mi inhret intona. Bekrup in anta mandon sik, anta hnōm sik khan anta kadei sik kae, khan achaina a, bekrup in hlam kakei t̄har inhret intona mipui maikunga anta tlo sik kae.

Hma inkei penna, Sonle hen deacons anchangna chung a ankut anda a derna anlei nei pek hei. Sonle hei t̄on inlak tlotorna pha shunga sonle hen anchunga ankut anda pe hei pha rathla intheng ajong inpe raṭha ratna kha anlei nei (Acts 8:18). Atunchu sonle hei an ommak jo jârra, khana t̄on inlak tlotorna pha a emak jo jârra, anchunga ankut da nasik ahlam heite ommak jo. Antioch bekrup hen Barnabas leh saul chung a anhhnōmna leh inthōpuina anpekna hei kha malâr nasik, bu anhgoyia Rōngpu sepa anrazen, anchunga ankut anda a derna anlei nei pek (Acts 13:1-3). Anchunga kut da hi tuning um nitlo thei. Bekrup hlamkakei inkhat kadeina a, bekrup hei nōmpekna malârna sik leh bekrup kajana anpek malâr nasik ah tuning nōm nitlo thei, tak nitlo nger sik tina chu chang mak. Ara hla bekrup hei inchu, an hlam kakei t̄har kha derna annei pek sik, kha mipui maikunga intepna anman

neiya kae. Hing kapōa tōnhlam hi aṭhatchenna nimanbei sik kae. Hiva jārā bekrup shunga akadikmak ṭhatmak nimansōk mak sik kae. Kutchōi peka, bukheng tlai kheng o sik um rangei mak. Bekrup mi rakip in mipui maikunga ama hi tuninga inphut bekrup hlam kakei kachang jo ti menhretna ruk kha arangeiya kae.

Tongder hei:

1. Rathla intheng kaphuk maasa bekrup hlam kakei kadei nasik apek me
2. Maduna kakei mi 2 rahming rih roh
3. Christian rangar tak inkhat changna sik sik, khan mi lak hei um sik hei.
4. Christian hlamkakei khana mi inthei inkhat nasik manhrerna hingya arangei.
5. Bekrup kha tunmo a ensui sik hei?
6. “Ordain” kadei chungchang verse 3 pek roh
7. Preacher a inphut tunmo elders alei kadei hei?
8. Bekrup hlamkakei inkhat kadeina a malâr-na.
9. Hlamkakei inkhat sika candidate chungā kha pha ajing alo thei.
10. Christian hlamkakei khana mi nasik manhrerna hingya arangei

LESSON 29

BEKRUP HLAM KAKEI HEI HNENG PATHEN NGANSE NA ATONGPUI MANTLUKNA OR MANTOINA

1. Rup hei sika man enna chang ruh (inchu theina chang ruh).
2. Rup hei kha thlai vei hei ruh.
3. Rup kakhem chang ruh.
4. Ensui hei ruh
5. Anchunga kaṭha rōn roh.
6. Anrathla kathleng a kemhei ro.

TONGPUI MANDONSŌMNA

Elders hei qualifications chungchānga ninthemchuk kahnunga, hinna lesson hin anṭōntlo sik kha inthemchuk sik me. Anmani duty sika Pathen ngansena khan anṭōn tlo sik kha nihmu sōt sik. Elders hei tōntlo sik manhret-

na, heimo anta tlo pen sik, khahei kha einin kakhea nihmanret thei det sik.

1. Rup hei man enna chang ruh: Bekrup upahei hi man enna inkhat kachang nger sik hei kae tia inchu me, hiva inchuna hin einin kakhedeta anthemchuk sik me hi arangei. Elder inkhat sika inchutheina kachang omchen kakhea akahlu om mak. Elders hei qualifications kha hiva hin akungpui ni-man chang sik kae. Khava jârra elders hei kha 1 Peter 5:3 a ngansena anlei nei hei. Nanta tintâ sika kaom hei chung a vairôn sik mandon mak ruh, tâk-kha khava rup hei tachik sik omchen malâr jōk ruh. Hlam kakei in akahnung kajui hei hneng vairôn sik amandon inchu, khava kha Pathen tamadu mak inkhat tōn atlosōt kae. Reng hen anmi heichunga anlungdo tlonasik tanti alei tlo thei hei, tâkkha hing kapō inrōnna hi christian hei sik Pathen tamantluk kha e mak a kae. Tit leh tanti a chang loa lungseta vairōnsik. Taksa ratharatna rangei mak, tâkkha mi hei tachik man enna inphut kachang sik kae. Pathen tōn mantlukna tekhing kha, ankahnung kajui hen, an leader hei omchen anhmua pha, anta tlohnōm omchen kha kachang sik kae. Khava jârra ahma inkeiya leaders hein anbi binga anensui masa sik hei, khan an rup hei kha anta ensui sik hei kae (Acts 20:28). Inpak taka members hei tajui hnōm example kaṭhakha an leaders hen bekrup hneng anta malâr sōt sik kae. Elders hen bekrup vai anta rōn mak sik khava kanek a an rup hei sik inchuthei na kachang sik hei kae.

2. Rup hei kha vei hei ruh. Inhni tlukna elders heisik ngansena or tōngpek kha chu, ankârra kaom Pathen rup hei anta vei sik hei kae (1 Peter 5:2). Elders hei tōn kalen pen, bekrup member hei vei or manthei sik hi kae. Christian hei sik Pathen tōng intheng hi bu kae. Aman rathla hlangting amangar tor hei (Acts 20:32). Pathen kaoi pek (taksenna anthekṭhar) mi khan akhangsōt nasik nitui arangei (1 Peter 2:2). Alak hen Pathen dikna tōng, bu kangar kha anrangei (Hebrews 5:12-14). Christian kachang ṭhar hei khan, alei kachang sa hei achang inhnōm, elders hen bu anta vei tor sik hei kae. Hlam kakei mi khan abinga inthemchuk sik, khan mi inthei tor kachang sik hei kae (1 Timothy 3:2). Teaching help khan mathona le inthōiya oya hei kha elders hen anta ensuitor sik hei kae. Bekrup khangsōtna sik rathla hlangtinga bu vei hi, taksa bu veina kanek elders hei sik daita kalentak inkhat kae. Elders hen kaṭha taka antlo inchun bekrup kha kakhangsōt sik, hong kangar chet chet sik, tâkkha elders hen antlo tormak jo achang inchu, bekrup kha raṭha hong kasin chet chet sika hong kathi sik. Kadik taka Pathen kamukna hi christian hei sik rathla bu kae. Elders hen rathla khangsōtna sik, Pathen kamukna tōnhlam kaṭha, thlai anvei or anpek tor mak hei achang inchu, member hei kha hong kana sik hei khan anmit hong kamu sik, khan rathla hlang ting hong kathi sik jo

hei. Khava jârra elders hei khan, Pathen rup hei kha, kaṭhataka ansem rathla bu veina sik Pathen in ngansena anei hei.

3. Kemōng hei kha khem roh. Kemōng hei thlai veina chung, kemōng kakhem hen kemōng hei kha khemna sik alei ngek hei. Kemōng kakhem kapōa rup hei kha anta ensui sik hei kae (Acts 20:28). Greek tonga “feed the flock” tōn chu “kemōng kakhem kapōa tōn tlo” tōn kae. Kemōng kakhempan akemōng hei kha lungset taka arazen hei. Bible pha shunga kemōng kakhem hei khan ankemōng hei leh lei kaom sap hei. Ankemōng hei tlaksamna kha anmanhret, khan ankemōng hei kha anlungset heiya kae. Jan inthim kârra ankemōng hei kha an-ngâk hei, khan sun pha a hlam kadik ting anthōi hei. Ankârra inkhat in anhmang jon chu, ajong ria kae. Inkhat in anat jo or atlon jo achang inchu, andam nasik anatna bi khan thou akano pek ri hei. Apha rakip a kemōng kakhempa khan akemōng hei hlamma akei hei, aman dahlon mak hei. Anmanin akare anmanhret khana akahnung anjui, ajarchu aman alungset hei khan anmani sik akaṭhapen tōn kha alei tlo pek hei. Hing hin elders hen rathla hlangting Pathen kemōng hei kha anta khem sik hei kae. Inkhat leh inkhat anhret tō sik hei, khan anlungset sik hei kae. Anta huk sik hei, anta thōi sik hei khan antavei sik hei kae. Anhmang kemōng kha anta jongsōt sik khan akatasam kha anta inthōpui sik. Hlam kadik hlang ting se nasik , nung song kanek a, elders in hma ting kangir ṭhak sik kae. Hiva hi anmani sika kaṭhapen kae ti mandonna leh inthōiya apha rakip a members hen inpâk inpâk taka elders hei kahnung juina sik antuk sik hei kae. Psalm 23 a nihmu sōt khachu, pathen in hei khong mo akemōng hei aleikhem hei, khan lungset leh marit takha, elders hei inhnōm Ama kemōng hei kha anhring theina sik anta khem sik hei kae. Pathen kemōng hei kakhem sik elders hei hneng ngansena anei hei.

4. Enmansui hei ruh: kên kangek chei kae: Pathen tapek chei rup kakhem kha chang ruh, khana raṭhaset pumma changloa, raṭha kahrok tak a Pathen taman tlo hnōm chei dung juiya inpâk tak a enmansui hei ruh. Lho ralhang thena hrep a tōn katlo changloa, malung kalhut tak-a tōn katlo chang ruh (1 Peter 5:2). Elders hen raṭha inhuk tak ahlam kadik ting hlam ma antakei nasik hi pathen ngekna kae. Bishop inti rahming leh overseers tina chu elders or upahei in bekrup anta ensuisik tina kae. Bekrup ṭhatchomna sik anta ensui kae. tōn hei kha an-en suiya kae. Ensui ti hi akaen insui or akarôn, or bekrup sika rathla hlang tinga darkar kachang akaen insui. Rathla intheng in bekrup akaen insui sik akadei hei (Acts 20:28). Pathen tapek chei rup kakhem kha chang ruh, khana raṭhaset pumma changloa, raṭha kahrok tak a Pathen taman tlo hnōm chei dung juiya inpâk tak a enmansui hei ruh.

Ama hi elders hei tamadu tōntlonā kha anta manchang sik kae. Khana akaen insui mi khan akahnung kajui sik hei kha tanti taka changloa anlungdo tak a akahnung kajui aman chang sik hei kae. Malung kahlut taka tōn katlo khana Pathen tongpek juina sik changloa sêr maduna leh rahming inthang maduna malung kha anta nei mak sik kae. Rup kaen sui rakip in daita kalen or karik anhei et a kae. Tâkkha bekrup kaen insui hen kakhedet a akalenpen daita kha anneiya kae. Rup hei mahamthatna kha kemōng kapu khan anchunga mo-rōnna apek sik hei. Lungset mahret, khana raṭhasetna omloa anṭōn kha anta tlosōt sik kae. Ama hi kae bekrup kaen insui inti kha.

5. Kaṭha rōn tor (kaṭha ensui tor). Bekrup inkhat kaṭha ensui sik hi upahei tōn kae (1 Timothy 5:17). Akarōn or ka ensui tor hei kha, Pathen tong a khana mantheina a tōn kaṭha katlo hei tia hiva hin ahri manchen pek det me. Bible in elders or upahei qualifications heikha hing hin ati, Ajârchu mi inkhat in a-innshung kaṭha arōn tor mak inchu, heikhong mo Pathen bekrup kha a-ensui tor sik? (1 Timothy 3:5) pa inkhat in a innshunga ṭatchomna sik aen sui kapōa, intûpkhōmna ṭatchomna sik matheina ah khan razena ah raṭha inhuk taka tōn anta tlo sik kae. Rōn or ensui hin bekrup chungā vaikarōn tina e mak (1 Peter 5:3). Hiva tina chu bekrup ṭatchomna sik khan rathla vairōna chung changna daita kanei tina kae. Vaikarōn jârra mi ṭharep hen dikmak ting anlei loa kae. Vai karōn inkhat in arengam shunga ami hei kârra sōk atasem sik kae tia anmandon. Tâkkha ama hi bekrup inrōnna upahei sika aka e thei mak inkhat kae. Anta ensui sik kae tia Bible in amanthei me, hiva tina chu bekrup inrōnna chungā malung kahlut taka, raṭhaset loa tōn anta tlosik tina kae. Anmani vairōnna bekrup kha pha rakip a mankhokmak na anta nei mak sik, khava kanek a malung kahlut taka tōn anta tlosōt sik kae. Akahlu tak khan daita kalenpen tōn kha anhnenga anpek hei. Hiva tōn kaṭha katlosōt tor hei kha te hnia anta hlo pek sik hei rahōi kae (double honor) (1 Timothy 5:17). Upa hei kha kaṭha a bekrup anrōn nasik ngansena (tongpek) annei hei.

6. Nanrathla kha anta ensui kae. Nanhlam kakeihei tong rangei ruh khana jui hei ruh. Anṭōntlo tintāna kha Pathen hneng antalapek nger sik achang jâra, inhngaloa nanrathla kha anta-en ṭhak kae. Anṭong nanjui inchu, anṭōn kha inpâktak a antlo sik. Khava loa malung inrim pum a tōn antlo sik inchu nangni sik a hnemmak ning (Hebrews 13:17). Anṭōntlo tantina kha hi kae, inhngaloa nanrathla kha anta-en ṭhak kae khan anṭōntlo rakip Pathen hneng antalapek nger sik kae. Upahei hi isreal khōpui kot kahngâk kapō, Pathen tapek gikna kha anmi hei hneng anmathlung mak inchu themmo anta chên sik kae (Ezekiel 3:17-21). Mi inkhat tintāna thōiya rathla sika Pathen hneng peksik jârra insumtor kakhea heimo lakaom rih? Upahei in rathla anta ensui

ruk changloa, ama tatintâna thōiya kaom members hei rathla sik jara aţōntlo na rakip Pathen hneng alapek sik kae. Hing kapō nahngâkna hi inrin ʔhak ah insingthei sik arangei (1 Peter 5:8). Mit rathli katam tak leh inthōiya inrinʔhak inna member hei tintâ hei ruh (Acts 20:31). Elders hen rathla anta ensui sik khana anţōn tlon dungjuia Pathen hneng anta pek sik kae.

Ṭongder hei:

1. Elders hei tekHING chungchânga verse 4 pek roh.....
2. Elders hen hei mo anta khem sik?.....
3. Thlai 4 kardar kachang hei kha hei rahlam hei mo?.....
4. Rup hei manthei ti leh rup kakhem hi an ang mo?.....
5. Sarkar inrōnna kapōa elders hen bekrup anta rōn sik mo?.....
6. Ensui hei ruh ti hi hei ti mo?.....
7. Elders hei.....anta ensui kapōa bekrup anta ensui sik kae.
8. Kot kangâk chungchânga ajingte ri roh.....
9. Kemōng kakhempa khonmo kemōng akhem sik?.....
10. Ensui ti tong rahme alak pek roh.....

LESSON 30

BEKRUP INLOIKHÔMNA (VAIHOMNA) AH ṬIT KAOM TAK MERCHIKNA

ATONGPUI MANTLUKNA OR MANTOINA

1. Bekruk shunga ka e mak organisation.
2. Bekrup hei kârra organisation ahong kaom.
3. Bekrup vângtina hlam kakei.
4. Bekrup ningle hnōmma omna inphut ahong intheK.

ṬONGPUI MANDONSÔMNA

1. Bekruk shunga ka e mak organisation. Bekrup inrōnna shunga ʔthatmakna (corruption) ahong om kârra einin merchikna ajing hi nihmu sôt tor. Ama hi ʔit kaom merchikna, Pathen ʔōn mantluka a heikhat anthleng kaom ti manhretna kha kae. Ṭit kaom merchikna inkhat kha chu, bekrup chung vaihomna ahong kasōk. Omhmun inkhat a kaom intûpkhômna kanek kalen det organisation, hing kapō hei hi, denōmintions hei kârra nihmu ria kae. Hiva organisation anphut bekrup ara lak hei kha, ansuina sik ʔongkanei pen hlam kakei anhei kadei sōta kae. AKalen det organisation hen intûpkhômna hei sik decision alo sik. Anmanin bekrup preachers ankadei sik, anţōn tlo sik

hei anman thei sik hei, khan taxes anlo sik. Christa bekrup in hing kapō tōn hei hi, Bible tahnōm changmak ti hi anmanhret. Tâkkha, hing kapō organisation ahong inthleng nasik, Pathen mi hei kârra aṭhatmakna hong kasōk a kae. Mission organisation thōiya Bible inchunna college kaom sik hi member ṭharep hen anmadu. Mi kabâng hen preacher ankadei hei leh sêr anta pek sik hei um anmadu. Bekrup shunga boina ahong om kârra mi kabâng hen ṭong antaten sik um anmadu. Tâkkha, Bible school khan bekrup chung a rāṭha neimak a kae. Mi kabâng hei khan bekrup inrōnna chung ṭong mathlakna ratha nei tor mak hei. Bekrup inrōnna kha pui katluk kheta ningle hhnōmma kaom sik kae. Bekrup inkhat chung a tûtê inkhat bek in or (organisation) rāṭha neitor maka kae. Organisation inkhat in bekrup chung a ṭong ahei rih kârra, ṭit kaom tak ṭhatmak merchikna inkhat ahong inlâr sôt kha kae.

2. Bekrup hei kârra organisation ahong kaom. Denōmination a inphut ankhong hei achang jârra arapa anlei omna kapōa inrōnna hi ansem hnōm. Anmani pandam mutor nasik gospel meeting antlo ria kae. Bekrup rakip a milip inkhat sasam or committee mi, bekrup kathleng sika general conference antlo a kae. Anmanin tōn hlam kakei, chairman, secretary khan treasury ankadei hei. Bekrup rakip a sêr anta heipek rakip sik treasury annei. Anbi binga district inkhat shunga kaom, eastern or southern gospel meeting tia denōmination hei kapōa antlo thei. Gospel meeting khan Pathen sik tōn kaṭha alei tlo sik inhōrna kalen tak kaom, hiva sika malung keichi keiok na ommak. Hiva hi Bible dungjuia chu chang thei mak ning. Bible a organized kachang gospel meeting muhmak me. Anmani hi denōmination hei tlodâna anphut anta heiphut kae. Christa bekrup members hei khan an denōminationism changna anhei dahlon a Christa bekrup anchang jo achang ravâng, hma a anlei inrōndân khachu dahlon mak heiya kae. Inphutbia inphut ajing te te hong inthleng sik, khan hong kalen det det sik a khan antaksenna anhei dahlon sik a kae. Gospel meeting hei hi lectureship khan milipa inkhōmna heiya ni manthleng sik kae.

Khava jârra, hma ah anta leitlo tōn kaṭha rakip nida leh, ṭit kaom khan akaṭhamak ṭlodân rakip nihlon sôt sik kae. Akataksen sopōi hei in, christian fellowship kadik, mantheina kadik leh inthōiya bekrup intûpna ah mathona anpek thei heiya kae. Tâkkha, district inkhata hlam kakei, chairman, secretary khan treasury hei kapō hi anta bâng sik kae. Anmanin bekrup hei inrōnna sik chung châng a heikhat ṭong mathlakna anta nei mak sik kae. Sêr theina anta tlo mak sik. Kaṭha kadik rakip pomsik khana , kadikmak rakip hlonsôt sik. Hei rakip ensui ruh; akaṭha kha ching ruh. Akaṭha mak rakip kha pe-sôt ruh (1 Thessalonians 5:21-22). Gospel meeting kha katha taka ni ensui pha,

akathamak rakip pesōt nasik reject tlo sik kae. Bu ngoina leh inthōiya heikhat tōn katha ahei masō theinasik bekrup hen lectureship organised antlo theiya kae. Organisation inkhat rahminga gospel meeting organised tlo na hin, athatmakna hong kaom thei, bekrup sik dikmak kamasō, bekrup inphut sōkna, tīt kaom setna hingya hong kasōk theiya kae.

3. Bekrup hei vângtinga tōn hlamkakei. Bekrup vaihomna tīt kaom tak merchikna inkhat nōk kha chu, bekrup vâng tinga hlamkakei neina hi kae. Hlam kakei hei hi chairman, secretary khan treasury kachang thei hei. Achang mak leh bekrup ahlop a inphut hlam kakei or member um kachang thei hei. Congregaion or intūpkhōmna kalen, bekrup kalen tanhnai pui bekrup kasin or katlasam det hei chungga, bekrup kalendet hei khan vairōnna sik anhei tlosik a kae. Bekrup marō a kōam hlam kakei hei khan, bekrup thara kaom hlamkakei hei kha anmani thōiya kaom sik hei kae tia anman don. Ama hi dik mak, 1 Peter 5:2, kên kangek chei kae: Pathen tapek chei rup khem kha chang ruh, khana raṭhaset pumma changloa, raṭha karok tak a Pathen taman tlo hnōm chei dung juiya inpāk tak a enmansui hei ruh. Lho ralhang theina hrep a tōn katlo changloa, malung kahlut tak-a tōn katlo chang ruh. Rathla intheng in nangni (elders) aman ngan hei rup rakip leh nanbi binga chungga inen sui ruh, khan abekrup kha akakhem chang ruh (Acts 20:28). Rathla intheng in Ephesus a kaom bekrup ruk kha kaen sui sik upahei alei kadei hei (Acts 20:17). Bekrup hlamkakei upahei in bekrup alak hei chungga inthōpuina sik leh inṭangpuina rahuk neimak hei tina e mak. Christa bekrup, taksa pumkhat shunga inthōpuina leh inlungsetna abinga akakhang sik kae (Ephesians 4:16). Hiva mi hen aulehnai hei kapō a mathokna le inthōpuina anpek hei, tâkkha bekrup hlam kakei inkhat kapō chu e mak. Anvairōnna hi anbekrup shung ruk a kae, berup rakip in anṭōn tōnhei kha abi binga antlo eat a kae. Bekrup vâng tinga hlam kakei nita nei hi bekrup shunga thatmak manhretna merchikna inkhat kae, khana Pathen mantlukna bekrup inrōnna kha asōk maset a kae.

4. Bekrup ningle hnōmma insōna inphut heikhat thleng. Bekrup in Ningle hnōmma ansō sik or binga invairōn sik hi Pathen tōn mantluk kae. Christa thōiya bekrup rakip ningle hnōma insō hei. Bekrup shunga inrōnna kae mak, bekrup hlop or inloikhōmna hlop hei le heite injom mak hei. Bekrup hlop hei hlamkakei tōng neina thōiya ommak hei. Bekrup rakip in abi bing eat sika tōng matlakna annei, abi bing eat sik a tōn antlo, abi bing eat sik a hlam kakei ankadei hei, abi bing eat sika sēr anman buk, abi bing eat sika kamukna annei, an bekrup member hei kha mansena annei hei, khan bekrup tōnhlam rakip abi bing eat sik a anselâr heiya kae. Ama hi Pathen tōn mantluk kae.

Ama hi Bible hlam kha kae. Bible dungjuia ka e mak t̄on mantluk ahlop det hei kha, Pathen raṭha neina thōiya ka e mak, Pathen lungdo ka e mak t̄on mantlukna kae. Bible dungjuia nihmusōt hei kapōa, Pathen ta kachang kha Pathen sik tlo rih. Pathen lungdo, khan aṭon mantluk kha akaṭha pen kae.

Tongder hei:

1. Corrupting merchikna kha hei mo?.....
2. Khang khava organisation kho mo bekrup hei anta madu?.....
.....
3. Mi kabang hei bekrup inkhat chung a ratha anta hei mo?.....
4. Ama hi t̄it kaom t̄on mantluka a heikhat
kaom ti manhretna kha kae..
5. Gospel meeting athatmak na 3 pek roh.....
6. Gospel meeting hi bible dungjuia hei in mo thleng sik?
.....
7. Elder inkhat in bekrup ahlop hei chung a vai arōn thei sik mo?.....
.....
8. Elders hen hei mo anta ensui sik.....
9. Rathla intheng in elders inkhat hneng bekrup heiya mo ensui
nasik ratha apek?.....
10. Biblea bekrup chungchānga bible arup leh chang 2 pek roh....

BEKRUP INLOIKHÔMNA (VAIHOMNA) AH ṬIT KAOM TAK MERCHIKNA

1. Organisation inkhat in bekrup hei chung a ṭong tanna ratha neina a inphut:

CENTRAL I CHURCH	MISSION I CHURCH	AUTHORITY I CHURCH
------------------------	------------------------	--------------------------

2. Hlamkakei hei, ser katinta hei, khan district inkhat rup ahong sok nasik intupkhomna hei karra invaihomna (ton katha tlonasik achang innum) a inphut:

CHURCH I	CHURCH I	CHURCH I
Kahlang Kathlenga manse -Hlam Kakei Hei- Ser Katinta Hei -District A Kaom Rup		

3. Bekrup inkhat in achang mak leh hlam kakei inkhat in bekrup ara lak hei chung a ratha neina ahei phut:

RATHA KASIN CHURCH	HLAMKAKEI HEI RATHA KAHRAT CHURCH	KADONG CHURCH
-----------------------	---	------------------

4. Anbi binga ṭōn tlonasik, tonhlam hei tlosot nasik kan decision hlo nasik pathen ṭōn mantlukna kha anta hei thlenga inphut:

CHURCH Ṭōntlo	CHURCH Ṭong mathlakna	CHURCH Ṭōnhlam hei
------------------	--------------------------	-----------------------

LESSON 31

AHMA INKEI PENNA BEKRUP INRÔNNA KHA HEI KHONG MO ANTA SÔK SET

AṬONGPUI MANTLUKNA OR MANTOINA

1. Bekrup anta dahlonna Omchen hong kasōk sik leihrina
2. Bekrup histoty a inphut inchutheina
3. Taksenthei kachang mak kemōng kathem hei chung a haksêrna.

ṬONGPUI MANDONSÔMNA

1. Akataksen hei in ankahnung inleh sik hei chung châng a Bible in aleihrina. Lesson one nimusôt dungjuia, taksenna kahdalonna hnung anleh hei hi bekrup inrônna or inloikhomna ah inphut ahong kasōk ahang jâr a bekrup inrônna or inloikhômna hi akahlu tak inthem chukna inkhat hong kachanga a kae. Hiva aṭhatmakna hi hei khong mo ni kâr a ajōng kaom, hiva lesson hin amanthei sik me. Ahma inkei penna, Akataksen hen ankahnung inleh sik hei tia Bible in aleihria kae. Ephesus a kaom upahei hneng Paul in rahngâk a alei rakok hei, anmani rup kâr a mi ṭahrep in akataksen hei ankahnung kayui sik a malei seiya thōi nasik a ahong kasōk sikhei kae aleiti (Acts 20:29,30). Mantheina kadikmak mi intheihen bekrup ansōk maset sik tia lei inphongsôt. Paul in alei ti, ankâr a inphut mantheina kadik mak oya ahong kasōk sik hei kae. Mi kahon rathla kha bekrup a khan hlam kakei hei kâr a inphut ahong kasōk sik kae (1 Timothy 4:1-4), khan mi ṭahrep hen antaksenna anda lon sik tia alei hri. Avea mantheina kadikmak oya hlamkakei khan antaksenna anta dahlon sik kae. 1 Corinthians 1:10-13 ah nihmu dungjuia Corinna kaom bekrup hei kâr a inthen khuina aleiphut joa kae. Hiva inthen khuina hi member hen Christa kahnung jui kanek a anhlam kakei hei kahnung anjui jâr a alei kasōk kae. Division leh corruption hi bekrup hlamkakei heiya inphut ajōng kasōk kae. Mi kahôn inthlak kahong sik khan thina ram kahlo sikpa akaṭhamak inkhat kha ahong inlâr sik kae. Akaṭhamakpa khan mihei takamuk rakip leh min pathen ti anta mandon kamuk sik hei kha ahong thei kada sik kea. Ama achung kaṭong penna inda sik a kha, Pathen bek-inn shunga kapha kahlut a anong a ama Pathen anchang sak sik kae. Taksenna inphut kahnung inleh hi hlamkakei kadikmak hen bekrup shunga, khan vâng ting um anman sōk ria kae. Bekrup hlam kakei hei khan kadiktak a, malung intheng tak a, ṭôn antlo kâr a, ama hi hong sōk mak ning. Hlam kakei hei leh oya hen, Pathen ṭong intheng khan church organisation chungchâng a Pathen mantlukna kha andahlon pha corruption hi ayōng

kasōk kae. Hlamkakei heiya inphut ama hi ayōng kasōk sik kae tia Bible in alei hri dek sa kae. Tuning chu ʈit kaom her division leh mantheina kadikmak hei him ni kârra hong kaom jo.

2. Bekrup thuminga inphut manhretna or inthemchukna. Asia ram shunga kaom bekrup 7 hei tia Bible in achaina a manhmuna apek me. Hmadet a anlei inhri kapōa, khava phalai ah kaom bekrup hei kârra, rup hlop a anthon (akathlanhmang), mi le antuk theimak hingya lei kaom hei. Bible ansun mazet kahnunga, bekrup chungchang a ni inchu hin, rup kadahlon a, ahlop a anthon kaom sik hei alei ti kha pui hong katluk a kae. Christa a malung nita pek nibâng pha, lungthim kaṭhamak in bekrup asōk maset kae (2 Corinthians 11:3). Bekrup organisationna hiva hi akaom kae. Pathen ʈōn mantlukna khan, mihen anmalung pek tor mak hei. Sêr leh sum khan rahming inṭhang maduna jârra, Pathen ʈōn mantluk kha anta hapsa achang mak leh anlo sôt a kae. Bekrup inrônna shunga corruption ahongsōkna hi, manhret theina sik anoiya anpek hei ensōmna hei rih. (1) anphutbia anphut, antaksenna kadahlon hei kha bekrup inrônna inphut kae. Leaders hei in Pathen lungdo ansōk set, khan kabeitek a bekrup shunga akadikmak anhei chōi manhlut. (2) rup kadahlonna kase hei mandonna kha kadik mandonna kae. Akadik kha dahlon nasik akase sôt hei e mak. Anmani bekrup inrônna kha akaṭha det hlam inkhat a thleng nasik anman donna kae. Tâkkha Pathen lungdo kha mihring hei lungdo vâng anthleng jok a kae. (3) anphutna taksenna kadahlonna kase mihei kha katlom tek hei. Mihen Pathen ʈōn mantlukna inphut ajing ajing, ani katlaia kase sôt heiya kae. (4) mi inkhat inkhat rup adalonna kase anphut jo achang inchu, ara lak hei inhnôm ankahnung anhei jui a kae. Kot ajingte anhleng anhmu pha, miyam hen aner annam heiya hlutna sik anta hotna kapō kae. (5) kani hnung inṭong tinga rup kadalonna kase hen andikna sik ahei ri pha, hma ah alei kadalon mi heiya anphut makhe sik hi arangei. Anmanin anti sik, alak hen hi anlei tlo jârra kae, khan mi lak hen heikhat anhei ti sik. (6) ajing te te, sunkhat sunkhata, tap ah ahong inthleng kae, ajingte te ʈatmak ahong kahlut kha, mihen muphōng mak hei. Tâkkha, corruption kalen khachu mi rakip in inhrang tak a anhei hmu sôt. Tâkkha, katomtek jam kate a ahong inthleng kachu mi hen don mak hei. (7) upahei kârra, anraṭha neina an-ang kha, mihen lei madu mak hei. Khōpui shunga kaom upahei or upa kalen hei (chief elders) anhei ti hei. (8) bekrup inkhat, rupa kaom inrônna kha mi hen anmalung leitlukmak. Bekrup hei, anhei manpum khôm heiya khan inrônna inkhat thōiya omna sik hlamkakei anlei kadei heiya kae. (9) anraṭha kangar dek bekrup hen bekrup kasindet hei chung a ensui nasik anlei madu. (10) lekha kathem det mi hen bekrup shunga ʈong neina sik anmadu. (11) leaders hen icham chamma kaom

members chung kaṭonga rahming annei hnōm, kei bekrup ṭōn katlo eng kae (clergy bekrup upa, pastor, laity michunghnung eng kae) anti. Hi hei rakip hi Bible tahot hei kae. (12) Bible hi antat her kae anti, khava jârra Bible manhret theina sik, Bible leh raṭha neina an-ang inkhat catechism (ṭongder masōnna leh inthōiya hripekna or manthēna) hi anhei semma kae. (13) members hen heimo anta taksen pen sik ti jârra, elders hen meeting anlei tlo. Elders hei decision leh opinion kha, bekrup sik inrōnna anhman chānga kae. (14) bekrup inrōnna kha ram shunga kaom inrōnna leh mixed anhei tlo jo. Bekrup in rathla hlang tinga raṭhaneina adahlona, ram invairōnna dân tinga raṭha kanei inkhat hong kachang. Khava kahnunga, ram shunga ṭhat mak rakip bekrup shunga anhei chōi manhlut jo. Bekrup aṭhatna kha malung kadikmak mi hen hei khong mo anta sōkset ti kha ajingte nihmu sōt. Rup anta dahlonna, kase sik hei chungc-hānga, Bible taleihri kha pui katluk a kae. Tuning katlung ama hi eini kârra nihla mo ria kae.

3. Taksenthei kachang mak kemōng katham hei chung haksêrna. Hma ah ni inchuna lessons hei khan heikhat anemna kaom anchang inchu, ṭit kaom ahong kasōk sik a inphut leaders hen anrin sik hei kae. Hma laiya christian hei taleithe kapōa tuninga ni leaders hen anthe mak nasik, rahngāk a ṭōn anta tlo sik kae. Taksenthei kachangmak, mi katintâ hen themmo or haksêr anta leichen chung chānga old Testament hi nita rangei sik kae. Tuninga hlamkakei hei sik khongya mo khōdeng theina anta ratō sik, Rōngpu mihei kasōkset a ankavor inchek vaikarōnhei chung Rōngpu ṭong tan sik hi heituk a ṭit ka-om mo! Amihei ka-ensui ankatintâ sik rahōi kasōk vaikarōnhei chungchānga, Israel Rōngpu Pathen khan ahri kha hi kae: “Nangni’n kamihei, tintâ mak chei; nanhnong kachek heia, nanchai dâk jo hei. Hiva ṭhatmak nantlo jâra tûn kên karâkna kapek sik chei kae (Jeremiah 23:1-2). Hlam kakei rathla kangar mi khan abekrup shunga antaksenna antek hei akham tor sik, tâkkha taksamna kanei hlam kakei inchu kham tor mak ning. ami hei kathōi hlamkakei hei chung Pathen in daita kalen tak apek hei. Khana kemōng kakhem kalen kha ahon’lâr pha, akaṭōi hêrmak sik lenlukhu kavâr kha nantachen sik kae tia intepna anei (1 Peter 5:4). Nangni kemōng hlam invai kapō chei kae, achang ravâng tûnchu kemōng kakhempa nanrathla kahrungpa kahnung kajui sik a aheithōi male jo cheia kae (1 Peter 2:25). Akato her mak hei sik len lukhu kavar kha anta chên sik kae.

Ṭongder hei:

1. Taksena kadahlon hei chung chānga bible arup leh chang 4 sun roh.
2. Akataksen hen ankahnung inleh sik hei tia Bible in aleihria ka.

3. Bekrup kha ram shunga kaomleh mixed anhei tlo jo
4. Taksenthei kachangmak, mi or haksêr anta leichen chung chânga old Testament hi nita rangei sik kae
5. Akato her mak hei sik kha anta chên sik kae

LESSON 32

HEI KHONG MO BUSINESS MEETING NITLO SIK TONGPUI MANDONSŌMNA

Bible dungjuia Christa bekrup inrônna chungchânga ninthemchukna hi hiseng hin nitor jo, tâkkha, inchuna hi nichai mak hma bekrup business meeting chung chânga ajingte ahong anrih de nôm kha kae. Meeting hi ahlam kaṭha det inkhata nitlo thei. Meeting nitlo kârra nita mandon sôt sik ṭlodân ajingte ahong inhri hnam kae.

(1) Hei rakip aban banna kaṭha det a tlo sik kae (1 Corinthians 14:40). Planning kaṭha tlo arangei. Meeting anhong tlak mak ma, kaṭha a antuk ansem sik hei kae. khana meeting kha aban banna kaṭha tlo nasik antluk sik hei kae. Mi inkhat sasam in ṭong kha hri hei rasoh. Khat leh khat kajana anpek hei rasoh.

(2) Nangni'n tabing maduna inphut heite tlomak ruh khan chu heite kanimak maduna inphut inlensak mak ruh, tâk khat leh khat hnenga malung innemtak a om ruh, ahei tik a milak-hei kha nangni kanek a akaṭhadet a lo hei ruh (Phillipians 2:3). Ama hin khat leh khat inhnakna khan rachâm kasi hei rakip nihmagi leh khat leh khat aṭhatna sik inbomtō nasik a malung anta nei eat sik kae.

(3) Tûtê inkhat bek in abi binga kadaom insang mak rasoh (3 John 9). Mi hen nakaja hei rasō ti malung tûtê inkhat bek in anta mandon mak sik kae. Khava kapōtak a khangtherhei nangni'n upahei ṭong thōia aka-om nger sik chei kae. Khana nangni nankhenga khat leh khat inzentō theina sik insinsakna nankhōna inkhit ruh. Ajârchu ṭong intheng in ahri: “Pathen in inlensak ahōt, tâk insinsak chu lum alo (1 Peter 5:5).

(4) Mi rakip in khat le h khat razena sik indon ruh. khana nangni kâra inkhat in achungpen achanghnôm inchu ama khan nansōk akachang sik kae (Matthew 20:27). Jesun Sonle hei ke sopna khan manenna katha pek inkhat ahman mu me (John 13:12-15). Sōk inkhat chang hnōmna malung a mi rakip in business meeting kha jao hei rasoh. Bekrup khangna sik anpek ṭon hei kha malung inpâk inpâk a tlo hei rasoh.

(5) Meeting kha derna leh inthōiya anta phut sik khan anta chai sik. Hing kapō tōn kahlu hei hi, Pathen singna leh inthōpuina arangei. Singna kamadu an-om inchu der hei rasoh, Pathen in singna apek sik hei (James 1:5). Khava jâra nangni inkhat leh inkhat nansetnahei inhri sōttō una, nandam theina sik inderpek ruh. Mikadik derna khan raṭha kaneitak a tōn atlo (James 5:16).

(6) Elders or mi rakip in chairman kha apha dungjuia inthleng hei raso. Ama hin kei anhling mak chairman eng kae ti mandonna kha ommak ning. Tongpui mandonsōmna (discussion) ah mi rakip in manhretna anta hei sik hi darkar kachang. Innak inse khan raotna aman mang. Meeting kaṭha inkhat tlonā hi inchuna leh experience neina inkhat kae. Ama hi tōn kabei e mak. Chairman khan tōng tan nasik alak hei kanek raṭha anei det e mak. Ama tōn khachu meeting kha aban banna antlothei nasik kaen sui kha kae.

(7) Mi inkhat in meeting record kha kaṭha a ada sik kae. Hiva tōn hi inkhat kasam anthleng sik hei kae. Hiva tōn atlo jâra mi lak hei kanek a raṭha anei det e mak. Meeting an anta tlo sot tōn kha asun mahlut nam kae. Ama kha bekrup tōn katlo e mak khan tōntlonā um neimak. Meeting anchai pha leh record antlo rakip anta teisōt sik khana khana kaom mi rakip in anta hnōm kachang sik kae. Abanna meeting a, meeting anphut bia aveā anta tei sōt nōk sik kae.

(8) Record rakip kaṭha anta da sik kae. Heikhat tōngder or tōntlo sik ahong om kâra meeting record dung juia anta masōn or tlo sik kae. Record rakip katoī themma khan kabei teka anta tlo sik. Meeting sik plan kaṭha anta nei sik, meeting shunga khat leh khat inhoulīmna anta hnōm mak sik kae. Heikhat kara kanei inbekna om loa meeting kha kasōt taka antlo en chu, nunga aṭhatmakna hong kachang sik.

(9) Discussion khan mi rakip tahri anta rangei sik kae. Mi inkhat in meeting pha kha akhenga hlo mak rasoh. Mi rakip in anmalung madon an-phongsōt tor eat nasik pha anta pek eat sik hei kae.

(10) Alei kase sa kaneka hnunga hong kasōk sik a plan anta sem sik kae. Meeting kha mathona kape kachang sik kae. Business meeting hin mi rakip hneng thouna khan thlohnōmna lungthim ata hap kachang sik. Meeting kha kaṭha a antlo en chu, antlo sik. Anmani malung mandon kha, mi rakip pathen razenna tōn tlo khan ankhenga anvei sik hei hi kae (1 Corinthians 15:58).

(11) Vote anta tlo mak sik kae. Ankâra inkhōiṭhenna a-om makna sik, tōng inkhat ruk anhrina sik meeting kha anta tlo sik kae (1 Corinthians 1:10). Final decision anhlo tor mak inchu, pumkhat anchang tor mak kârseng meeting kha postpone tlo hei rasoh (Acts 4:32). Khava jâra, mandonna inkhat rōk neia, lungsetna inkhat rōk chēn a, malung leh rathla inkhat rōk changna vâng

khan pui katluk a a'npâk mi anchang inchu ankârra injana annei tor sik (Phillipians 2:2). Kankimvea aka-om hei kha kanram chung a re namantlo hei; kan-inrepuihei khan inzak namanpek ung (Psalm 80:6). “Eini innkō me kae, nami leh kamihei innâkthei mak hei ning (Genesis 13:8). Inhmūtōna neiloa mi 2 he'n khōhme se antaphut thei mo? (Amos 3:3). “Rengram inkhat abinga insem thena, arup-rup a an-indōi jo'nchu, akasôt ngir tor mak ning (Matthew 12:25). Rōngpu tahōt leh tamadumak omchen: khana òim leh re kâra bōina insō mihei hi kae (Proverbs 6:16-19). Khava jâra christian rakip, taksa pumkhat shunga insemthena om mak, taksa bâk rakip ankhenga inkhat leh inkhat khôk insak heia tōn anta tlo sap sik kae (1 Corinthians 12:12,25).

(12) Pathen tōn tlo nasik member rakip in anta tlo theisin tōn kha tlo nasik inselâr hei rasoh. Tōn kasin tek ae inhnôm rathla hlang tinga tōn ae jârra tōn kahlu tak inkhat kae.

(13) Pathen rathla inn, bekrup khangsôt nasik a antlo meeting kha anta manchang sik kae. Raleita kachang tōn heikhat sika member hen kakhea malung anta pek mak sik kae. Tōntlo rakip khan decision rakip Pathen bek inn khangsōtna sik kachang sik kae. Denōmination hei plan in buiding kalen tak ansem, tâkkha Pathen plan in rathla inn kalen tak asak. Khan inkhōmna inn um ahmun kacha tak a kalen tak inkhat nila sem thei.

(14) Meeting motto kha , plan tlo sik khan plan kha tōn vâng tlosôt sik. Plan semna sik antuk mak bekrup rakip, an plan kha phak or hmu maknasik insemhei rasoh.

TONG CHAINA:

Bekrup inloikhōmana chung châng a mandonsōmna kha hin inchai jo. Hiva kakhea einin lei inthei theime. Bekrup sik Pathen tōn mantlukna chung a Bible hi pui katluk kae. Subject important kachang rakip inchu nôm nasik leh teihhnōmna sik hiva lesson hin kakhea antangpui sik che tia inhor eng. Khana hiva lesson hin new Testament a kaom christianity ave a manthar nasik malung nanei sik ti um inhor eng. Hei rakip a Christa kha chung niman tōng in khan Christa tōn mantluk rakip nijui achang inchu, kachang theisik. Bible dungjui bekrup irnrōnna hi restore nitlo mak inchu new Testament a Christa bekrup kha restore tlo thei mak tin me. New Testament shunga kaom tōntlona hei, khan hlamakakei hei tuning nikesōtor ea chu, akadik tak bekrup kha tuning um ni kârra hong kaom sik kae. Bekrup inti hi, building kâthatak, blueprint dungjuia ansak inn inkhat kapō kae. Jesun kabekrup kasak sik tia intepna alei nei (Matthew 16:18). Tâkkha mantheina kadikma oya hingya hen khava bekrup kha ansōk manseta kae (Acts 20:28-30). Rathla bek

inn kha aveā ninei tor nōk nasik new Testament dungjuia ansem plan rakip heite inkhat bek vat loa nita jui sik kae. Bekrup restor tlonasik church organisation restore nitlo sik hi important kachang her. Bible mantlukna nijui inchu, pathen hi ʔong kanei khan akasempa kae. Mihring mantheina nihapsa ea chu, mihring hei bekrup anphutsōt sik kae. Bible in arakok me: inn kha rōngpu'n asak achangmak inchu, akasak hei ʔontlo kha hmemna kase kae; khōpui kalen kha rōngpu'n ahuk mak inchu, repa kahngâk he'n kot kunga akangir hei kha hmemna kase hei kae (Psalm 127:1). Hlung kahringhei kapōa hong ruh, rathla bek-inn insakna khan inhmang ruh, khana khan thempu intheng kapōa Jesu Christa jâra Pathen hneng rathla a leh hnōmpek thei inthōina ʔon razenna kha nantlo sik (1 Peter 2:5).